



John Adams Library.

IN THE CUSTODY OF THE
BOSTON PUBLIC LIBRARY.




SHELF No.
★ ADAMS
264.1



Digitized by the Internet Archive
in 2011







Υποτύπωσιν εἶχε τῶν ὑγιαίνοντων λόγων.
11. *Tim.* 1. 13

S. Gribelin Sculp.

John Adams
Π Ε Ρ Ι Α Ρ Χ Ω Ν

LIBRI SEPTEM.

ACCEDUNT

LITURGICA.

AUCTORE
GULIELMO NICOLS, A.M.
Ecclesiæ Stockportensis Rectore.

Ἡ καταβολὴ τῆς Σεμελίης. Vide Epist. ad Hebræos VI. 1.



L O N D O N I,

Typis & Impensis J. DOWNING, vico vulgò dicto
Bartholomew-Close, prope West-Smithfield, 1717.

ADAMS

ADAMS 264.1

Reverendissimo in Christo Patri ac Domino,
D. G U L I E L M O,
Providentia divina, ARCHIEPISCOPO
CANTUARIENSI, totius Angliæ
Primate & Metropolitano, Regiæ Maje-
stati à sanctioribus Consiliis, *Gulielmus*
Nicols, Ecclesiæ Anglicanæ Presbyter,
Salutem in C H R I S T O J E S U.

P*Astorum immortale decus, sanctissime Præsul,*
Exemplar vitæ nobile, forma gregi,
Antiquæ fidei vindex, & gloria sæcli,
Hoc in Te nostri pignus amoris habes.
Sæpe dolens vidi teneræ prælecta juventæ
In nostris passim carmina fæda scholis;
Corruptura bonos mores deliria vatum,
Crimina qui canerent multa patrare deos.
Huic ego lethifero cupiens occurrere morbo,
Et prodesse bonis, dum mihi vitæ manet;
Quæ credenda piæ, facienda, petendæque nobis,
Condere tentavi carmine cuncta brevi:
Ut discant pueri sanctissima dogmata Christi,
Et mores semper, qui placuere Deo.
Si Deus ille suo dignetur adesse favore,
(Quo sine conatus noster inanis erit)
Injecta hæc animis virtutum semina mittent
Radices, fructus eximiosque ferent.
Ut valeas, opto, viridique fruare senectæ,
O decus, O studiis præsidiumque bonis:
Inter Britannos tua laus, tua fama manebit,
Dum maneat veræ religionis amor.
Hæc ego conscripsi tibi mox moriturus, & orans
Ut velles natis tu pater esse meis.

EUSE-

EUSEBIUS.

ΤΟ ΜΕΝ ΟΥΝ ΠΑΡ ΗΜΩΝ ΓΡΑΜ-
ΜΑ ΤΟΤΤΟΝ ΕΧΕΙ ΤΟΝ ΤΡΟΠΟΝ
ΚΑΘΩΣ ΠΑΡΑΛΑΒΟΜΕΝ ΠΑΡΑ ΤΩΝ
ΠΡΟ ΗΜΩΝ ΕΠΙΣΚΟΠΩΝ, ΚΑΙ ΕΝ
ΤΗ ΚΑΤΗΧΗΣΕΙ, ΚΑΙ ΟΤΕ ΤΟ ΛΟΓ-
ΤΡΟΝ ΕΛΑΜΒΑΝΟΜΕΝ, ΚΑΙ ΚΑΘΩΣ
ΑΠΟ ΤΩΝ ΘΕΙΩΝ ΓΡΑΦΩΝ ΜΕ-
ΜΑΘΗΚΑΜΕΝ.

S. Chrysostomus Homil. I. in Matt.

Ἐκεῖνο μετὰ τῆς εἰρημέραν ἀξιῦντες ὑμᾶς ᾤδατι-
ρεῖν, ὅτι ἐν τοῖς κεφαλαίοις καὶ συνέχεσιν ἡμῶν τῶν
ζωῶν καὶ τὸ κήρυγμα συγκεστῆσιν, ἕδαρχῃ τις αὐτῶν
ἡδὲ μικρὸν διαφανήσας δέσκεται. Τίνα δὲ ταῦτά
ἐσιν; δίδον ὅτι ὁ Θεὸς ἀνθρωπῶ ἐγένετο, ὅτι δάυ-
ματι ἐποίησεν, ὅτι ἐσαυρώθη, ὅτι ἐτάφη, ὅτι ἀνέστη,
ὅτι ἀνῆλθεν, ὅτι μέλλει κεῖναι, ὅτι ἔδωκε σωτηριώ-
δεις ἐντολάς, ὅτι ἐκ ἐναντίον τῇ παλαιᾷ νόμον ἐι-
σήκεν, ὅτι ἡδὲ, ὅτι μονογενὴς, ὅτι γνήσιος, ὅτι τῆς
αὐτῆς ὑσίας τῷ πατρὶ, καὶ ὅσα τοιαῦτα.

Τὰ σοιχεῖα τῆς ἀρχῆς τῶν λογίων τῷ Θεῷ. Heb. V. 12.

Σπεύδασιον ὅπως δεῖδῶσι καλῶς αἱ ἀρχαί· μεγάλῳ
ᾧ ἔχουσι ῥοπῶ πρὸς ἐπὶ ὁρμη. Aristot.

Δεῖ ἀρχὴν τὴν σοφὸν μὴ μόνον τὰ ἐν τῶν ἀρχῶν εἰ-
δέναι, ἀλλὰ καὶ πρὸς τὰς ἀρχὰς ἀληθεύειν. Idem E-
thic. ad Eud. Lib. V. cap. 7.

Quocirca vereor committere ut non bene provisā,
& diligenter explorata principia ponantur, Cic. de
Legibus, Lib. III.

ΠΕΡΙ




ΠΕΡΙ ΑΡΧΩΝ,

Sive

De Principiis Religionis Christianæ,

LIBER PRIMUS.

MAGISTER, DISCIPULUS.



IC mihi, charè puer, Patri dilecte
supremo,

(Cura locus ille facer, lux illa di-
cata quieti,

Ad pia colloquia invitent) Quid
sit tibi nomen?

Inceptis nostris DEUS his aspi-
ret! D. Ab illo

Sit mihi principium: nempe est labor omnis inanis
Absque Deo. Est nomen mihi, vir venerande, Philippus.

M Si te sic pietas commendet, ut oris honestas,
Nil erit in toto te pulchrius orbe, Philippe.

Quis dedit id nomen tibi, Nate? D. Dedere fideles

Id mihi Sponsores, (sic me docuere Parentes,)

Tunc cum parva mihi lustraret membra Sacerdos

Baptismo sacro. M. Dic, hoc baptisinate sacro

B

Quid

Quid sis lucratus? *D.* Baptismi munere membrum
Factus eram Christi, natus Patris omnipotentis,
In cœloque hæres regni quod duret in ævum.

M. Tene, Philippe, Deus tanto est dignatus honore
Ut velit esse parens tibi? *D.* Sic est; non modo ut ipse
Totius humani generis Pater atque Creator,
Verum etiam ut Domini IESU Deus & Pater idem est.

Filius ille Dei natura est, nosque fideles
Filiï adoptivi sumus Omnipotentis in Illo,
Et Christi fratres, & cœli maxima cura.

M. O felix, qui cum naturâ filius iræ,
Mancipium peccati esses, & Numinis hostis,
Jam factus liber, Domini jam factus amicus,
Filius atque hæres de sacro fonte renatus.

D. Hæc benefacta Dei memori sub pectore condo.

M. Et quid Sponsores pro te fecere benigni?

D. Nomine promissere meo tria; Nempe futurum
Ut mihi quamprimum matura adolesceret ætas,
Illum hostem humani generis procul esse juberem;

Tacta ejus, pompas, spectacula inania mundi,
Affectusque omnes tentarem subdere carnis:
Promissere fidem quod verbis Christi adhiberem,
Doctrinamque simul quæ libris condita sacris,
Traditaque est nobis, amplecterer atque foverem:

Denique quod mandata Dei servare studerem,
Ut decet illum, qui Domino sit fœdere junctus:

Et sane dum viverem in hoc incedere vellem
Tramite, dante Deo, qui rectâ ducit ad Astra.

M. An persuaderis, quod tu promissa teneris
Hæc implere tuo quæ nomine facta fuere?

D. Maxime; & auxiliante Deo, implere omnia tentem:
Et grates cœlesti ago Patri, quod voluit me,
Credientesque in eum, vitæ æternæque salutis

Participes omnes fieri per viscera Christi;
 Quem precor, ut donet mihi in hac persistere pulchrâ
 Militiâ æthereus dum Spiritus hos regit artus.

M. Ergo in Baptismo Domino es jam * fœdere junctus.
 D. Sane. M. At quod fœdus cum Judæis fuit istum,
 Cessavitne? D. Novum Deus inducendo abolevit.
 Priscum illud fœdus: sicut promiserat olim
 Facturum sese. M. Dic priscum quale sit illud,
 Quale novum fœdus? D. Deus unus fecit utrumque
 Temporibus variis, Christusque in utroque dabatur.
 Fœdere sub veteri fiebant cuncta figuris
 Propositisque typis; verum *res* exhibet ipsas,
 Confirmatq, Novum: Pecudum illud sanguine tantum
 Sancitum, Deus hoc sancivit sanguine Nati.
 Fœdus utrumque vide sacrum, dicesque vetustum
 Id cum Judæo solo pepigisse Tonantem;
 At fecisse Novum cum gentibus omnibus orbis.
 M. Cætera nunc inter legem veteremque novamque,
 Chare Philippe, mihi quæ sint discrimina narra.
 D. Lex vetus innumeris onerata est *ritibus* olim,
 Promeruitque *jugum* grave dici; at Lex nova Christi
Spiritualem cultum, & pectora pura requirit.
 Non circumcidi carnem, sed *cor* Deus optat:
 Nec tauri aut capri sanguis nunc crimina tollit,
 Sed sanguis Christi, sordent holocausta Tonanti;
 Neve est contrito jam gratior hostia corde.
 Libertas summa est Christo servire, jubenti
 Nil nisi quod profit facientibus, & sit honestum.
 Et quod cuique bono sese commendat, ut id quod
 Solum à criminibus purgat *Conscire* nefandis.

Multa ob duritiem populi permittere Moses
 Visus erat, prohibet quæ lex sanctissima Christi.
 Quæ venit ex Sina monte est *lex plena timore*,
 Quæ venit ex Sion merito *Lex audit amoris* :
 Illam marmoreis tabulis inscripsit IOVA,
 Hanc ipsam humanis inscripsit *cordibus* idem.
 Quin lex prisca viris promittit, quæ bona ducunt
 Infirmæ mentes, *terrenæque* plurima spondet :
 At nova promittit longe *meliora*, *piasque*
 Quæ maneant animas in cœlis gaudia monstrat ;
 (Clariùs hæc saltem depingit gaudia nobis,)
 Præque illis dat opes, fragilemque hanc temnere *vitam*
 Dat mala posse pati virtutis *amore*, jubetque
 Mercedem in sæclo tantum sperare *futuro*.
 Denique prisca *necem* minitata est omnibus illis,
 Qui non servarent totam sine crimine legem :
 At venia afflictis animis concessa benigna est
 Omnibus in Christum credentibus, almaque fulsit
 Spes Evangelio *vitæ æternæque* salutis.
 Ergo est dulce *fugum*, levis est quoque sarcina JESU,
 Ille est qui requiem donat mortalibus ægris.
 M. Fœderis ede Novi quis sit Mediator ? D. IESUS,
 Filius ille Dei sacra de virgine *natus* ;
 Hac ratione novum veteri præstare probamus,
 Quod sit merus homo veteris Mediator ; at hujus
 Quæ nova lex audit, Mediator amabilis ille est,
 Qui sit verus homo, & qui verus sit *Deus* idem.
 A Mediatoris persona oritur decus illud
 Quo nova Lex veteri longè præcellere nota est :
 Tantum visa nova est veteri præcellere, quantum
 Aut dominus servo, aut *Mosè* præcellit IESUS :
 Hic servus Domini fidus, sed Filius ille
 Factus ob obsequium, & quæ pertulit unicus hæres
 Cunctarum

Cunctorum rerum, per quem Deus omnia fecit
 In cœlo & terris, de quo simul omnia pendent.
 Namque necesse fuit nobis, ut qui Mediator
 Inter mortales esset, Numenque supremum,
 Participans esset naturæ utriusque; sed idem
 Qui sine peccato natus sine criminis esset
 Umbra, & tentatus misereri disceret horum
 Quos varia in pravo vexant tentamina mundo.
 Denique qui in nostra regnans super æthera carne
 Ad dextram Patris semper foret, omnia sciret,
 Audiretque preces cunctorum, & in omnia secula
 Viveret, auditus semper, semperque precando
 Obtinuisse valens, quodcunque à Patre roicaret.
 Talis amans nostri est Mediator sanctus IESUS.

M. Quomodo promeruit JESUS Mediator ut esset?

D. Morte * deinde sua hoc meruit; nam non dubitavit
 Ut genus humanum servaret, ponere vitam,
 Atque super lignum nostros perferre dolores.
 Humani generis *Sponsoris* munere functus
 Pro nobis legem implevit, mortemque subivit.
 Justus pro injustis, passus pro fontibus insons.

M. Cur circumcisis, cur flumine tinctus IESUS,
 Longaque in horrendo jejunia duxit eremo,
 Qui sine peccato natus, sine crimine vixit?

D. Ut qui peccata in se nostra receperat, idem
 Hoc quoque pro nobis impleret nomine legem.

M. Unde necesse mori fuit illi? *D.* Nempe ut Adam
 Peccato offensum, offensum illiusque nepotum
 Peccatis animum posset placare Paternum:
 Illud *Chirographum* quo pœnæ obnoxius omnis
 Æternæ mortalis erat, moriendo Redemptor

Rescidit, affixitque cruci, pacemque reduxit.

M. Quid fusus vituli sanguis signabat Hebræis?

D. Signabat Patribus sanctis, quod sacra futurus
Victima * pro mundi peccatis esset IESUS.

M. Ergo erat ille Patri pro nobis *victim*a? D. Sic est;
Idem perfuso proprioque cruore Sacerdos,
Pascha piorum, *Agnus* qui tollit crimina mundi.

M. Dic, quid pro nobis *animo* sit passus IESUS?

D. Horrorem extremum, visus sudare cruorem
Cum foret, iratum persentiretque Parentem:

A Genitore suo se credidit esse relictum,

Cum sic funesta clamaret ab arbore pendens,

Cur, Deus omnipotens, cur me, Pater alme, relinquis?

Tantum pro nobis Patri charissimus ille

Mente animoque suo est passus, dum vixit, IESUS,

Quantum nempe pati posset mens criminis experts.

O amor immensus JESU, qui jam moriturus

Diceret, † *Alme parens, veniam da, Te precor, illis*

Ignorantibus & quid agunt, & quæ tua mens est,

Me tradendo mori, & fures numerarier inter:

Annuat omnipotens, exaudivitque precantem.

M Num loca post mortem descendens vidit IESUS,

In quibus horrendas & dæmones atque rebelles

Dant animæ pœnas? an & unquam sanctus IESUS

Quæ subeunt damnatæ animæ tormenta subivit?

D. Absit, ut hoc credam, cum sacra volumina tradant

Jam moriturum illum, voce exclamâsse, *Peractum est;*

Atque animam puram manibus mandasse Parentis.

Nempe dñe qua passus erat Paradisia regna

Non dedignatum comitante intrasse latrone;

Inde

* *Idem factus pro nobis victim* † *Orat. pro his qui ipsum morti addixerunt.*

Inde dies tres scripta eadem testantur IESU
 Sacrum in marmoreo corpus jacuisse sepulchro.
 Ut Deus ille fuit nequirit descendere JESUS
 (Nam quis in infernum Numen descendere dicet,
 Qui credit Natum loca cuncta replere Tonantis?)
 Ergo non anima, non corpore, nec Deitate
 Descendens unquam loca tristia vidit IESUS,
 In quibus æternas dat pœnas turba malorum.

M. At quod Salvator noster descendit in *Haden*
 Catholica in terris Ecclesia sancta fatetur.

D. Sane; sed quis sit locus *Hades* ille videndum.
 Voce illa veteres signabant sæpe sepulchrum,
 Aut mortem, quæ sit cunctis communis, & unâ
 Divitibus subeunda sit æquè, pauperibusque:
 Sæpe datas animis exutis corpore sedes,

(Quas quia visibiles non sint mortalibus ægris,
 Dixerunt *Haden*, sive essent mentibus illæ
 Justorum sedes concessæ, sive nocentum,)

Sic demum noster * JESUS descendit in *Haden*,
 Mortuus ut verè, verè fuit ille sepultus;
 Dumque in marmoreo recubarent membra sepulchro,
 Concessas animis exutis corpore sedes

A Domino (sed justorum, sed fraude carentum)
 Pars audiit melior, Patriisque quievit in ulnis.

M. Significatne aliud vox *Hades*? D. Denotat illa
 Corporis atque animæ summos quandoque dolores.

Sic quoque visus erat JESUS descendere in *Haden*,
 Quando ille ad mortem contristaretur, & unus
 Nostros cunctorum perferret sponte dolores.

Verum non aliter propriè strictèque loquendo
 Salvator mundi JESUS migravit in *Haden*,

Quam

* Quomodo JESUS descendit ad Inferos?

Quam quod ubi corpus mortem subiisset acerbam,
Ejus sancta anima in sedes translata sit illas,
Quas Pater omnipotens tribuit post funera justis
Dum natus iudex totius venerit orbis.

M. Quando triumphavit JESUS de morte, Philippe,
Ipsam captivam ducens? D. Cùm nempe sepulchro
Exiret victor, cœlumque ascenderet altum:

Tunc ille æternum duxit de morte *triumphum*,
De mortisque auctore malo, serpente? M. Sed ede,
Cur fuit unius mors tam meritoria JESU?

D. Quod natus fuit ipse Dei, quod criminis expers,
Et quod sponte sua pro nobis se obtulit ipsum.

M. Ergo novum Fœdus veteri præstare videtur.

D. Præstat, quantum umbris fugitivis corpora præstant:
Mosaicæ JESUS est consummatio Legis.

Et veluti puero qui tradit prima elementa,
Ille viam ingenuas sapienter munit ad artes:

Sic Lex Judæis dum monstraret pietatis
Prima rudimenta ad Christum perducere visa est.

Nam cum nemo Dei legem sic servet, ut ipse
Nequaquam offendant (quod Lex ea sancta requirit)
Lex peccatores nos omnes indicat esse:

Nec coram mundi totius Iudice stare
Posse quidem quemquam mortalem: quin docet ipsa
Currendum nobis (queis cura sit ulla salutis)

Ad Christum, illiusque Crucem: cujus fuit olim
Serpens dans vitam spectantibus apta figura.

Christi pulchra fuit veteri sub lege figura
Perfusus pecudum sanguis, qui crimine mentes
Humanas purgare nequit: sed significabat
Purgandas olim pretioso sanguine Christi.

M. An promissa fuit Judæis vita perennis?

D. Certè; sed variis, ut dixi, expressa figuris,

Unica dum mundi, qui spes fuit, ille veniret,
Atque palam faceret, quæ vita futura beatis,
Quæ maneant animas post mortem gaudia sanctas.

M. Ante datam Legem Patribus promissane vita est?

D. Promissum Semen fuit his, qui immane Draconi
Contereret caput, & simul omnia perderet acta:

Promissa est requies antiquis Patribus illis,
Quam quia in hac vita non obtinere caduca,
Promissisque Deus nequeat non stare; profecto

Qui placuisse Deo dicuntur amore fideque;

Sunt habiti iusti, quibus & peccata remissa,

Credimus hos omnes requiem super astra manere:

Nempe fide in Christum venturum, spe quoque pleni

Vixerunt Patres, lucemque obierunt supremum;

Semet in hoc fassi peregrinos orbe fuisse,

Et sibi mansuras in cœlis quærere sedes.

M. Fœderis illius veteris virtutene possit

Jam quis salvari? *D.* Minimè. *M.* Ergo credere in unum

JESUM * opus est. *D.* Certe illi qui salvus velit esse;

Hunc Deus omnipotens nobis dedit esse Prophetam,

Æternumque Sacerdotem, Regemque benignum.

Hic est *Messias* promissus Patribus olim,

Optatusque diu; nec toto nomen in orbe

Est aliud, quo salvemur, nisi nomen IESU.

Qui via, qui verum, qui solus denique vita est;

Dans quibus ipse volet vitâ gaudere perenni.

M. At tu, blande puer, dic quæ testentur IESUM

Esse hunc *Messiam*? *D.* Testantur † plurima; nempe

Scripta Prophetarum veterum, miracula multa,

Et doctrina Deo digna, & sanctissima vita.

Angeli

* Non esse salutem nisi per IESUM Christum. † Quæ
testantur IESUM esse Messiam.

Angeli item sancti planè testantur IESUM
 Auctorem æternæ credentibus esse salutis;
 Nam cum prodiret JESUS in luminis oras,
 Cantabant læti, *Salvator nascitur orbis,*
Gloria in excelsis Domino, Pax aurea terris,
Ergà homines summi panduntur viscera Patris.
 Zacharias, Simeon, Anna, & veneranda Maria
 Mater JESU, omnes divino numine pleni
 Insignes pietate omnes, testantur IESUM
 Semen id esse bonis promissum Patribus olim
 Promissum Lumen totius gentibus orbis.
 Testanturque Magi, portantes munera Christo,
 Tunc quando Ille suæ penderet ab ubere Matris,
 Numen adorantes nati de virgine Regis:
 Ad quem se ductu stellæ venisse fatentur.
 Testatur sanctus Baptistes, Angelus ille
 (Sic visus multis) indutus corpore, & idem
 Præcurzor Domini clarissimus. Hic venientem
 Ad baptisma suum cum forte videret IESUM,
Ecce Dei Agnus, ait, qui tollit crimina mundi.
 Denique testatur super omnia sacra Parentis
 Vox emissa polo placidas Jordanis ad undas,
 Dicentis: *Meus est dilectus Filius ille,*
Ille decus cæli est, ille est mea summa voluptas:
Audite illum omnes; quæ sit via recta docebit;
 Spiritu in hunc ipsum sub imagine nempe columbæ
 Descendente palam, Summumque ungente Prophetam.
 M. Anne Propheta fuit JESUS? D. Fuit ille Propheta
 Maximus, & seclis prædixit multa futura:
 Quos casus, quam pro nobis mortemque subiret,
 Ante diem fociis mirantibus ore retexit.
 Prædixit (verum probat eventusque Prophetam)
 Excidium Solymarum, & gentis fata rebellis.

Computet ah durus Judæus tempora mundi;
Computet Hebdomadas Danielis vaticinantis
Inter captivos sævæ Babylonis in oris;
Et vel *Messiam* venisse agnoscat oportet,
Vel non venturum dum sol & luna manebunt.
M. Nonne est prædictum, quod Templo stante secundo
Esset venturus *Messias*? D. Maximè; & illud
Jamdudum venisse probat; quia nempe secundum
Templum (cui præsens Deus ipse in carne futurus,
Cui foret hoc uno cessurum nomine primum,) Romanis
dudum placuit victoribus orbis
Exæquare solo, & captivam ducere gentem,
Ut lux ille hominum JESUS prædixerat ante.
Imo cum Templum sævo impulsore tyranno
Forte novum Solymis Judæi condere vellent,
Ex fundamentis sunt visæ erumpere flammæ,
Atque necare viros ausos insistere cœptis.
M. At Judæus adhuc expectat cæcus & amens
Illum *Messiam*, qui totum subjuget orbem,
Et sedem imperii Solymis per secula figat.
D. Frustra id Judæus carnaliter omnia cernens
Expectat; quoniam hunc nobis oracula sacra
Messiam spondent, qui rex sit, virque dolorum;
Rex, sed cui regnum minime foret illius orbis:
Qui pro peccatis mundi (sic omnipotenti
Visum est Patri) animam puram illam poneret ultro;
En posuit noster JESUS, pœnasque tremendas
Pro scelere in toto gens nunc luit impia mundo;
Nobileque existit monumentum Numinis iræ.
Nam patria extorris, sine certis sedibus ullis,
Improba, turpi dedita lucro, odio omnibus errat,
Absque Sacerdote, aut Templo, aut republica, ab annis
Mille & sexcentis: adeo ut satis illa suorum

Exaudisse Deum jam constet verba parentum,
 Quando exclamarent sævi, facerentque tumultum,
In nos sit sanguis ejus, nostrosque nepotes,
 Præferrent vitæ auctori turpemque homicidam.
 Illa duo tantum mihi det Judæus Apella,
 Nempe, *Tot olim & talia prædixisse Prophetas,*
Res gestas JESU scriptasque fideliter esse;
 (Quæ duo non audet, quamvis velit, ipse negare)
 Et facile evincam JESUM de virgine natum
Messiam esse illum, quem prædixere Prophetæ
 Venturum; & sane prius (ut Patriarcha canebat)
 Quam decus imperii Juda decederet omne:
 Quis sceptrum Juda jam decessisse negabit,
 Postquam Judæa est Romæ servire coacta?
 M. Hoc Argumentum Judæus nemo refellat;
 Quo venisse patet *Messiam* scilicet Illum,
 Qui promissa salus, lux, vitæque gentibus esset,
 Israelitici populi quoque gloria. Sed dic
 (Non etenim leve pondus habet res illa, Philippe,) Ullane
 Judæis Tribuum distinctio restat?
 D. Nulla; ergo ex illis (ut me docuere Magistri)
 Nemo tribu Judæ, se nunc probet esse oriundum;
 Nemo est, qui semen se nunc probet esse Davidis:
 (Quod quisque ingenuus fateatur oportet Hebræus;
 Nam Genealogicas gens hæc fervare tabellas
 Desiit, ex quo sit merito dispersa per orbem,) At
 Patriarcharum sobolem, regnique Davidis
 Hæredem JESUM Socii, testesque fideles
 Ex sacris liquido monumentis esse probârunt.
 Quis non ergo videt, Judæos mente carere,
 Qui sperant alium venturum (si modo sperant.)
Messiam, qui sit Rex magnus in orbe futurus?
 Scilicet ut semper, sic nunc gens illa rebellis

A vatum facris avertit vocibus aures.

M. Cætera quæ JESUM venerandum gentibus orbis
Esse Dei natum monstrant, jam perge referre.

D. Prodigia in cœlo & terris quæ visa fuerunt
Tempore, quo Solymis infons pateretur IESUS,
Esse Dei Natum monstrant; namque æthereus sol
Cum vixdum medium cœli transcenderet alti

Aurea pollutis subtraxit lumina terris,
Ceulugens, nolensque tueri crimina mundi;
Contremuit tellus, sancti velamina Templi
Scissa, & multa suis sunt visa exire sepulohris
Corpora Sanctorum, Solymas urbemque subire.
Præcipue id monstrant ejus de morte triumphus,
In cœlum reditus, mundi imperiûmque receptum.

Denique ope ejus totius conversio mundi
A cultu idolorum ad Numinis agnitionem
Ejus, qui Pater est hominum, rerumque Creator;
Non armis effecta virum, sed sanguine fuso
Martyrum, amicorûmque Dei, queis *Christicolarum*
Nomen crimen erat: (Patiendo Ecclesia crevit)
Ut possit meritò miraculum & ipse videri,
Edita qui post tot miracula plura requirat,
Et mundo toto credente incredulus extet.

M. Nonne sub adventu * Christi siluere per orbem
Ambigua, & fraudem facientia gentibus illa
Dæmonis, ut credi fas est, oracula vafri?

D. Maximè; & hoc ipsum vel turba inimica fatetur.
Augusto, ut fama est, retulit consultus Apollo,

*Me puer Hebræus divos Deus ipse gubernans
Cedere sede jubet, tristemque redire sub orcum:
Aris ergo dehinc tacitus discedito nostris.*

C

M. Scripta

* Oracula adventu Christi ubique silent.

M. Scripta * Sibyllarum liceátne citare fideli,
 Ut JESUM probet esse Dei Natum, & simul illum
Messiam sanctis promissum Patribus olim?
D. Scire fidem nostram non illis credo libellis:
 Sed nec anus credo Paganas vaticinatas
 Esse adeo clarè de Christo, ut lucidiora
 Non ipsi veteres dederint oracula vates:
 Fama refert, ea plena superstitione fuisse
 Carmina, quæ quondam foliis mandare Sibyllæ
 Ambiguis verbis regnorum fata canentes.
 Quædam inter gentes agnosco obscura fuisse
 De magno quodam venturo oracula rege,
 Cui Deus imperium totius traderet orbis:
 At quæ Cumææ, sub Erythrææque Sibyllæ
 Nominibus conficta extant oracula, certè
 Ex libris sacris pene omnia sumpta videntur
 Olim à Judæis, & carmine reddita sacro;
 Quæ cum scripta forent ante est quam natus IESUS,
 Esse Sibyllarum sunt credita carmina cunctis
 Gentibus, & Romæ, ut fama est, in honore fuerunt.
 Hæc Græci laudare patres, laudare Latini;
 Nempe quod hæc colerent, ceu verà oracula & ipsi,
 Et quas ad Christum vellent perducere gentes.
 (Fraus à Judæis pia facta videtur utrisque
 Postea quam Romæ arsisset Capitolium, & illis
 Scripta Sibyllarum periissent omnia flammis.)
 Nec dubito, quin his lectis pars magna per orbem
 Gentium (eis vanis diis quos coluere relictis)
 Conversi ad Christum fuerint; sic credere fas est.
 Deinde Sibyllinis sunt addita multa libellis
 A Græco quodam, quem nemo fuisse prophetam
Credat

* *De Oraculis Sibyllinis.*

Credat, sed vixisse diu post tempora Christi.

M. Quos habuit testes rerum quas gessit IESUS?

D. Judæam gentem; nam clam nil fecit IESUS.

* Auditum surdis, tribuentem lumina cæcis,
Atque pedes claudis, claram mutisque loquelam
Viderunt multi, & simul obstupere videntes

Ipsas vertentem lymphas in dulcia vina,
Panibus haud multis pascentem millia quinque,

Ex miserorum corporibus voce ejicientem
Dæmonas impuros, castigantemque rebelles.

Quin illum varios morbos videre fugantem

Contactu; multis dantem post fata redire

In lucem, mœstisque suis exire sepulchris,

Et superesse sibi: quid plura referre necesse est?

Carpentem videre viam super æquora plantis,

Vento imponentem, sævoque silentia ponto,

Imperioque simul cælum terramque regentem.

Hæc hostes JESUM nostrum fecisse fatentur,

At sibi præ reliquis bis sex ascivit IESUS

Electos socios, qui testarentur in orbe

Ipsam etiam ex clauso confurrexisse sepulchro,
(Postquam pro nobis mortem subiisset acerbam,)

Ante oculosque suos cælum ascendisse supremum,

Qui tormenta pati mallent, & ponere vitam,

Quam quæ viderunt, hæc se vidisse negare.

M. At dic quæ evincant, hos testes non voluisse

Mundo imponere? D. Planè nil interfuit horum

Rumores falsos spargendo imponere mundo.

Si falsi testes voluissent, & scelerati

Esse impostores, dementia quanta fuisset

Dilexisse supra vitam mendacia, & illa

Antefuam ipſorum æternam poſuiſſe ſalutem!
 Imponendi orbi nunquam tam dira libido,
 Nunquam tantus amor pereundi invadere mentes
 Simplicium potuere virum, quos & ſapientes,
 Atque fuiſſe Deo charos doctrina libellis
 Conſona divinis, & mens præſaga futuri,
 Et ſancti mores, & facta ſtupenda probârunt;
 Quæ patrâſſe illos, ne gens inimica negabit.
M. An Majora Dei natus miracula fecit,
 Quam veteres fecere prophetæ? *D.* Fecit; **IESUS**
 Non tantum impuros ejecit dæmonas ipſe,
 Sed jus atque poteſtatem ſimul ejiciendi
 Diſcipulis vel voce quidem dedit ille: quod ipſum
 Nemo prophetarum veterum feciſſe probatur.
 Hi licet ad vitam dederint rediſſe quibuſdam,
 Et virtute Dei miracula multa patrârint,
 Dæmonas haud unquam tamen ejiciſſe notantur:
 Nempe reſervatum fuit hoc ad tempora Chriſti,
 In quibus Inferni rueret damnable regnum,
 Corrueretque Deo quævis inimica poteſtas.

M. Altiùs hæc paulo nobis repetenda videntur.
 Dic ergo unde Deus nobis * cognoscitur eſſe?
D. Cordibus humanis inſcripta æquique bonique,
 Notitiâ eſſe Deum monſtrat; Naturaque rerum id,
 Id probat omne animans, id clamat quælibet herba.
 Nam cauſas rerum aſſignando venire neceſſe eſt
 Ad primam cauſam (inſinitas ponere cauſas
 Non ſani eſt hominis,) quæ cauſa aliud nequit eſſe,
 Quam Deus omnipotens, idem qui condidit orbem.
 Cumque nihil poſſit motum ſimul eſſe, movenſque
 Tem.

* Deus unde cognoscitur.

Tempore (ut ipsa quidem ratio docet) uno & eodem,
Et nihil a sese moveatur ; oportet ut extet
Quis primus Motor, rebus dans esse, moveri,
Viveréque, existens immobilis ipse per ævum.
Qui primus Motor Deus est. Quin id *Ratione*
Uti, (quod proprium est homini,) *Conscire sibi*que
A factore uno rerum venit omnipotente.

Hinc nulla in toto gens est tam barbara mundo,
Quæ non esse Deum credat ratione magistra.

Quamvis verum nescivère Deum, tamen omnes
Esse aliquem fassæ gentes uno ore fuerunt.

M. Ergo aliqua his animis nostris innata videtur
Notitia esse Dei, qui condidit omnia. D. Certè;
Et simul est illud, quod plus quam vultus ad astra
Erectus; plus quam ratio, me iudice, nosmet
Separat à grege mutorum, quæ dedita ventri,
Projecta ad pastum vivunt sine legibus ullis,
Et plane sensûs expertia Numinis extant.

M. Notitia hæc rerum qua imbuti nascimur omnes.
Aut usu saltem rectæ rationis habemus,
Nonne ea * *Naturæ lex* dicitur? D. Est ea nempe
Quam nos *Naturæ legem*, lumenque vocamus.
Contra illud lumen peccans violator habetur
Legis naturæ, & pœnas dare jure tenetur.
Discimus esse Deum res contemplando creatas,
Discimus esse simul sapientem atque omnipotentem,
Perfectéque bonum, qui res has condidit omnes;
Et velle, ut justi sint omnes, atque benigni.
Ex illo humanæ sunt natæ lumine leges,
(Quod Domini in nobis agnoscitur esse lucerna;)
Et quæ dicta fuit Sapientia gentibus olim,

Ex ipso solo naturæ lumine fluxit.

Utque una est natura, ita lumen id omnibus unum est ;

Quo duce gens omnis, quantumvis barbara, novit

Injusto justum, verum discernere falso.

M. Non ergo arbitriis hominum, Jus omne, Philippe,
Verum natura rerum constare videtur.

D. Omnino ; siquidem * naturam æquique bonique
Immutare homines nequeunt, nec id efficere unquam,

Ut sit adulterium virtus ; vitiumque alieno

Abstinuisse toro ; néve ut pius esse sit ingens

Crimen, & egregium facinus contemnere Numen :

Immutabilis est natura æquique bonique ;

Ut Deus immutabilis est, qui fons sit utrique.

M. Cognitio unde Dei clara est & aperta petenda ?

D. † Ex libris sacris, quorum Deus ipse sit auctor.

M. Qui sunt libri illi sacri, dic, te precor. D. Illi

Sunt libri Mosis, Psalmi, veteresque Prophetæ,

Quos olim in Canonem sacrum Judæa recepit :

Addo Evangelia, & quos conscripsere fideles

Discipuli JESU, recipitque Ecclesia sancta

(Sponsa quidem Christi) quæ in toto militat orbe.

Scriptores sacros non est memorare necesse,

Cum sint illi, quos Ecclesia suscipit omnis,

Et quorum in populo celebrantur nomina sancto.

M. Dic mihi, qui sacros hos conscripsere libellos

Unde fuisse probas vates, & numine plenos ?

D. Testibus omnigenis, sociis atque hostibus ipsis.

Nota fuisse patet permultis gentibus orbis,

Græcis, Romanis, Indis, quæ vaticinando

Tradidit arcano miranda volumine Moses.

Eventura alii cecinerunt multa per orbem

Scrip-

* Natura æqui & boni immutabilis. † De S. S. Scriptura.

Scriptores sacri, quæ cum omnia tempore constet
 Evenisse suo, dubitandi nulla relictæ
 Est ratio, an vates fuerint, & numine pleni.
 Quis nisi Numen enim det certò scire futurum,
 Quorum in natura nequeunt existere causæ?
 Quis nisi divino repletus numine vates
 Antè annos potuit ducentos, quam editus esset
 Cyrus, venturum Persis prædicere regem
 Magnanimum illum, (etiam designans nomine Cyri)
 Qui libertatem Isacidis concederet, idem
 Mandaret Solymis sanctumque resurgere Templum?
 Quin libri sacri proprio se lumine produnt,
 Auctoremque Deum, per se, sine teste fatentur,
 Mentibus inspirat nostris dum spiritus almus.
 M. Unde probas libros genuinos hosce, Philippe,
 Esse prophetarum, quorum præferre videmus
 Nomina? D. Et hoc * hostes testantur. Qui genuinos
 Hos negat esse libros, neget idem, si volet ipse
 Historiamque omnem, & rerum monumenta per orbem.
 Verum quâ ratione mihi quisquam probet ullum
 Esse aliud scriptum genuinum, ego prorsus eâdem
 Hos libros sacros genuinos esse probabo.
 Nemo quidem dubitet quin carmina scripserit illa
 Mæonides, quæ nunc extant sub nomine vatum
 Principis illius, totoque leguntur in orbe:
 Sufficit ævi omnis consensus; & id dubitantem
 Mente carere putent omnes: An sanior illi
 Mens est, qui dubitet, num Moses scripserit illa
 Quæ nunc ipsius sub nomine in orbe leguntur,
 Et supra annorum ter mille in honore fuerunt?
 (Ex illis veteres hauserunt plurima Graii:)

At

* De sacrorum librorum ἀνθετυσία.

At non tam constat (licet id fat constet) Homerum
 Carmina conscripsisse hæc, in quibus ira ferocis
 Propter adulterium Paridis memoratur Achilles;
 Quam constat Mosen scripsisse volumina sacra,
 Quæ seclis pandunt vasti primordia mundi;
 Juraque conservant digito conscripta Tonantis.
 Non Cæsar, non ipse Plato, non Livius ingens
 Nève alius quisquam tam certò noscitur illos
 Conscripsisse libros quorum jure auctor habetur,
 Quam libros noscuntur eos scripsisse Prophetæ
 Quos sub eorum nominibus superesse videmus:
 Fœderis utriusque sacris scriptoribus alma
 Semper adest, aderitque * Ecclesia testis in ævum.
 M. Cur illis credas, num sancta Ecclesia causa est?
 D. Cur illis credam, sunt ipsi causa libelli:
 Quæ me ducat ad hos libros Ecclesia sancta est,
 Quorum ipsa est custos fida atque acerrima vindex.
 M. † Cur voluit sua verba sacris Deus omnia libris
 Committi? D. Quod in his sciret mansura per ævum:
 Testatoris enim melius retinere probantur
 Scripta voluntatem, quam quæ sunt tradita voce
 Sola, quæ multis errandi præbuit ansam.
 M. Dic quo fine Deus dedit illa volumina nobis?
 D. || Ut nobis essent vivendi Regula sancta.
 Incorruptique ejus in omnia secula testes.
 M. An scriptis solis standum? nemône tenetur
 Credere, quod non sit scriptum? D. Sic sentio planè.
 Sic quoque, ut accepi, sensit veneranda vetustas.
 M. Non dedit ergo libris Ecclesia, ut omnibus essent
 Regula vivendi perfecta, sed id decus ingens

His

* Ecclesia S. Scripturæ testis & custos. † S. Scriptura cur
 data sit? || Est sola Regula fidei.

His dedit omnipotens Deus * ipse. D. Ecclesia vera
Esse nequit, quæ non libris assentiat illis:

Nève potestatem accipere à mortalibus ullis

Credo libros sacros, sed ab ipso Numine solo

Accepisse reor, cum sit Deus auctor eorum.

Qui legis sacræ exemplar conservat, an ille

Jus legi det, ut ipsa mihi sit Regula vitæ;

Aut is qui legem tulit, & simul omnibus inde

Jussit, ut illa foret venturis Regula vitæ?

M. Atque fides libris his sacris † major habenda est

Quam mortalibus ullis sit. D. Sic sentio planè;

Cùm falli possint homines, & nesciat unus

Omnipotens falli, qui libros condidit illos.

M. Ergo nec supra scripturam Ecclesia sancta est:

D. Hanc veri famulam credo, non credo magistram.

M. At Paulo in scriptis Ecclesia sancta vocatur

Viventis templumque Dei, verique || columna,

Et fundamentum. D. Non Divi mens ea Pauli est,

Supra Edicta Dei sanctorum ponere cœtus;

Sed decus eximium monstrare Ecclesiæ id esse

Quod sit ea in qua sincerè colitur Deus unus,

Et quæ doctrinam sanam retinetque fovetque,

Subque Dei auspiciis in toto sustinet orbe.

Scilicet ut regum sustentant jura columnæ

Marmoreæ, sic tanquam permanfura columna

Sustinet alma parens Ecclesia jura Tonantis.

Tunc etenim veri est Ecclesia quæque columna,

Cum custos veri sit in orbe, & fida ministra.

Semper Catholicæ hæc laus est, nunquam meretricis,

Quæ colit idola, & tutatur dogmata falsa,

Impia,

* S. Scripturam à Deo solo auctoritatem habere. † Majorem esse auctoritatem S. Scripturæ quam Ecclesiæ. || Ecclesia quomodo Columna & fundamentum veritatis.

Impia, & omnino scriptis contraria sacris.

M. De scriptis sacris an nobis demere quicquam,
Addere eifve licet? *D.* Scelus est aut demere certè
De scriptis sacris, aut illis addere quicquam;
Aut quovis monumenta modo corrumpere sacra.

M. Cur ergo ex tabulis jamdudum Roma * *Secundum*
Mandatum expunxit? *D.* Causa est, quod nempe *Secun-*
Mandatum expresse damnet simulacra colentes. (*dum*
Promptius est Romæ sacros corrumpere libros,
Quam lectis libris pravos deponere mores.

M. Cur vetat hæc populum monumenta evolvere Roma?

D. Quod populum sapuisse nimis sit inutile Romæ.

Obsequii, ait meretrix, est ignorantia mater.

Hinc in vulgares divina oracula linguas

Verti nolit, amat sic versaque tradere flammis.

Nempe sacram lucem, maculas quia detegit, odit;

Et toto extinctam gauderet in orbe videre.

Novimus in quo sint pretio illa oracula Romæ,

Hæresiôn ubi fons, & litera † muta vocantur,

Mortua, & (O voces horrendæ!) Lesbia norma.

M. Nonne, Philippe, satis foret illud cuique fideli,

Credere, nimirum ut Romana Ecclesia credit;

Atque ultra hoc unum planè nil quærere? *D.* Non est;

Vera fides verbo Domini nitatur oportet;

Unum quemque suo voluit Deus optimus uti

Judicio in rebus fidei; neque lumine mentis

Extingui cuiquam, ut manibus miser ipse alienis

Ducatur: propriis utamur sensibus omnes;

Maximè in his rebus, quæ jam (vel iudice Roma,)

Noscuntur nostram æternam spectare salutem.

Credere ut alma parens Ecclesia credidit omni

Tem-

* Roma sacrilega. † Et in S. Scripturam blasphema.

Tempore Catholica, est tutum: sed credere certè

Ut credit Romana, via est quæ ducit ad orcum:

M. Quæ divina audit Scriptura, Deique probatur

Consilio tradi, num continet omnia planè

Quæ sunt omni homini faciendæ, ut vivat in ævum?

D. Continet omnino, * perfectaque Regula vitæ est.

Illa viam ad cælum monstrat, vitamque perennem;

Illa hominum refovet sanctorum spemque fidemque,

Magnaque in adversis præbet solamina rebus.

M. In scriptis sacris suntne omnia clara & † aperta?

D. Quæ credenda piis, faciendaque sunt ut in ævum

Vivant, in scriptis sacris sunt omnia aperta.

M. Cùm sint in sacris loca multa obscura libellis,

Unde locis illis lux, blande Philippe, petenda est?

D. Scilicet ex aliis quæ sunt planissima, (ut extant

Omnia quæ fidei & morum fundamina dicas,)

Nempe || sui ipsius Scriptura est optima semper

Interpres: norunt, qui sacra volumina volvunt,

Corde humili, & studiis jungunt pia vota precesque.

Dant quoque Scripturis lucem veneranda vetustas,

Hebrææque simul, Græcæque peritia linguæ;

Historiæ in primis, veterumque scientia morum.

M. Dic mihi cur præfert vulgatam Roma ¶ Latinam

Fontibus Hebræis? D. Quia quos feliciter orbi

Errores monstrant fontes, vulgata tuetur.

M. Et cur Roma suas sic jactat § Traditiones?

D. Quod nequeant aliter defendi crimina Romæ.

M. Dic quas *Non-scriptas* amplexa Ecclesia sancta est

Traditiones? namque aliquas amplexa videtur.

D. Quæ

* De S. Scripturæ perfectione. † Et perspicuitate. || Sancta Scriptura optima sui ipsius interpres. ¶ De Versione vulgata Latina. § De Traditionibus.

D. Quæ cum Scripturis concordant, quæ meruerunt
In toto orbe fidem, semperque, & ab omnibus, illas
Amplexa est, reliquas procul ipsa facessere iussit.

M. Ergo libris sacris omnis doctrina probanda est.

D. Consona quæ libris, vera est; quæ dissona, falsa.

M. Anne alios recipit libros * Ecclesia sancta?

D. In Canonem haud alios recipit sanctissima Mater:

Sunt equidem libri formandis moribus apti,

Utiliterque legi quos posse Ecclesia censet;

Sed quæ divinis Scripturis cedere debent,

Ut qui non rarò videantur inepta docere;

Ne dicam falsa, & secum pugnantia planè.

* *De libris Apocryphis.*



ΠΕΡΙ



Π Ε Ρ Ι Α Ρ Χ Ω Ν,

Sive

De Principiis Religionis Christianæ,

LIBER SECUNDUS.

MAGISTER, DISCIPULUS.

M AM mihi, si possis, Quid sit Deus,
 (ede, Philippe.
D. Difficile est nobis de * Numine
 (dicere summo ;
 Tanta est naturæ Illius præstantia,
 (ut illam

Humanæ nequeant mentes comprehendere , sed nec
 Angelicæ possunt : in eo sunt omnia planè
 Infinita : proinde Deum describere tentans
 Omnis viستا jacet facundia. *M.* Tu tamen Illum
 Ex scriptis, tutò poteris describere sacris.

D. Ex scriptis illis, per quæ se præbuit ipse
 Noscendum nobis, Quid sit Deus edere tentem.

D

Illud

* De Deo.

Illud sacra docent oracula. Quod Deus extet
 Spiritus æternus, purissimus, ingenitusque,
 A sese existens ante omnia secula solus,
 Simplex, materiæ longèque à fæce remotus.
 Qui sic *EST*, ut verè ipsi uni competat *ESSE*;
 Qui non esse nequit, dans omnibus esse, beatus,
 Nullius indigus, ipse simul sibi sufficiensque,
 Immenfus, loca complens omnia, nec tamen ullo
 Inclusus; quem mens hominum comprehendere nescit,
 Idem constans, & nullo mutabilis ævo;
 Omnipotens, sapiens, bonus unus, (sic bonus, ut sit
 Fons & origo boni simul omnis) justus, & idem
 Clemens, sanctus, verax, perfectissimus unus:
 Cujus gloria fines non habet. Ille supremus
 Qui nunc *EST*, semperque *FUIT*, semperque *FUTURUS*.
 Hic solus verus Deus est, per secula vivens,
 Summum habitans cœlum, & longè super æthera lumen
 Illud inaccessum mortalibus. M. Ergo, Philippe;
 Huic simile in rebus credis nihil esse creatis.
 D. Huic credo simile esse nihil, nihil esse secundum.
 Namque Creatori (per sese quatenus extet)
 Cùm rebus planè nihil est commune creatis;
 Quæ certè quod habent, ab Eo noscuntur habere,
 Vivere nempe, moveri, atq; *esse*, ut Paulus Athenis
 Clamavit, testemque suum produxit Aratum,
 Hæc quæ edoctus erat naturæ luce canentem.
 M. Illene nos fecit? D. Verbo Deus omnia fecit
 Ex nihilo (est Illi siquidem infinita potestas)
 Conservatque simul, nobis quoque providet idem.
 Omnia cum ratione regit Deus, & videt unus
 Omnia, mortali nulli aspectabilis ipse
 M. An mentes hominum Deus inspicit? D. Inspicit, &
 Mentibus his insint novit secreta, diu antè (quæ
 Quam

Quam vel formentur: sunt omnia nuda & aperta
Ejus luminibus, cui curæ nos fumus omnes.

Hinc pura (cum sit mens Ipse æterna) requirit
Mente coli potius, quam dono aut sanguine tauri.

M. Ergo Illi cultus debetur. D. Quis dubitabit,
Ille parens hominum cùm sit rerumque Creator.

M. Quid gentes olim coluerunt? D. Numina * vana,
Vita homines functos, terram, mare, sidera cœli,
Dæmonas impuros, serpentes, quadrupedesque,
Muta idola, Deo rerum genitore relicto.

M. Quis sit legitimus † cultus nunc Numinis ede.

D. Ille est, quem voluit nobis præscribere Numen.

M. Credere te dicis, puer optime; jam mihi narra,
Quæ sit sancta fides, quæ tu, quæ Ecclesia gaudet?

D. CREDO UNUM ESSE DEUM, ÆTERNUM,
(PATREM OMNIPOTENTEM

OMNIA QUI FECIT, SIMUL ET REGIT OMNIA
(SOLUS.

CONFITEOR JESUM ÆTERNI NATUM ESSE
(PARENTIS:

QUI VIRTUTE DEI, ET DEMISSA COELITUS
(AURA,

REGALI BETHLÆ EST MARIA DE VIRGINE
(NATUS.

QUI PRO PECCATIS MUNDI MALA PLURIMA
(PASSUS,

AFFIXUSQUE CRUCI ROMANO AUCTORE
(PILATO,

MORTUUS ATQUE SEPULTUS ERAT, DE-
SCENDIT IN HADEN

D 2

SED

* De diis gentium. † De vero cultu.

SED POSTQUAM TERRIS LUX TERTIA FUL-
 (SIT IESUS
 EXIIT EX TRISTI PROPRIA VIRTUTE SEPUL-
 (CHRO,
 INTRAVIT VICTOR SUBLIMIA MOENIA
 (COELI.
 AD DEXTRAM DIVINI UBI NUNC SEDET ILLE
 (PARENTIS.
 INDE OLIM JUDEX VENTURUS TOTIUS
 (ORBIS.
 EX ANIMO CREDO, QUOD SIT QUOQUE
 (SPIRITUS ALMUS:
 CREDO QUOD IN TERRIS ECCLESIA SANCTA
 (SIT UNA
 CATHOLICA (UT QUÆ SIT JAM TOTUM
 SPARSA PER ORBEM.)
 CREDO COMMUNI SANCTOS GAUDERE SA-
 (LUTE,
 ESSE OMNES UNUM CORPUS, SACRA MEM-
 (BRAQUE CHRISTI.
 ATQUE FIDELIBUS IN CHRISTO PECCATA
 (REMITTI.
 CREDO QUOD AD VOCEM CHRISTI CARO
 (NOSTRA RESURGET,
 ET QUOD VITA MANET SANCTOS SINE
 (FINE BEATA.

M. Sana fides illa est, & scriptis consona sacris,
 Et quæ à principio fuit olim tradita sanctis.
 Dic, quæ præcipuè didicisse videris in illa
 Verborum forma? *D.* Tria; Primùm agnoscere disco,
 Immenfum, æternumque Parentem, & credere in illum
 Qui non me tantùm, sed & ipsum condidit orbem.
 Credereque in Natum, pretio qui sanguinis omnes,
 Qui

Qui salvi esse velint, à dira morte redemit.

Denique credere in hunc, qui Sanctus Spiritus audit,
Qui me sanctificat, populum Electumque per orbem:

M. Anne Pater solus * Deus est, annon quoque Natus,
Spiritus & Sanctus, regitur quo Ecclesia? *D.* Certè
Est Pater ipse Deus, Natus Deus, est Deus almus
Spiritus; haud tamen hi tres Dii sunt, sed Deus unus:
Credere id est justum, scelus est scrutarier ultra.

M. Te decet illa, puer, firma ratione probare.

D. Nil equidem contra rationem credere fas est;
At quæ sunt supra rationem, & quæ Deus ipse
Afferit, hæc summa creduntur cum ratione.

Tres, ait Scriptura, in cælo testantur, & Unum

Hi tres sunt, Genitor, Verbumque, & Spiritus almus.

Tradidit hoc Deus ipse, fidem dubitemne adhibere
Quamvis hæc nostrum videantur vincere captum?

Heu carne indutis caligant lumina nobis

Ad res cœlestes, tantumque ex parte videmus;

Facti immortales speculabimur omnia clarè! (*Natus*

M. Nonne minor Patre est Natus? *D.* Minor est Patre

Ut sit homo, verum non est minor ut Deus. *M.* En *Me*

Major, ait Christus, Pater est meus. D. Est, velut ille

Qui mittit, sit major eo, qui mittitur: aut ut

Sit genito ingenuus major. Sic verba ea Patres

Intellexerunt sancti, quis fons & origo,

Principiumque Pater Deitatis dicitur. *M.* At qui

Natura Genitor genito prior extet oportet.

D. Scilicet in rebus factis, non in Deitate,

Quæ nec facta fuit, nec id est, quod non fuit antè

Quam vel jacta forent hujus fundamina mundi.

En Deitati insunt Tres, (quos Ecclesia Græca

Nomine Hypostasiòn solet indigitare, Latina

* De S. S. Trinitate.

Personas dixit,) quibus una Essentia viva est,
 Principio, extremoque carens, dans omnibus esse.
 In Tribus his sacris, nihil est majusve, minusve;
 Nil prius in Tribus his planè, nil posteriusve;
 Sed simul existunt per se Deus unus ab ævo.
 Æqua his personis tribus extat gloria, & æqua
 Majestas, bonitas, sapientia, & æqua potestas.
 Tunc patuit Triados sacræ existentia, quando
 Christus Jordanis baptizaretur in undis;
 Cum Pater è cœlo loqueretur, Filius undis
 Exiret, visus descendere Spiritus esset,
 Sub forma innocuæ populo attestante Columbæ. (tur;
M. Dic mihi, an unà operantur tres illi? *D.* Unà operan-
 Nam quodcunque Parens agit, illud Filius, atque
 Spiritus almus agunt, ut sacra Oracula tradunt,
 Et Patres; *una Tres illi operantur ad extra.*
M. Ergo hi Tres cœlum terramque creâre. *D.* Profectò;
 Nemo creatores tamen hinc tres dixerit esse,
 Cum tres Personæ sacræ illæ sint Deus Unus;
 Una atque indivisa Dei est essentia planè.
M. Verum cum simplex essentia sit Tribus illis,
 Quomodo distingui credis, puer optime? *D.* Credo
 Distingui illas sola existendi ratione,
 Quæ non communis tribus est, sed propria cuique
 Personæ Triados sacræ: cui laus sit in ævum.
M. Dic, quid Personæ proprium sit cuique, Philippe,
 Nam sic ter sanctæ Triados natura patebit,
 Quantum eadem pateat nobis mortalibus ægris.
D. Est proprium generare Patri; Nato generari;
 Spirituique ab utrôque simul procedere Sancto;
 Verum ita ut expertes tres omnis originis extent,
 Vel sic; Est proprium *Patri esse à nemine; Nato*
à Patre solo esse; Almo Spiritui esse ab utrôque.

M. Hic

M. Hic se mens hominum victam fateatur, & almæ
 Hic ratio fidei sese submittat oportet,
 Auditur quoties gigni potuisse Satorem
 Orbis, & æquævum Genitori existere Natum.

D. Certè; nam genesin quis Verbi enunciet unquam,
 Concipiátve animo? nulli est effabilis illa
 Mortali; sed quam nequeo comprehendere, credam;
 Atque silentio, ut est æquum, mysterium adorem.

M. Anne hujus sacræ Triados datur ulla figura
 In rebus factis? D. En rebus inesse videtur
 Sacræ hujus Triados, sed valdè obscura figura,
 (Nempe Deo similis res nulla per omnia facta est,)
 Ter sanctæ Triadi mihi respondere videntur
 Quæ nobis insunt Mens, & Sapientia, Amórque:
 In nobis habitus mentis Sapientia, amórque
 Est animi affectus; non sic sunt in Deitate;
 Per se subsistunt in ea; si quomodo quæras,
 Est modus omnino non enarrabilis ulli. (némque?

M. Qua ratione probas IESUM esse Deúmque * homi-
 D. Facta Deum monstrant, hominem mors ipsa fatetur.
 Illius ut nihil attineat memorare dolores.

Ille Dei ΛΟΓΟΣ est, per quem Pater omnia fecit,
 Et sine quo planè factum nihil extat eorum (inde
 Quæ sunt facta; ΛΟΓΟΣ Deus est, Deus estque pro-
 JESUS factus homo, & latitans sub imagine servi.

M. At *Primogenitus* cujúsque rei Ille creatæ
 Dicitur. D. Et verè; at nemo, probet inde creatum,
 Sed genitum esse (& sane ante omnia secula) Christum.
 Nemo creaturam dicet, quem existere constat
 Ante orbis quam factus erat, résve ulla creata.
 Quin sæpe id *Primogeniti* vox signat Hebræis,

Quod

* JESUS Θεός ὁ ἀρχηγός.

Quod *Dominus* solet, aut *hæres* signare Latinis.

JESUS hac ratione rei cuiusque creatæ

Est *Primogenitus*, qua est hæres: inde vocatur

Illorum *Primogenitus*, qui in luce suprema

Ad vocem ipsius devicta morte resurgent.

At *Primogenitus* sic est Salvator, ut idem

Unigena existat, fratrum Dominusque suorum.

Tunc ego res inter Christum numerabo creatas,

Cum nempe evincat quisquam rem posse creatam

Omni principio existendi, & fine carere.

Quid nonne in scriptis testantur sæpe Prophetae

Messiam æternumque Deum, Dominumque futurum,

Inter mortales qui degeret aspiciendus

Humanis oculis tectus velamine carnis?

Nonne est ille Deus, totoque colendus in orbe,

Cui fuit in Cœlis ante omnia secula summa

Gloria apud Patrem; quem (visu desuper ipsi

Facto) Evangelicus legitur vidisse Propheta

In Templo ante annos multos, quam sit caro factus

In non enarranda majestate sedentem,

Cœlicolarum ejus sedem cingente corona,

Pennis ora sibi velantum, sive quod essent

Coram ipso impuri, sive haud perferre valentes

Illud splendoris pondus, quo tunc gaudebat

Chara Dei soboles, & quo gaudebit in ævum.

D. Dic mihi, num Pater est solus Deus ille supremus?

D. Natura non est, verum ut Pater, ordine tantum.

M. At sunt qui dicunt (non his attendere visi (mum,
Quæ affirmant) ΛΟΓΟΝ esse Deum, at non esse supre-

A. se existentemque Deum, sed quod Pater unus

Is sit qui à sese existit, simul estque supremus

Damnatam Patribus sanctis revocare studentes

Hæresin ex orco, & mundi turbare quietem.

D. Qui

D. Qui non à sese existit, non est Deus ille:
 Nam Dei ut à sese existat natura requirit.
 Vel. si tu mavis, essentia, quæ una sit, atque
 Indivisa tribus personis: si Pater à se
 Existat, Natus certè à se existat oportet,
 (Ut Deus) existat simul à se Spiritus almus,
 (A se existere, & à se non existere nescit
 Natura illa Dei, nullo mutabilis ævo.)
 Si Deus à sese existens, unus sit, & alter
 Non à se existens, dii sunt duo, si duo, plures
 Possunt esse Deos, id prudens nemo negabit.
 Nonne est ille Deus, qui Patris imago, character,
 Et Splendor; qui cum rerum foret auctor amandus,
In formâque Dei, non credidit esse rapinam
Esse Deo æqualem: (num res valet ulla creata
 Esse Deo æqualis?) quem jussu Patris adorant
 Angeli in excelsis, & cui sit ab omnibus idem
 Dandus honor qui cœlesti Patri datur ipsi?
 M. Nonne à Patre suum JESUS habet Esse, Philippe,
 Ut Deus est? D. Minimè; namque ut Deus extat
 Una est illius Patrîsque essentia, nempe (IESUS,
 Æterna, indivisa, loco conclusâque nullo.
 Æterna atque immensa essentia non generatur,
 Augeri, minui, mutari nescia sola.
 Nam quamvis persona ΛΟΓΟΥ generatur, ab ævo est,
 Ante quidem quam sit res ulla creata, modòque
 Quem nemo enarret, quem mens comprehendere possit
 Nulla; sibi notus soli est Altissimus ipsi
 Perfectè; Æternus cum quid sit dicere vellem
 Mens stupet, & video planè rem fine carentem
 A re finita comprehendi haud posse. M. Philippe,
 Quod dicis verum est, quod & obstruat ora profanis
 Scire volentibus hæc quæ sciri posse negamus.

D. Præ-

D. Præterea abs alio quicumque habet Esse, creatis
Annumerandus erit rebus, quia rem simul omnem
Constet in orbe creantem aut esse, aut esse creatam:

Nempe creatorem inter, qui dedit omnibus esse,
Atque creaturam medium, me iudice, nullum est:

M. At Pater est, aiunt illi, sine origine solus.

D. Audio; si Pater est solus sine origine, certè
Nato & Spiritui Sancto sit origo necesse est;

Et tunc quomodo erunt æterni, queis sit origo?

M. Et quid ad hæc falsi doctores? *D.* Nempe videre
Nolunt, quæ ex verbis ipsorum absurda sequuntur.

M. At tu, quæ ex verbis ipsorum monstra sequuntur
Edere perge, puer; nam sunt evertere planè
Visa mihi sacræ fidei fundamina nostræ.

D. Si JESUS noster non sit Deus ille supremus,
Est nullus, (siquidem non est Deus alter in orbe
Præter Supremum) si non sit homo & Deus idem
Vana est nostra fides, spes omnis vana piorum.

Quid mors illius nobis. prodesset acerba,
Si sit. merus homo? vel quomodo gentibus orbis
Sanguine perfuso foret omnibus ille Redemptor,
Si non sit Deus idem? *M.* At dic mihi, blande Philippe,
An Deus in sacris Scripturis audit IESUS?

D. Audit, in his libris, IMMANUELque vocatur;

Qua una voce Deum nobis signatur adesse;

Non ut adest Sanctis, tantum virtute superna,

Sed quoque ut unitus sit personaliter illi

Qui Pater omnipotens, qui cælum numine complet,

Ut nunc *Nobiscum Deus est* à gentibus orbis

Cantetur lætè tectus velamine carnis.

Nos in Christo naturas hominisque Deique

Jungi sub JESU persona credimus una,

In qua sit naturarum confusio nulla.

Imo

Imo potestates in Christo, & proprietates
Distinctas constat naturæ utriusque manere :

M. Cætera perge, puer, quæ Natum Virginis almæ
Esse Deum monstrant ex scriptis promere sacris.

D. Certe est ille Deus, cui nomina Spiritus almus
Noscitur attribuisse Dei, JOVAMque vocasse.

Qui cum Patre suo est unus, (sic Unus ut ipsum
Qui vidit, viditque Patrem,) quid plura, Deúmne
Hunc ipsum esse negem, qui primus & ultimus idem est.

Qui sit ab æterno, *Pater æternusque* vocatur,

Omnipotens, toto sustentans omnia verbo,

Omnia qui novit, scrutatur corda, & ubique est?

(Quomodo si non omnia novit, judicet orbem?)

Qui peccata remittit, ut est Deus atque potente

Nomine posse suo peccata remittere donat,

Nomine itémque suo miracula multa patrare.

Cujus sunt mundi regna, & cui summa potestas

In cælo & terris; qui nobis adquefuturum

Se dixit, dum tempus erit; quem turba piorum

Angelicæque colunt mentes, laudántque per ævum.

Qui dabit & vita functis exire sepulchris,

Et simul est judex venturus totius orbis?

Huic ego cum Didymo supplex, *O mi Deus alme,*

Mi Domine, exaudi dicam, dum vita manebit.

M. Annon est JESUS Abrahami filius? *D.* Ille

Filius est Abrahami, at qui tamen ante Abrahamum est;

(Id coram populo de se testatur I E S U S ;

Cum nondum genitus fuit, inquit, Abramus, EGO SUM.)

Ipse diem Christi optavit Patriarcha videre,

Vidit, lætatus fuit, & spe plenus obivit.

M. Qui Patri Abramo toties apparuit olim,

Atque in eremo deinde fuit cum Mose locutus,

An fuit Angelus ille creatus, an ipse Creator?

D. Filius

D. Filius ipse Dei (qui *Fœderis Angelus* audit)
 Æternusque ΛΟΓΟΣ fuit, is qui postea nostram
 Assumpsit Natus sancta de Virgine carnem.

Id Patres uno ore docent, atque id simul ipsum
 Temporibus cunctis Ecclesia credidit alma.

M. Dum fuit in terris JESUS, cur nec Deus unquam
 Nève bonus dici voluit; sed *Filius* idem

Tantum *hominis*? D. Certè id totum, si judico rectè,
 Dispensatio erat divina requirere visa;

Ut qui *sub forma Servi* venisset in orbem,
 (Quam nostri causa assumpsit) retineret eandem,
 Dum procuraret mundi moriendo salutem.

Filius ille *hominis* nondum super astra receptus,
 Nondum glorificatus erat; permulta manebant

(Inter quæ Deitas Christi) quæ clariùs essent
 Ex magni Pauli scriptis, Evangelicisque,

Disponente Deo, seclis retegenda futuris

Plurima quæ infirmæ mentes vix ferre valebant,

Ob paupertatem qua vixit in orbe, Crucemque.

Sed Domini Ascensu, & ducto de morte triumpho,

Illa Crucis multis visa est offensio tolli.

M. Quî Deus esse potest, qui mortuus atque sepultus
 Atque diem fertur planè ignorasse supremam?

D. Mortuus est, ferturque diem ignorasse supremam

Ut mortalis homo, non ut Deus extitit ille;

Nève illum, ut Deus est, quicquam latuisse putandum.

Scilicet in Christo naturæ propria utrique

(Ut credat rectè) sunt discernenda fideli:

Ut nève humanæ tribuat, quæ sunt tribuenda

Divinæ, sed nec divinæ, quæ tribuenda

Naturæ humanæ, hæreticorum insomnia vitans, (bant.

Qui nunc esse Deum, nunc ipsum hominem esse nega-

M. An Deus est passus? D. Passus fuit ille profectò

Qui

Qui Deus est & homo, noster Mediator IESUS.

Quamvis non potuit fieri, ut pateretur in illa
Natura, qua sit Deus omnipotens, sed in illa
Tantum qua sit homo, mortique obnoxius idem.
Est tamen in Christo JESU naturæ utriusque
(Diæ atque humanæ) *Communio proprietatum*;

Ut quis de tota persona dicere possit

Cum patribus sanctis, *En vitæ est mortuus Auctor*;

Atque Cruore suo mundum Deus ipse redemit.

Hac dici ratione potest Homo Christus IESUS

Omnipotens, & quod cælo descenderit alto,

Condiderit mundum, sciat omnia, & adsit ubique.

M. En felix evicisti rationibus illis

Quas nemo evertat JESUM esse Deumque hominemque:

Sed cur, chare puer, credis quod Spiritus almus

Sit Deus? D. Æternus quia sit, resque ante creatas

Omnes existens; quia cum Patre, cum Genitōque

Condiderit mundum, foveatque; quia & hæc tribuantur

Spiritui, quæ conveniunt soli Omnipotenti,

Omnia posse, meare per omnia, & omnia scire. (almus

Denique (quod grave pondus habet) quia Spiritus

Ille sit in cujus jubeamur nomine tingi.

M. Pulchrè ex Scripturæ deducis fonte perenni

Omnia sacræ. Ergo Persona est Spiritus almus

Per sese existens ante omnia secula: D. Certè;

En mitto, ait JESUS, ALIUM, qui pectora vobis

(Atque adco PARACLETUS erit) mœrentia blandis

Mulcebit dictis, venturæque multa docebit.

M. Pergamus, ducente Deo: Te credere dicis,

Quod Deus istius mundi moderetur habenas.

D. Firmiter id credo. M. Nulla est Fortuna proinde

E

In

In rebus. D. Nulla est * Fortuna, sed omnia certo
 Ejus consilio eveniunt, qui cuncta creavit;
 Cuncta ad præscriptum ducit simul ordine finem.
 Interea est bonus ipse, & ab omni crimine purus.
 Quod regat Omnipotens orbem sapienter, id orbis
 Ipse satis docet, & rerum pulcherrimus ordo.
 M. Magna quidem curare Deum docuisse videntur
 Qui falsò dicti Sapientes; parva negabant
 Sub cura ipsius, qui temperat astra, venire:
 Quid tu respondes? D. Constat curare Tonantem
 Magna & parva simul: numerat cuiusque capillos
 Ipse Deus: cunctis animantibus ille ministrat
 Pabula; nec cadit in terram passerculus unus
 Absque voluntate Illius qui cuncta gubernat.
 Si curæ sunt bruta Deo; quanto magis Ipsi
 Nos erimus curæ, quorum causâ (ut monumenta
 Vatum sacra docent) reliqua omnia facta fuerunt.
 M. Num tam sublimi naturæ, tamque beatæ
 Curarum turba lassari convenit? D. Ipsi
 Convenit hæc curare quidem, quæcunque creavit;
 Res hominum in primis, quibus optimus ipse Creator
 Omnia sub cœlis dedit inservire benignè,
 Certè si nemo sapiens, quas fecerit ipse
 Abjiciet rerum curam, quantò minus Ille
 Qui solus sapiens Deus est, abjecerit unquam
 Illarum rerum curam, quas condidit idem,
 In primis hominum, quos ipse creâsse videtur,
 Ut sint participes ejus bonitatis, & illi
 Qui meritas ejus celebrent in secula laudes.
 Nos quia mortales curis lassemur, ineptum est,
 Ullis posse Deum lassari credere curis:

Spiritus

* De Providentia.

Spiritus est Deus, imo actus purissimus, omni
Affectuque carens, qui nobis accidat. *M.* Atqui
Dicitur irasci peccantibus, & simul ægrè
Plurima ferre Deus. *D.* Certè; at quis non videt illa
Atque alia ad captum nostrum de Numine dici?
Si Deus irasci, vel si doluisse feratur,

Non patitur, non mutatur natura beata;
Non dolor aut illi gravis est, aut ira molesta:
Nimirum nequit Omnipotens non esse beatus.

M. Ergo in eo non sunt defectus, ira, dolorque.

D. Nec sunt in nobis defectus semper; in Illo
Nunquam: nève Deo possit defectus inesse,
Qui rebus cunctis sit fons & origo creatis.

M. Sunt Epicurei, qui *Casu cuncta coisse*

Affirmare audent. *D.* Nemo æger ineptius illis
Delirare potest, qui talia somnia vendunt;
Illos communi sensu, & ratione carere

Plus quam bruta carent animalia constat: at illos
Ipsa satis per se rerum natura refellit;
Quo mihi forte minus sit respondere necesse.

M. Quamvis ipsa satis rerum natura loquatur
Cuncta creasse Deum sapienter, (*pondere nempe
Mensura & numero*, ut sapiens quis scripsit Hebræus)
His tamen ora viris fortè obturare juvabit.

D. Quæ ritu planè procedere semper eodem,
Ordine mirando, & fini inservire notantur
Eximio, hæc *Casu fieri* non posse probantur;
Casu, quo nihil est toto inconstantius orbe,
Nil quod *Consilio* magis omni ex parte repugnet.
Dum solem & lunam, & fulgentia sidera cœli
Aspicio, & certa video omnia lege moveri;
Dum video terram repleri animantibus almam,
Arboribus, plantis, herbis, & piscibus æquor,

Ufibus humanis famularique omnia pulchrè,
Omnia *Mentis* opus simul eſſe agnoſco, & ab ipſo
Conſervari uno, qui condidit omnia ſolus.

Qui *Cafu* hæc fieri putet, ille palatia regum,
Excelfas urbes, fulcantes æquora naves
Non arte humana, ſed *Cafu* condita credat.

Imo dum fabricam contemplor corporis hujus
Quod gero, tôtque ſimul video miracula in illo;
Protinus exclamo, *Qui non hoc eſſe fatetur*
Inſinitæ Mentis opus, fit cæcus oportet.

M. Si Deus omnipotens regat orbem, cur mala multa
Sæpe boni in mundo patiuntur; cur itidémque
Sæpe mali florent? cur hi tolluntur in altum,
Illos perpetuo affligique præmiſque videmus?

D. Id quoque res hominum monſtrat curare Tonantem.
Utile sæpe bonis fuit hæc mala multa tuliffe
In vita, fideique invictæ exempla dediffe.

Sunt adverſa bonis id quod medicina fit ægris:
Corporis huic varii cedunt fævique dolores;
Illis morbi animi arcentur, virtúsque probatur.

Dum bonus æquo animo patitur quæcunque Parenti
Cœleſti fuerit viſum ipſi immittere blandè,
Pauperiem, exilium, morbos, variósque dolores,

Funeráque ante diem permulta videre fuorum:
Præcipue dum vincula ferre, & ponere vitam
Audet amore Dei; ille quidem jucunda Tonanti,

Et jucunda bonis ſpectacula præbet in orbe,
Glorificátque Deum, dantem credentibus in ſe
Utcunque infirmis patiendò vincere mundum,

E contrà, multis corrumpunt proſpera mores,
Et dant immemores ſimul eſſe Deique, ſuique.
Vox Sapientis erat, *Nihil infælicius illo eſt,*

Cui nihil adverſi evenit. Scripturáque clamat,

*En ut castigant sua pignora chara parentes,
Sic Deus omnipotens castigat quos amat ipse.*

*M. Cur mala multa boni patiuntur, jam docuisti:
At cur sæpe mali florent, dic, blande Philippe.*

*D. Sanctorum cerrè fuit illa querela virorum
Temporibus priscis, ut nunc est; sed sine causa.
Namque malos homines non illico fulmine perdit,
Sed reprimat dextram Deus almus, ut ad meliorem*

*Illos perducatur mentem bonitate stupenda,
Exemploque suo doceat, quam nos decet esse
Ad veniam faciles, & tardos semper ad iram.*

*Quinetiam persæpe mali tolluntur in altum,
Ut lapsu graviore ruant, Deus indèque honorem
Conciliat sibi: sed verbo ut nunc expediam rem,
Judicium expecto, & cum sanctis spero futurum,
Justitiam Domini quod clara in luce reponet.*

*Nec foveat illius (cum sit Deus undique justus,)
Judicii nobis spem res magis altera, quam quod
Floreant impietas, virtusque prematur in orbe:*

*Si nunc ergo pii lugent, gaudentque superbi,
Est olim rerum mutatio magna futura,
Cum dabitur gaudere piis, plorare superbis.*

*Hæc spondet ventura Deus, qui fallere quemquam
Nescit, promissive suis non stare per ævum.*

Ergo dum veniat lux ultima comprimatur ora

Quisque sibi ad rerum convertens lumina finem.

*M. At cum sint multi, qui dicunt ore profano,
Quod nunc est, id semper erat, semperque futurum,
Mundus ab æterno est, idemque manebit in ævum.*

*Dic mihi, blande puer, naturæ an lumine constet
Incepisse orbem, finemque aliquando habiturum?*

D. Incepisse * orbem naturæ lumine constat ;
 Qua ratione quidem Deus esse probatur ab ævo,
 Mundus ab æterno non esse probetur eadem.

M. Tu mihi, rem paucis demonstra, blande Philippe.

D. Causa sui ipsius mundus nequit esse ; proinde
 A causa est alia, quæ mundo antiquior ipso est ;
 (Hanc causam esse Deum solida ratione probavi,)
 Æternum nihil est, quo aliud quicquam prius extat :
 Insuper æternum non est quodcunque movetur ;
 (Omnis enim motus fit tempore, & omne moveri
 Cui datur, à puncto ad punctum moveatur oportet ;
 Et quodcunque movetur, id incepisse necesse est
 In puncto quodam, ratio id docet ipsa, moveri :)
 At nunc in mundo manifestum est cuncta moveri ;
 Ergo nec mundus, cum mobilis extet, ab ævo est.
 Si quid ab æterno concedas posse moveri,
 Id valde absurdum, perridiculúmque sequetur,
 Quod nihil in rebus prius extet, posteriúsve ;
 Nec sit causa suo effectû prior ; imo parentes
 Haud facile ante suos natos vixisse probentur.
 Id si concedas, Quod res generentur ab ævo,
 Jure quidem potuit dubitari, *Utrum prius Ovum,*
An Gallina foret ? (sic disceptare solebant
 Hi miseri, quibus est ignota creatio rerum.
 Ignotúsque Deus, qui tunc cum conderet orbem
 Omnia pro bonitate sua perfecta creavit.)
 Porro qui varios solis lunæque labores
 Dicet principiôque carere, & currere ab ævo
 Sidera, præter quam quod motum his auferat omnem,
 Ille dari annorum numerum supponat oportet
 Actû infinitum ; quæ res numerique repugnat

Na-

* Mundum non esse ab æterno.

Naturæ, rationique est contraria rectæ.

Quinetiam per se notissima gentis origo

Cujusque in terris, artésque deinde repertæ,

Conditæque imperia in variis regionibus orbis,

(Quatuor in primis quæ vulgò *Summa* vocantur,)

Nulla inter gentes planè monumentaque rerum,

Quæ multum superent Trojani temporis belli,

Exiguïs ab origine mundi ad tempora nostræ

Sex mille annorum conclusæque finibus omnis

Historia, (immensi quota pars est temporis illa!)

Demonstrat mundi novitatem. At corruiturum

Ipsam non constat naturæ lumine: nec tu

Qua ratione probes ortum natutam habuisse,

Interitumque probes habituram: causaque plana est.

Nam cuicumque rei dedit esse Deus, det eidem

(Si volet ipse) dehinc per secula cuncta manere:.

Nos verbo edocti divino credimus uno,

Quod pulchri istius ruet olim machina mundi.

M. Et quod facta simul fuit, annon tutius esset

Credere, quam velle id sola ratione probare?

D. Tutius id certè; sed nil ob stare videtur

Quin ratione probes, quod credere tutius esset.

Credimus esse Deum, mundumque à Numine factum:

Attamen invicta ratione probetur utrumque.

Nempe Dei verbi lux nunquam extinguere visa est

Naturæ lumen: Fidei ratio ipsa ministra est.

M. Judicium expectans post funera vivere mentes

Humanas credis? D. Credo. M. Sed, chare Philippe,

Unde probas animas humanas morte carere?

D. Quamvis naturæ viderunt lumine gentes

* Morte carere animas, tamen illud credere malim

Voce

* De Immortalitate animarum.

Voce Dei edoctus, quam vel ratione probare;
 Natura ipsarum simplex (non partibus illæ
 Constant) atque adeo corrumpi nescia, monstrat
 Esse immortales animas: cœlestis origo
 Est illis; ergo quid mirum si redeundi
 Ad cœlum, genus unde trahunt, teneantur amore?
 Sûntne immortales natura? D. Maximè; at ipsâ
 Natura quod habent, id habent à Numine solo,
 (Corporibus superesse suis,) cum sit Deus unus
 Naturæ ipsius celebrandus gentibus Auctor.
 M. Ergo animæ humanæ, & simul Angeli in orbe supre-
 Sunt immortales illius munere solo, (mo,
 Omnia qui fecit. D. Res omnis pendet ab Illo,
 Qui spirare, moveri, atque omnibus esse det unus.
 Sic immortalis † solus Deus extat, ut ipse
 Sit solus per se existens, & originis expers:
 Ipse mori nescit solus; sed si velit idem,
 Posse creata mori constat, penitusque aboleri.
 Quid vetet in nihilum id redigi, quod nil fuit ante,
 Si velit Omnipotens? Sed nil nisi quod sit honestum
 Et se dignum velle Deum, certissimè habendum.
 Semper erunt animæ, qui vult Deus optimus, ut sint
 Semper, & accipiant pœnas vel præmia in ævum.
 Incorruptibilis substantia mentibus extat
 Lege quidem sacra, quam rerum maximus Auctor,
 Quamvis omnipotens, minimè tamen abroget unquam;
 Quod sanctis promissa suis (verbóque tenetur
 Ipse suo, ut verax Deus est) impleverit olim,
 Illius in cœlis faciem sine fine videndi.
 Quodnam animis decus est, quas una aboleverit hora?
 Et quid præstat homo brutis, quæ morte perire

Con-

† Solus Deus per se immortalis.

Constat, si totus periturus morte sit ipse;
Altus & in tenues abiturus spiritus auras?
M. Unde probas, quod sit cœlestis origo, Philippe,
Mentibus? *D.* Id Mosis mihi scripta docere videntur.
Nam Moses rerum pandens primordia tradit,
Quod Deus omnipotens, cum totum conderet orbem,
Bruta ex terra & aquis animalia surgere iussit.
Ast homini postquam formâset membra rubenti
Ex limo, prudens his membris indidit auram
Materiæ expertem, & vitæ sine fine capacem.
Post mortem in terram redeunt animalia bruta,
Ex qua (ut sacra docent oracula) sumpta fuerunt.
At migrant animæ nostræ post funera ad Illum,
Qui dedit has nobis, & Spirituum Deus audit.
M. Mens ergo humana est essentia spiritualis;
(Id nisi fallor, enim tu voce intelligis auræ
Materiæ expertis.) *D.* Rectè; nam spiritus oris
Divini mens est hominis, non partibus ullis
Constans, corporeis minimè annumerandæque rebus.
Quin operari posse animam sine corpore constat.
Mirandus Paulus fueritne in corpore, quando
In cœlum raptus non enarranda videret,
Anne extra corpus sese nescire fatetur:
Quæ sine corpore agat mens, hæc sine corpore vivat,
Et cum sint tumulo concredita membra supersit.
En hodie mecum in Paradiso eris, inquit IESUS,
Latroni; at JESUS decus illud non dedit ingens.
Carni latronis Paradisia regna videndi;
Ergo dedit menti, qua sola est ille superstes,
Qua sola veniam nactus quoque vivit in ævum,
At dubitandi, nūmne animæ post funera vivant
Ansam aufert omnem facile mortalibus ægris
Vox sacra in scriptis Domini testantis IESU,

Jam Patribus sanctis animas supereffe, vigere,
 Cumque Deo in cœlis, vita gaudere perenni.
Sum Deus Abrami, Domini vox extitit olim,
 Tunc cum marmoreum tegeret Patris ossa sepulchrum.
 Verum qui Deus est Abrami, ejusque nepotum,
 Certè vivorum Deus est, non luce carentum:
 Parte igitur meliore sui jam vivit Abramus:
 Si quis adhuc dubitat, montem petat ille Taborem,
 Hic Mosen atque Eliam, mediûmque videbit.
 Stare Dei Natum, eximio fulgore coruscus
 Omnes, & vates de sæva morte loquentes
 Quam pro criminibus mundi pateretur IESUS.
 Hæc postquam vidit, fateatur vivere Mosen,
 Et simul Eliam cum Christo in luce perenni.
 Imo bonis cunctis post mortem vivere mentes
 Sæpius in Scriptis testatur Spiritus almus:
 Illas non sævos occidere posse tyrannos;
 Illas illæsas inter tormenta manere,
 Corpore & egressas in pace quiescere blanda.
 Hinc Stephanus moriens animam commendat IESU,
 Cur? quia post mortem victuram credidit illam.
 Scilicet objectum divini ut quid sit amoris,
 Id certè in rerum natura existat oportet:
 Esse Deo curæ nequid id, quod desiit esse.
 Præterea humanæ mentes nisi morte carerent,
 Non esset vel pœna malis, vel præmia justis:
 Si nullus post fata dolor, si nulla voluptas,
 Quid veter impuros Epicuri de grege porcos
 Gaudere, & cantare, *Tuo, dum vita supersit,*
Indulge genio: comede & bibe, cras moriemur;
Illud post cineres erimus, supremæque fata,
Quod nondum nati fuimus. Si denique nullum
 Judicium fuerit sub mundi fine futurum,

In quo quisque feret pro factis præmia, certè
Justi præ reliquis miseri mortalibus essent;
Injusti possent soli dicique beati.
Quo magis absurdum nil fingi posse videtur,
Si quem nos omnes naturæ lumine ducti
Credimus esse Deum, justum simul esse fatemur.
Denique quo melior quisque est, propensior illo est
Ad credendum animas humanas morte carere;
Ut cui spes subsit, cum mors sibi finiet ævum,
Tunc se fœlicem fore, perfectèque beatum.
E contra, quicumque scelus committere pergit,
Optabit miser ille, mori cum corpore mentes
Humanas, metuens meritas post funera pœnas.
M. Sed quid eis demum respondes, qui sibi fingunt,
Victuras aliquot nobis post secula mentes;
Interea simul ac hæc membra caduca relinquunt
Aut redigi in nihilum, aut planè evanescere in auras?
D. Sufficere hæc possint, quæ jam memoravimus, illis.
At sibi ne plaudant, juvat hic subjungere pauca.
Quin Deus in nihilum redigat res, si velit ipse,
Non dubito; sed velle Deum id, quis dixerit? aut quis
Omnia velle Deum, quæ possit, dixerit unquam?
Esse quidem quid sit quodammodo scire videmur:
At quid sit planè *Non esse* vel *Annihilari*,
Nec novit quisquam, nec verbis explicet ullis.
Naturæ periit pars nulla, nec ulla peribit,
Præter eam, quæ sit flammis peritura supremis:
(Si peritura quidem, néve, ut sensere vetusti
Scriptores aliquot, potius renovanda.) Nec iste
Orbis certe alia vi solvi posse videtur,
(Quamvis solvendus) quam qua sit conditus olim:
Anne minore animas (quas ante probavimus ipsa
Natura, at magis arbitrio Patris omnipotentis

Esse Immortales) vi solvi posse putemus?
 Si quæ peccârunt animæ, sic jam perierunt,
 Ut sint in nulla naturæ parte, necesse est
 Plectendas olim, quæ non peccâre. Quod absit.
 Injustus Deus esse nequit; nec plectere novit
 Innocuas animas, quas ipse creaverit Auctor
 Rerum post mortem vel corporis illius in quo
 Peccatum fuerit. M. Credo illud firmiter ipsum,
 Quod Domino reddet rationem in luce suprema
 Illorum tantùm, quæ in corpore quisque patrârit.
 Sed te non pigeat (cum sit me iudice pulchrum,)
 Plenius hoc argumentum tractare, Philippe
 D. Quod peccet, scelerisve capax queat esse, vel ipsa est
 Sola anima, aut eadem membris unita caducis :
 Credimus esse bonum, quicquid Deus ipse creavit.
 Incipere esse malum, tunc demum cum quod ab omni
 Parte bonum factum sit, degeneraverit. Ergo
 Cui redigi in nihilum contingat, oportet id ipsum
 Si virtute Dei producendum sit in actum
 Ex nihilo surgat, rursumque proinde creetur,
 Fiat opusque Dei, (quia nempe creare Dei sit
 Unius, ut simul est ejus convertere, quod vult
 In nihilum :) verum non credo posse Tonantem
 (Ille potestati non detrahit Omnipotentis
 Qui rerum Auctorem neget illud posse, quod ejus
 Naturæ sacrosanctæ incorruptæque repugnet,)
 Nempe creare malum quicquam; nec posse proinde
 Ex nihilo pravas animas ducendo creare;
 Posse bonas tantùm, quibus Ille haud imputet unquam
 Quam non patrârunt culpam; sed nec potuerunt
 In rerum nondum natura existere factæ.
 Porro Divina quod sit virtute redactum
 In nihilum omnino, nequit id vel ab Omnipotente
 (Et

(Et nequit idcirco, quod secum pugnet apertè)
Sic refici, ut sit idem, nimirum quod fuit antè ;
Verum aliud planè abs illo, cui à Numine summo
Contigit in nihilum redigi, penitusque aboleri.
Num valet ipsamet res ulla antiquior esse ?
Aut prius esse quidem, quam sit ? num res valet ulla
Ex nihilo bis terve creari, eadèmq; manere
Quæ semper fuerit ? Quis sanus dixerit unquam ?
Ergo manent animæ tales, sempërque manebunt,
Quales inventæ fuerint in tempore mortis.
Adde, quod omne malum, seu pœnæ sive reatûs,
Re sine subiecta nequeat subsistere prorsus :
Ergo si mentes hominum in nihilum redigantur,
In nihilum ipsarum redigique necesse reatum est ;
Quis *Non-entis* enim possit superesse reatus ?
Quæ virtus animis, quæ jam periere, quibusque
In nihilum fuerit substantia tota redacta ?
Siqua fuit charitas illis, si ipsæ redigantur
In nihilum, pereat charitas simul omnis oportet :
At Charitas, inquit Paulus, *non deficit unquam,*
sed cum spēsque fidēsque abolebitur, illa manebit ;
Illa Deo semper nos junget. Apostolus idem
Paulus, si mentes hominum post fata putasset
In nihilum redigi, aut planè evanescere in auras,
Nunquam dixisset certè, *Mihi præstat obire,*
Quam vobiscum una, fratres, in carne manere ;
Et vestram procurando, mundique salutem
Inservire Deo : nisi se super astra beatum
Affore sperasset, simul atque relinqueret orbem,
Non dixisset obire sibi, sed vivere lucrum ;
(Vivere quis dubitet quin præstet quam nihil esse ?
Flebilis huic mors est, cui mens sit morte abolenda,
Et cui cum vita spes una evanuit omnis :)

At pugil ille Dei morti jam proximus optat
 Dissolvi, & tandem procul esse à corpore; nempe
 Ut sit cum Christo, & cum Christo vivat in ævum.
 Quæ procul esse potest à corpore, mens sit oportet,
 Cogitet, atque Deo jam defæcata fruatur.

Verè igitur Divus: *Quis nos jam separet, inquit,
 A Christo? num mors? at in ipsa morte videmur
 Plusquam victores, agimûsque in morte triumphum.*

*Scribe beatos, spiritus ait, qui dehinc moriuntur
 In Domino JESU, namque illi in pace quiescunt:
 En sua (perpeffos in mundo plurima) justos
 Facta sequuntur, inenarrandaque præmia facta.*

M. Jam satis ex scriptis sacris docuisse videris
 Humanas animas nequaquam in morte perire;
 Vivere post mortem noscuntur lumine solo
 Naturæ, at rerum cœlestium & æternarum
 Quæ fugiunt sensus ita certa scientia nulla est,
 Ac illa in nobis, quam verbo innixa Tonantis
 Alma fides generat: quæ sunt super æthera rerum
 Nil certi scimus, nisi quod Deus ipse revelet.
 O divina fides, penetrans tentoria cœli,
 Et dans nobis, æthereà dum vescimur aurâ,
 Corporeis oculis non contemplanda tueri!
 Hæc duo ab ipsamet natura accepimus omnes,
 Haud faciliè ex animis delenda noëmata nostris,
 (Quæ duo sunt omnis fundamina religionis)
 Esse Deum, & nostras post funera vivere mentes.




ΠΕΡΙ ΑΡΧΩΝ,

Sive

De Principiis Religionis Christianæ,

LIBER TERTIUS.

MAGISTER, DISCIPULUS.

M.  ORS, unde intravit? D. Primorum
 (* errore parentum.
 M. Num mortem fecit Deus? D. Ab-
 (sit, nam neque mortis,
 Neve mali Deus est auctor: iustifi-
 (sima pœna

Peccati mors est; sed mortem abolebit IESUS.
 Quicquid item existit, qua existat, opusque Dei sit,
 Credimus esse bonum; factumque fuisse malum nil:
 Omne malum à rebus constat fluxisse creatis.
 Nullum ab Eo qui voce sua dedit omnibus esse,
 Cui neque principium vitæ est, neque terminus ævi.
 Sunt vitia hoc animo, quod morbi & vulnera membrís:
 Membra his putrescunt, animus corrumpitur illis.

F 2

Ut

* De origine mortis & mali.

Ut tenebræ haud aliud sunt, quam privatio lucis,
 Sic vitium nihil est aliud, quam absentia recti
 Debiti, id est, ejus quo prædita res fuit illa
 A rerum genitore Deo, cùm cuncta crearet.

M. Sunt hæc digna Deo, quæ tu, puer optime, narras:
 Nam si causa mali Deus esset, non bonus esset;
 Si bonus omnipotens non esset, nec Deus esset.

At cum cuncta forent bona, quæ Deus optimus ille
 Fecit, origo mali dic quæ fuit? *D.* Ejus origo est
 Spirituum à Domino * defectio, prava voluntas,
 Quæ nempe æquales voluerunt esse Tonanti.

M. † Peccatum primum fuit ergo superbia. *D.* Certè;
 Sed quæ aliis vitiis, incredulitati, odióque
 Invidiæque simul conjuncta fuisse videtur.

M. Quænam prima fuit primorum culpa Parentum?

D. || Illa superbia erat, fideique abjectio, tótque
 Inter delicias, quibus uti impunè liceret,
 Arboris unius vetitæ malefuada cupido.

Culpa adeo ut simplex minimè censenda sit illa;
 Hi siquidem similes dum vellent cognitione
 Esse Deo, jussa illius violare tremenda

Sunt ausi: hinc factum est, ut mors intraret in orbem.

M. Dic, cur Omnipotens lapsum permisit Adami?

D. Nempe rogans illud, facis ac si quærere velles,
 Cur est factus homo? cur præditus est ratione?
 Libera cur illi à Domino est concessa voluntas?

Cur vitæ æternæque, capax fuit ille salutis;
 Ad ventrem natæ pecudes cur non fumus omnes?
 At facti ratio constet sacra Scripta legenti.

Id Deus esse bonum vidit permittere prævum,

Quo

* De lapsu Angelorum. † Primum peccatum superbia.
 || De lapsu primi hominis.

Quo magis illustris foret ejus gloria. Certè
 Nemo creaturam (quæ quamvis labilis esset,
 Stare tamen posset, si vellet,) condere, & illam
 Arbitrio proprio permittere, dixerit unquam
 Non licuisse Deo; quando ipsa creatio rerum
 Extet divinæ effectus bonitatis, & ejus
 Emanatio quædam. Animum nunc adjice dictis.
 Non peccare homini, si vellet, posse dabatur
 A factore Deo; sed eidem jure negatum est,
 Si vellet non posse, quidem peccare: quid ergo?
 Num causa Omnipotens lapsûs erit illius? Absit:
 Qui culpam in Dominum rejicit nonne impius ille?
 Peccati non esse potest Deus optimus auctor,
 Qui vetat, admissum pœnis punitque tremendis.
 M. Dic mihi, blande puer, quare sit lapsus Adamus;
 Narra, si possis, quæ tantæ causa ruinæ?
 D. * Lapsus erat, quoniam non observavit Adamus
 Mandatum Domini, prout debuit; altera causa
 Nulla assignetur planè, quam fœdus abusus
 Arbitrii proprii, quo impulsu liber ab omni
 Elegit mortem, vitam sprevitque perennem.
 Integer ex manibus Domini processit Adamus
 Præcipuum Omnipotentis opus, sed labilis extans,
 Atque sui juris cecidit peccando libenter;
 Namque dolo impuri deceptæ dæmonis ille.
 Præbuit uxori miser aures, atque rebellis
 Quem fructum jussit Dominus ne carperet, edit.
 Sic auctor generis, dum legem temneret almam,
 Factu perfacilem, & positam sibi ab Omnipotente
 Involvit secum sua pignora cuncta reatu.
 M. Justumne est, natos propter peccata parentum

* Lapsûs causa voluntatis libere abusus.

Puniri? *D.* Justum est, si natis extet origo
Corrupta omnino, qualis nunc omnibus extat.

M. At teneri infantes morientes antè, Philippe,
Quam rationis habent usum, dic quomodo peccent?

D. Quamvis non peccent actu, tamen illi ut Adami
Progenies debent in terram jure redire.

Non soli auctori generis Deus optimus olim

Dixit, *Pulvis es, atque in pulverem, Adame, redibis,*

Sed cunctis etiam, qui ex ejus semine nati

Inde forent; ut jam tam naturale mori sit,

Quam nasci; hac omnes mortales lege tenemur.

M. Quomodo nostra potest dici, quæ unius Adami

Culpa fuit? *D.* Nostra est nimirum, ut publica Adamus

Persona, & nostri generis simul esset origo;

In quo nos omnes, peccavimus, ut sacra scripta

Tradunt: nonnullis hoc crimen Originis audit.

Certè naturam culpæ inde videtur habere,

Quod Deus in nobis velit hanc punire supremus:

Regula justitiæ sola est divina voluntas.

M. At Deus almus ait: *Peccans mortem morietur*

Solus. *D.* Id æterna de morte intelligo dictum.

Quam propter culpam solam infelicitis Adami

Infans nemo subit; (sic fas est credere) pœna

Quam culpa illius jam quemque subire necesse est,

Non animæ mors est, absit; sed corporis hujus

Quod terra extractum terræ debetur ab illo

Tempore, quo legem Domini contempsit Adamus.

M. Ergo rei facti sumus ejus crimine. *D.* Certè,

Peccati illius contagio serpsit in omnes

Ex illo natos. Quin hinc corruptio quædam

Facta est naturæ nostræ: caligine mens est

Obruta, & evasit cunctis perversa voluntas;

Nata libido, qua mortales (nota querela est)

In vetita irruimus semper, cupimúsque negata.
Hinc mors, horrendi comites mortisque secuti,
Morbi, & quæ humanam turbant discrimina vitam.
M. Quam gravis illa fuit primorum culpa * Parentum.
D. Culpa gravissima erat, me iudice, eo graviórque;
Quo levior tentatio erat; quo denique & ille
Viribus ad pugnandum instructior esset, & illa,
In tabulam legis peccasse videntur utrámque,
Ingrati in Numen, nobis durique Parentes.
M. Conveniens naturæ ejus nil defuit ergo
Adamo. D. Jure id merito nos credimus: illi
Intellectus erat siquidem sine nube, voluntas
Libera, & imperio rationis subdita rectæ.
Conditus à Domino sic est, ut prorsus in illo
Vivida supremi luceret Patris imago.
M. Dic quænam in primis mortalibus illa supremi
Patris imago fuit? D. Mens prædita creditur esse
Justitia omnino † perfecta. M. An perdita Adami
Lapsu est. D. Perdita, sed per Christum restituenda;
Spiritus est ejus renovat qui pectora nobis,
Expellit vitia, & replet virtutis amore,
Infelix primus quæcunque amisit Adamus,
Restituet nobis, dabit & majora Secundus.
Et velut Adami moriemur crimine cuncti,
Sic meritis Christi posthac vivemus in ævum.
M. Quis fuit Evæ auctor violandi jussa Tonantis?
D. Serpens, humani generis notissimus hostis;
Serpentem mendax, animavit spiritus ille
Quem Pater omnipotens cœlo dejecerat alto,
Horrendisque simul tenebris damnaverat olim:

Hinc

* Primorum parentum peccati atrocitas. † Dei in homine imago justitia perfecta.

Hinc homini insidias struit ille, & perdere tentat;
M. Quomodo? *D.* Ad omne nefas suadendo & sollici-
 Et quos ad vitium mortales impulit, illos (tando.
 Accusat primus. *M.* Cur Princeps illius audit
 Mundi? *D.* Nimirum quia pravis imperet idem.
 At caput illius Dominus contrivit I E S U S,
 Destruxit regnum, & mundum moriendo redemit.
M. An J E S U S * omnes homines moriendo redemit?
D. Credo ipsum immensum pretium solvisse Parenti,
 Quod sat sit cunctis redimendis gentibus orbis.
 Credo Deum quoque velle homines salvarier omnes,
 Nolléque peccantùm mortem, illorùmque dolere
 Duritiem, & miseros ad vitam sæpe vocare;
 Sed multi ad vitam nolunt audire vocantem.
 Credo, nec id taceam ingratus, *Quod sanguine Christi:*
Sint omnes homines hac conditione redempti,
Si credant in Christum, virtutémque sequantur.
 Ergo omnes uno ore Deum laudate benignum;
 Ad vitam vobis oblatum currite gentes.
M. Num Deus ad vitam quosdam † elegisse putandus,
 Et reprobâsse alios ante omnia secula? *D.* Credo
 Elegisse Deum priùs est quam conditus orbis
 Ex sola bonitate sua, quibus ipse perennem
 Det vitam, & secum in cœlis regnare per ævum.
 At reprobasse quidem nullos, nisi quos perituros
 Criminibus propriis animarum sciret amator.
 Est scelus hunc hominum crudelem credere Patrem,
 Qui bonus existens rebus dedit omnibus esse,
 Nos genus humanum Natique cruore redemit.
 Desinat impietas ergo accusare benignum

Hu-

* De Redemptione universali. † De Electione & Reprobatione:

Humani generis Patrem, dum vox fonet illa
 Digna Deo, *Mortem peccantis nolo, sed opto*
Ut convertatur potius, vivatque per ævum.

M. Ex Domino * vita est, ex nobis mors. *D.* Ita certè est,

Ex Domino solo vita est æternæ beatis;

Verum perditio ex sese est omni pereunti :

Mortem peccati mercedem agnoscimus omnes;

At vitam esse Dei donum fateamur oportet :

Nulla quidem in nobis inventa est causa salutis;

Salvamur, quoniam nostri fuit ille misertus.

Cur hic sit reprobus, prævisa rebellio causa est :

Cur ille electus, sola est atque unica causa,

Non prævisa fides (quamvis prævisa sit illa)

Sed captum humanum superans amor ille Tonantis.

(Mens divina homines ut lapsos intuebatur,

Cum simul hos elegit, & illos jure rejecit.)

An perit ergo unus? debet totum id sibi soli,

Salvaturne alter? totum pius ille salutem

Acceptam referat Domini miserantis amor.

Scilicet æternæ fons est & origo salutis

Omni credenti illa bona & propensa voluntas

Numinis erga homines, qua nos dilexit ab ævo,

In Christo elegit, tandem Electosque vocavit;

Ut nos coram ipso sancti & sine crimine simus,

Ad laudem illius qui nos ex orbe vocavit.

M. Quid Deus in nobis miseris dilexit ab ævo?

D. Illud quod nobis olim fuit ipse daturus:

In nobis, aut in rebus queiscunque creatis

Quid, nisi quod daret ipse boni dator omnis, amaret?

M. Ergo Deus quosdam quos novit in orbe futuros

Ingratos erga seipsum, sine fine rebelles,

Ne-

* Vita Dei donum, mors peccati merces.

Nequitiâque omni plenos reprobavit ab ævo.
 D. Sit licet id verum, tamen est iustissimus ille,
 Qui nulli errandi, pereundi causa nec ulli est:
 Sola est causa malis pereundi prava voluntas.
 Id peccans omnis secum mihi dicere visus:
En aliud suadet mihi mens aliudque libido:
Deteriora sequor, meliora vidensque probansque.

M. An mortales omnes libertate fruuntur
 * Arbitrii? **D.** Omnino; cum sit me iudice solus
 Ille nocens, qui sponte facit, quod lex vetet, & quod
 Esse sciat crimen, tacitè quod denique damnet:
 Ille bonus, qui sponte facit, quod lex jubet, & quod
 Muneris esse sui sciat, acceptumque Tonanti.
 Scilicet, ut quidam docet, *Est humana voluntas*
Libera semper, verum eadem non est bona semper.
 Esse voluntatis fiat in hoc, ut libera planè
 Ipsa sit in nobis, alioquin nulla futura.
 Actio moralis nulla est, nisi nostra voluntas
 Libera sit prorsus, qua demùm Electio fiat:
 Et planè in rebus quæ nos penes esse videntur;
 Rerum quæ fieri nequeunt Electio nulla est.
 Proponens homini vitam mortemque Creator
Elige vitam, inquit, mortem fuge, erisque beatus.
 Qui libertatem hanc tollit, tollatque necesse est
 Naturam una ex orbe bonique malique; det esse
 Virtutem, vitiùmque nihil, nisi nomina tantum;
 Exhortandi munus inutile, juræque vana,
 Atque bonæ mentis curam omnem reddat inanem;
 Denique spem vitæ extinguat, pœnæque timorem.
 At quamvis homini sit libera cuique voluntas,

Id

* De Libero arbitrio, & Gratia.

Id tamen omnis homo ingenuè fateatur oportet,
Quod nisi divinum auxilium conatibus adsit,
(*Gratia præveniens* id nobis dicitur) idem

In peccata ruat præceps, cupiátque negata.

M. Quid querimur tandem, si libertate fruamur
Arbitrii? *D.* Querimur, quod semper id omnibus unum
Velle malum nobis adsit mortalibus ægris,
Nunquam velle bonum naturæ viribus: Eheu
Tantum est arbitrii libertas debilitata
Lapsu primi hominis. Nam postquam crimine fœdo
Se maculasset homo, caro nostra libidinis omnis
Fit fomes, latitans hostis, malesuada, repugnans
Spiritus, & ducens nos semper ad illa patranda
Quæ sint divinæ prorsus contraria legi.

Scilicet ad vitium stat libera cuique voluntas,
Verum ad virtutem (nisi Christi gratia præsto
Adsit, agátque simul) minus inclinata voluntas,
Imo aversa nimis. Ratio licet id docet ipsa,
Non tamen est peccans liber, sed servus habendus.

M. Die quid sit miseris faciendum carne rebelli
Oppressis? *D.* Deus est, ut opem ferat ipse, rogandus,
Nam quamvis carnis tanta est corruptio nostræ,
Hanc tamen alma Dei dat gratia vincere nobis,
Cujus vis solet in cunctis lucere renatis.

Gratia sufficiens Domini est, ea Gratia nempe (quam
Quam precibus lachrymisque rogantibus haud neget un-

M. Nonne Deus quos vult trahit ad se? *D.* Maximè; &
Verum est, quod solos ad se trahat ille volentes; (illud
Quos ipsos idem planè facit esse volentes.

Gratia nempe Dei, quæ nostros dirigit actus,
Non libertatem tollit, sed donat ut illa
Quæ prius ægra fuit, jam sit sanata voluntas.
Is verè est liber, quem Gratia liberat alma.

M. Ergo

M. Ergo Dei in Christo est libertus quisque fidelis.

D. Imo & qui fuerat servus, fit natus & hæres

Cum Christo illorum quæ sunt super astra bonorum,
Quæ nemo vidit, nec mens conceperit ulla.

M. Ipse futura Deum credis scire omnia. *D.* Credo ;

Imo quæ non * sunt, tanquam quæ sunt videt ille ;

Facta, infecta simul Deus omnia novit ab ævo.

Scire futura Deum quis non agnoverit illum,

Qui ventura suis dederit cecinisse Prophetis ?

M. Si ventura Deus novit, cur dicitur Ille

Tentasse Abramum, quasi scire volens an Abramus

Insignis pietate pater jussu illius esset

Dilecti nati tincturus sanguine dextram ?

D. Credo equidem hoc ipsum rerum fecisse Parentem,

Non quod nesciret quid vir sanctissimus esset

Facturus, sed ut hac ratione fides pietasque

Abrami testata forent, & nota per orbem.

Hoc etenim facto Deus exploravit Abramum,

Invenitque fidelem, illum qui nobile seclis

Exemplar fidei foret omnibus inde futuris :

Qui foret ille Parens, in cujus semine cunctis

Gentibus eximia gaudere salute daretur,

Tunc cum chara Dei soboles in carne veniret.

M. At quæ scit ventura Deus, nonne illa necesse est

Tempore ut eveniant ? *D.* Quæ rerum Conditor unus

Ante quidem quam tempus erat scit in orbe futura,

(Si propriè dicatur ei quicquam esse futurum,

Præteritum aut quicquam, cui sint præsentia cuncta ;

Intellectus enim divinus longe aliter res

Intuitur, quam nos res contemplamur easdem ;

Non

* Nec præscientia, nec decreto divino tolli Libertatem arbitrii.

Non ut præteritas, instantes, atque futuras,
Sed simul & semel has considerat, ordinat, atque à
Principio ad finem sapienter dirigit omnes;)
Quæ Deus omnipotens, inquam, scit in orbe futura,
Hæc ego constanter credo eventura; sed audi
Illa futurarum divina scientia rerum
Non libertatem arbitrii mortalibus aufert,
Nec rerum mutat naturam, aut conditionem;
Sed res apprehendit qua sint ratione futuræ.
Omnia quæ eveniunt, & quæ contingere dicas,
In causis Deus illa suis prævidit ab ævo:
(Inter quas causas ipsa est cujusque voluntas)
Atque adeo cunctorum hominum prævidit & acta,
Nullius arbitrio imposita vi. Conditor orbis
Vidit abufuros hac libertate scelestos
Nonnullos; num peccati Deus ergo erit auctor,
Culpandusve Deus, quod crimina multa patrant
Quæ scirent odio esse Deo, perire volentes?
Permittit mala multa Deus, nulla approbat unquam.
Omnipotens idem (cui nuda & pervia cuncta)
Libertate alios ufuros vidit eadem
Pulchrè, his auxilio divino præveniente.
M. Hæc plana exemplis adductis reddere tenta.
D. En tibi verba Dei mansuris tradita libris.
Novi quod natis sit præcepturus ABRAMUS,
Ut studeant servare meam per sæcula legem.
Númne ideo credam non id fecisse volentem
(Ut decuit Sanctum, & simul Omnipotentis amicum)
Facturum quoniam Deus almus sciret Abramum?
Imo ideo Omnipotens (ut sacra oracula tradunt)
Noluit Abramum pœnas celare tremendas.
Quas sumpturus erat demisso cœlitus igne
De impuris Sodomis, quoniam Deus id quoque sciret.

Quod legem Domini sanctam servaret Abramus,
 Atque suos natos illam servare doceret?
 Quod rex Ægypti malè tractaturus Hebræos
 Effet, quis dicet non prævidisse, simulque
 Id fieri demum non permisisse Tonantem?
 At quis mentis inops adeo est, ut colligat inde
 Ægypti regem scelus id patrâsse coactum,
 Id quia facturum Dominus præsciret ab ævo?
 Quis neget æternum Patrem scivisse futurum
 Ut moreretur item Pilati crimine JESUS?
 Num quis Pilatum minus id fecisse libenter
 Dicet, facturum quia & id Deus ante videret?
 Prævidit Deus, & permisit factum utriusque;
 Atque bonum elicuit sapiens ex crimine utrôque.
 Nam Deus effecit, dum de Pharaone tremendas
 Sumeret hinc pœnas, ex servitio inde Jacobi
 Eriperet natos, ut divinæ bonitatis
 Justitiæque simul volitaret fama per orbem.
 Præsidis Ausonii crimen Deus optimus idem
 Humani generis dedit inservire salutis.
 Nempe Dei unius est, ex his quæ sunt mala prorsus
 Elicere hæc quæ sunt æternæ consona Menti;
 Et facere illud demum, ut ad ejus Majestatem
 Declarandam res conspirent suaviter omnes.
 Lucet in Electis summi clementia Patris,
 Justitia in reprobis, bonitas in utrisque stupenda:
 Est bonitas etenim, & sapientia Numine digna,
 Tam punire malos, quam reddere præmia justis.
M. Dic mihi, nonne Deus fieri decrevit ab ævo
 Omnia, quæ eventura forent? *D.* Decrevit. *M.* At audi,
 Nonne hoc est fato simul omnia subdere? *D.* Non est,
 Id nisi tu *fatum* dicas, quod nos meliore
Jure Dei æternum decretum dicimus. *M.* Esto;

Si decreta Deo sint omnia, nonne videntur
Conatus nostri vani, vanique labores?

D. Non ; quia qui finem statuit, statuisse putandus
Et media ad finem: media inter (nec sine causa)
Duco voluntates hominum. M. Rem planius illam,
Cum sit difficilis, narra. D. Aio, cuncta futura
Decrevisse Deum, sed non uno omnia planè
Eventura modo: nam plurima legibus ille
Naturæ astringit; nonnulla ex mentibus idem
Emanare dedit, quæ libera facta voluntas,
Et quibus à Domino est talis concessa facultas
(Liberè agendi illud quod agunt, (benè seu malè) qualis
Mentibus Angelicis, hominúmque probatur inesse.
* Quæ sunt acta hominum liberrima credo proinde
Decrevisse Deum; & sanè permittere prava;
(Quæ fieri aut lege, aut naturæ voce vetaret)
At bona non tantùm permittere, sed simul illa
Persuadere, & cum facientibus una operari.
Eveniunt cuncta, ut statuit Deus; at Deus illa
Sic statuit simul & semel omnia, ut ipse futura
Præscivit. Si quis maculavit crimine vitam,
Nec se pœnituit, dum vixit in orbe; statutum
Hoc, (quia non latuit statuentis lumina, qualis
Peccator vel sponte sua miser ille futurus
Effet, amans mortem, divinæque viscera temnens)
Ut peccans, emendari nolénsque periret.
E contra; si quis postquam peccavit, ab Illo
Obtinuit veniam precibus lachrymísque statutum
Id simul antè fuit quam mundus conditus esset,

G 2

Ut

* *Actiones rerum omnium creatarum esse vel rationalium
vel irrationalium: hæc evenire necessariò, illas verò sponte
& libere.*

Ut veniam hic Precibus lachrymisque rogaret, & idem
 A Domino facilè, quodcunque rogaret, haberet.
 Certè nec præcognitio, neque Numinis ullum
 Decretum in causa est, cur quisquam peccet; at una
 Et sola in causa est *Peccantis prava voluntas.*

Non ideo Judas est factus proditor ipse,
 Hoc quia præsciret Deus, (O procul absit ut illud
 Credam!) sed quia fur & proditor ille futurus
 Effer, propterea Deus hoc præscivit ab ævo.

M. Anne Deus fecit vasa iræ? an perditioni
 Aptavit quosdam, tantum quia vellet id ipsum?

D. Iræ vasa Deus non fecit, (qui patientia
 Erga illa est usus multa) sed repperit esse
 Ipsorum culpa jam talia reddita, vasa
 Perditioni aptata quidem, sed quam sibi factis
 Accersere suis, & promeruisse probentur.

Nec fecit quemquam Omnipotens, ut perderet illum,
 Qui peccatoris mortem tam nolle probatur,
 Quam bonus & sapiens & verax esse probetur.

M. At qui ne Judæ dedit ipsi, ut vas foret iræ,
 Electum vas esse Petro dedit, & simul omni
 Cui Deus æternam det vitam. D. Id credere fas est,
 Certè vita Dei donum est, ut diximus, & mors
 Peccati merces: hæc pro meritis datur, illa
 Gratis. Nemo bonus naturà est, utpote Lapsi
 Progenies hominis; sed solo munere Christi.
 Ergo creatura est nova quisque fidelis in Illo,
 Atque renatus, (ut in Baptismate) Spiritu & unda.
 Scilicet ut palmes sine vite est mortuus omnis,
 Sic nos absque Illo, qui vitæ spiritualis
 Extat origo, mori æternumque perire necesse est.
 Quod nos scire quidem mortales attinet, hoc est:
Quod Deus ante ævum, jacta & fundamina mundi

*Decrevit propriam bonitatem, justitiâque
Reddere conspicuam, in rebus quas ipse crearet.*

Decrevit servare bonos, quibus id daret ipse

Esse bonos: omnis venturi præsciis idem

Decrevit punire malos, quæ non daret ille

Esse malos, sed qui sic essent sponte futuri.

O sapientiæ, & O diæ bonitatis Abyssus!

Hæc sunt illa quidem nullis mortalibus unquam

Perscrutanda Dei decreta æterna supremi.

Et cur nos secreta Dei scrutamur inepti

Mortales? volumus quæ sint super æthera scire,

Dum quæ præ pedibus fuerint nescimus. At illud

Esse Deo gratam virtutem novimus omnes,

Esse odio vitium: hoc fugiamus, eamque sequamur,

Fœlices, tribuentæ Deo, post fata futuri.

M. Improbis ergo omnis dum peccat, liber ad hoc est,

Nempe ut agat planè, vel non agat, ut volet ipse

Arbitrii proprii compos. D. Qui sic neget esse

Nonne auctorem rerum injuria is afficit ipsum,

Tanquam mandantem fieri à mortalibus illa

Quæ nôrit fieri non posse? Sed absit ut ullus

Cui pietas cordi est, de Numine talia credat.

Si quis det pœnas ideo quod non ea fecit,

Quæ facere haud posset, si vellet; næ miser ille

Esse potest, reus esse nequit: sed ab orbe creato

Nemo unquam peccavit, qui non tempore eodem

Non peccare quidem poterat, modo velle fuisset

Abstinuisset malo, Numénque timere supremum.

Invitus nemo malus est; nec cogitur esse

Turpis & infelix quisquam: Est sua cuique voluntas

Libera in elicitis, ut dicunt, actibus. Ergo

Credo, (nec id metuam testari sanguine fuso)

Christum (qui Bonitas ipsa est) in luce suprema

Non damnaturum, nisi qui peccare volentes,
Liberè, & haud fato quodam delinquere facti.

M. Ergo conveniunt pulchrè Decreta Tonantis
Atque voluntatis libertas insita nobis.

D. Conveniunt pulchrè, & quam sit rerum ipse Creator
Et bonus & sapiens, uno simul ore loquuntur.

O *Solymæ*, dixit, JESUS, suspiria ducens,
Et lachrymis simul ora rigans, *Si tu modo nosse,*
Quæ tibi erant Pacem sine fine datura benignam!
Ast oculis subducta tuis nunc absconduntur.

Non hoc optasset JESUS, si noscet ab ipsis
Si vellent etiam fieri haud potuisse; vel ullis
Decretis obstare Patris: sed amanter id ille
Optavit, quoniam vidit, potuisse rebelles,
Si vellent ipsi, meritam evasisse ruinam.

O *quoties volui*, dixit, *tua pignora blanda*
Colligere, ut teneros sub corpore congregat ales,
Et pennis amplexa suis fovet undique pullos!
At tu nolbas, O urbs ingrata, salutem
Oblatam temneus, & viscera multa Parentis.

M. Jam mihi, rem totam paucis comprehendito verbis.

D. En perfecta Dei natura id postulat, ut pro
Consilio ipsa suo planè ordinet omnia ab ævo:
Postulat id natura hominúmque, ut qui ratione
Utitur, arbitrii quoque libertate fruatur;
Non aliter morúmve capax, legúmve futurus.
Omnia quæ faceret Deus, hæc præscivit ab ævo;
Quæ vero haud faceret, sed quæ permetteret idem
A genere humano fieri, præscivit & illa.

Et quæ præscivit Deus, hæc decrevit, ut essent.
Quæ fecit, bona sunt: quæ sunt mala, non ea fecit;
Omnia disposuit prudens tamen ordine pulchro,
Et resonare suas fecit per secula laudes.

Qui dedit ex tenebris olim confurgere lucem,
 Ex ipsis hominum pravis affectibus idem,
 Optima quæ fuerint, novit producere solus,
 Quicquid agunt homines, externo liberi ab omni
 Impulſu faciunt: ſed ſic tamen ut faciant hi
 Nil niſi quod Numen fieri decrevit, (eâque
 Qua decuit ratione Deum, Patrêmque benignum:)
 Non impellendo ad peccatum, ſed moderando
 Arbitrium humanum, & cauſas quaſcunque ſecundas.
 Scilicet acta hominum à rerum Genitore fatemur
 Cuncta regi, verum non illi cuncta probari.
 Sic hominum factis vel iniquis utitur, ut ſit
 Ipſe expers omnis quod in illis inſit iniqui.

M. Conſilio non poſſe homines contraire Tonantis
 Credis? D. Ita eſt; faciant ſibi quæ contraire Supremi
 Conſilio ipſius videantur; at hi tamen ipſi
 (Sive velint, ſive id nolint,) in tempore reddent
 Effectum, non eſt Patris mutabile ſummi
 Conſilium: ſed id eſt ipſum quod ſtabit in ævum.
 Certè non reget Deus omnia in orbe, niſi idem
 Humana ad certos (quos fixerat ipſe priuſquam
 Conditus orbis erat) fines perduceret acta;

M. Ergo Electi liberè agunt, faciuntque volentes,
 Quæ ſunt grata Deo. D. Credo hoc nil certius eſſe;
 Electis tamen ipſe dedit velle & facere illa
 Quæ placitura ſibi, quæ eſt ejus *Gratia victrix*.
 Cujus vis nobis non tollit, ſed regit illud
 Velle, quod Omnipotens in nobis ante creârat;
 Majori acceptum compenſans lumine lumen.

M. Cum ſit vita Dei donum, dic quo ordine Numen
 Quos velit, ad cœlum ducat, vitâmq; perennem?

D. En tibi mirandam dat Apoſtolus ipſe Catenam.

Quos Deus omnipotens omni præſciivit ab ævo

*Morigeros (vires Christo tribuente,) futuros,
Illos (quos aliàs Electos dicere possis)*

*Decrevit charo conformes reddere Nato,
Pro immensâque sua tandem bonitate vocare,
Justificare deinde, & sanctificare vocatos,
Denique mansuris illos donare coronis.*

Sic, ut jure Deo soli tribuenda sit omnis
Gloria, si cuiquam datur obtinuisse salutem. (Absit;
M. Num cuiquam dat velle malum Deus optimus? D.
Quamvis velle bonum det cunctis (quotquot ubivis
Puro corde colunt pietatem,) non tamen ille
Cuiquam velle malum dat, nec potis est dare certè;
Cum bonus ipse, omnisque boni fons unicus extet.
Velle malum à nobis venit, aut à dæmone pravo:
Velle bonum lapsis miseris à Numine solo est.

Illà igitur semper sententia vera manebit;
*Quod malè quis patrat id per se, sine numine patrat,
Legibus adversando Dei, & rectæ Rationi,
Et simul huic, quem quisque gerit sub pectore, testi:
Quod benè quis facit, haud facit id sine Numinis aura,
Quæ sibi nempe boni facundet pectus amore;
Ut Deus in nobis planè sua dona coronet.*

M. Ergo boni est omnis divinus Spiritus auctor
In nobis habitans. D. Certè; & qui cuncta creavit
Idem corda creat nobis nova, sanctificâtque
Spiritus ille Dei sanctus. M. Sed Spiritus almus
Ille Dei in nobis habitans, possitne dolore
Affici ab his quibus est datus, auferrique? D. Quis ip-
Permuitis hominum * peccatis posse dolore (sum
Affici & auferri dubitet, qui scripta revolvit
Sacra, & permultos olim virtute relictâ
Naufragium fidei miseros fecisse videbit?

Nau-

* *Posse homines excidere regenerationis statâ,*

Naufragium an fidei facerent, qui nullam habuerunt?
Gratia si amitti nequeat, cur stare fideles
Ipsi tot monitis in amore fidéque jubentur?
Et quorsum scriptum foret illud, *Quisque salutem*
Ipse suam ipsius metuénsque treménsque operetur?
Heu quot sacra olim qui læti luce fuerunt,
Participes doni cœlestis, postea lapsi
In peccata, & in illis ad mortem usque manentes,
Nunc positi in tenebris, & pleni horrore tremendum
Judicium Domini expectant, irámque futuram!
Ille ergo videat, qui nunc stat, ne cadat idem;
Nec sit securus nimium, quia labilis omnis
Est mortalis homo, semper vicina ruinæ
Est præsumptio, & ingenii fiducia nostrî.
M. In varia ergo cadant ipsi peccata renati.
D. Omnino; auxiliante Deo, lapsique resurgant.
M. Anne renatus qui semel est, valét ille perire?
D. Posse perire puto, si cum peccaverit idem,
Se non pœniteat peccati; si renovari
Non animo studeat, Domino neque conciliari:
Nam non qui JESUM semel est amplexus, & inde
Deferuit, sed qui JESUM constanter amavit,
Vivet; *Vincenti dabitur gestare coronam.*
M. Qui nunc dedecoris vas est, an possit honoris
Vas demum fieri? D. Certè; si credet in illum,
Qui nos * servavit, proprióque cruore redemit,
Qui nunc dedecoris vas est, vas fiat honoris.
Qui natura oleaster erat, Deus almus olivæ
Inseruit, ramis non parcens; quin Deus idem
Quem fortè è pingui ramum decidit olivæ

In-

* Posse etiam ex vasisbus contumeliæ fieri vasa misericordiæ.

Inseruisse potest, ubicunque videbitur ipsi.

M. Deficere an penitus, retro lapsique referri

* *Electi* possunt? *D.* *Electos* constat ab ævo

Esse homines aliquot, quibus Omnipotens dare vitam

In Christo statuit, constat simul Omnipotentem

Nôsse, sui qui sint omnes ab origine mundi:

(Nomina sunt illis in cœlo scripta supremo)

Hi non deficient penitus, servantur ab Illo

Qui servare potest; hi si cecidere, resurgent;

Si peccavere, in peccatis non morientur;

Gratia id efficiet Domini, qua vivimus omnes.

Quas Nato donavit oves Pater optimus, illas

Ex ejus manibus rapiet vis nulla, sed olim

Illis concedet vita gaudere perenni.

Interea *Electi* qui sint, † novit Deus unus.

Qui vitio indulgens *Electum* se putet esse,

Fallitur, & dira non longè à perditione est:

Sic se quisque fore *Electum* confidat, ut ipse

Pervigil, atque humilis, plenus sanctoque timore,

Hæc faciat, quæ sint Domino gratissima semper.

M. Quod Deus *Electis* & velle det, & facere illa

Quæ placitura sibi, dixti modo, dic mihi tandem,

Cur Deus omnipotens non velle det omnibus illa.

Et facere ipsius quæ sint gratissima Menti?

D. *Causa* latere potest inter secreta Tonantis;

Esse injusta nequit. Nos certè credimus Illum

¶ Gratiam eam in Christo JESU dare cuique benignè,

Qua bene si utatur, vivat regnèque per ævum:

Sin malè, peccatum & scelus admittendo libenter,

(In multis etenim frustretur Gratia Christi)

Sit

* De Perseverantia Electorum. † *Electi* qui sint, Deum solum scire. ¶ Gratiam sufficientem dari omnibus in Christo.

Sit simul infelix, & inexcusabilis idem: (mus
 Certè * hominum improbitas in causa est, cur Deus al-
 Gratiā eam viētricem, & pectora dura domantem
 Non donet cunctis, quia contempnere superbi,
 Quæ dona acceptant humiles: Deus optimus ille
 Ut bonus est cunctis, sic est iustissimus idem.
 Cum nobis agit Omnipotens, ut cum ratione
 Ornatis; homines obfistere posse malignos
 Spiritui sancto, testatur Spiritus ipse.
 Ut nos absque Deo servari haud possumus unquam;
 Sic neve Omnipotens servabit nos sine nobis.
 Qui velit in cœlo æternam gestare coronam,
 Promissamque bonis mercedem auferre, laboret;
 Cūmque ope divina simul ipse operetur oportet.
 Nempe suis servis non ille talenta dedisset,
 His nisi sic uti potuissent, ut sibi quisque
 Plura lucraretur, laudēque Datoris haberet.
 M. Dic quid significant ea, *Cujus vult miseretur,*
Quem vult indurat? D. Puto significare parentem
 Rerum (cum nulli sit debitor ille) benignè
 His quibus ipse velit misereri posse; nec ulli
 Reddere facti ejus rationem jure teneri:
 Atque licere sibi quos vult punire rebelles,
 Permittendo viis propriis insistere tales.
 Num Deus injustus, si vel sua viscera pandat
 Gentibus in Christum credentibus, & simul illam
 Justitiam, quam viva fides det sola, secutis?
 Vel si Judæos, propriam stabilire volentes
 Justitiam (spreto divino munere) tradat
 Cordi obdurato, qui Patrum more suorum

Semper

* *Homines impios resistere Gratia Dei.*

Semper ei obfistunt, in Christum credere nolunt,
 Et sæpe oblatam noscuntur temnere vitam ?
Duritie causa sua est turpissimus omnis,
 Qui sit iudicium meritis tam triste subire.
 Omnipotens etenim cœli terræque Creator
 Dicitur * indurare homines, quando ille profanis
 Subtrahit auxilia hæc, quibus hi sunt pessimè abusi ;
 Excœcare malos, qui nolunt cernere verum,
 Lux quibus est odio ; reprobæ quoque tradere menti
 Quotquot Spiritui pergunt obfistere sancto :
 Ut iudex faciens ingratos sic dare pœnas.
 Cæterum id ex animo credo fateorque, Quod Ille
 Induret nullos, nisi qui meruere perire.
 Et veluti radiis ceram dissolvit iisdem,
 Induratque lutum sol aureus : haud aliter nunc
 Mollia quæ reddit clementia dia bonorum
 Pectora, sæpe solet corda indurare malorum.
 M. Ergo sufficiens offertur Gratia cunctis
 In Christo, at *victrix*, quæ dicitur, hæc datur unis
 Electis. D. Illa est veterum sententia Patrum ;
 Atque est omnino divinis consona scriptis.
 Gratia ab effectu *victrix* dicenda benigno est,
 Quem sit in Electis producere nota, & in illis
 Qui Christi vocem nôrunt, illúmque sequuntur.
 Omnium enim, ut docet Electum vas illud I E S U,
Salvator Deus est hominum, sed maximè eorum,
Qui credunt. JESUS pro cunctis victima factus
 Est, & in illo uno vitam Deus omnibus offert.
 Omnes invitat blandè, nullósque repellit :
 Ut qui jamdudum in tenebris jacuere profundis,
 Si salvari optent demum salventur, & iram

Judicis

* *Quomodo Deus induret Homines.*

Judicis evitent justī credendo in IESUM.

Et studiosè ejus vestigia sacra premendo.

M. Anne salus nulli, nulli jam vita negatur?

D. Vivere cui libeat, nulli jam vita negatur:

Venit læta dies, atque acceptabile tempus,

In quo jam propriam (divino Numine vires
Suppeditante benignè) operetur quisque salutem.

Scilicet Effatum verum manet illud I E S U,

Ad me nemo venit, nisi quem Pater attrahit ipse.

M. Ergo voluntatem Domini qui noverit, ille

Si perit, ipse suâ culpâ perit? D. Id dubitare
Esse nefas semper duxi; mihi porrò fatendum est,

Quod si sub Legis divinæ lumine vivens

Quis perit omnino media ad vitam ille perennem
(Quæ sibi data sunt sufficientia) temnat oportet:

Qui nobis pater est, insontes plectere nescit.

M. Credere id omnino est æquum de judice mundi,

Quem non esse minus justum cunctisque benignum,

Quam patet ex sacris scripturis esse potentem.

D. Cuique talenta Deus sua tradidit, & simul id vult

Ut proventus quisque ferat, studeátque mereri

Audire hanc lætam vocem, *O bone serve, fidelem*

Te quoniam inveni, Domini jam gaudia tandem

Ingredere illa tui, fœlix per secla futurus.

M. At tu quid credis de tot mortalibus olim

Qui sine * sp̃e certâ, sine cognitione Deique

Vixerunt, vitæque diem clausere supremam?

D. Credo salvari, qui juxta cognitionem

Cordibus inscriptam vixerunt, sed ratione

Omnino quæ sit nobis incognita; credo

H

Illos

* De salvabilitate Gentilium, qui ante Christi adventum vixerunt.

Illos damnari, & cruciandos ignibus olim
 Quotquot criminibus vitam maculâre nefandis.
 Qui pulchram hanc fabricam cœli terræque videntes
 Inde unum esse Deum non agnovere supremum,
 Qui fecit cuncta, & sapienter cuncta gubernat:
 Vel agnoscentes hunc ipsum existere in orbe,
 Non illum, ut Dominum coluerunt atque Parentem.
 Interea Omnipotens non se sine teste reliquit,
 Dum multa ingratis, ut scimus, gentibus ille
 Dona daret blandè segetem, vinûmque oleûmque,
 Irriguas pluvias, & plurima commoda vitæ:
 Ut planè sit inexcusabilis Ethnicus omnis,
 Si malus & turpis, si fur, aut impius extet.
 Lex concessa fuit naturæ his omnibus; & quam
 Est violâsse nefas, & laus servâsse fuisset.
 M. At cum nemo horum sine crimine vixerit unquam,
 (Nam dixere bonos, non qui fervare, sed illos
 Qui violare minus gestatam in pectore legem,)
 Nonne ergo damnandi omnes? D. Sunt, ni Deus illis
 Concedat veniam, cujus sunt viscera multa.
 Si liceat nobis horum sperare salutem,
 Ob Christi unius merita id licet, illius Agni,
 Qui mactatus erat (sic sacra oracula tradunt)
 Ipsa prius quam jacta forent fundamenta mundi.
 En homines cunctos infecit crimen Adami;
 Cur non ad cunctos pertingat victima Christi?
 Atque proinde ad eos, (miseras intelligo gentes,)
 Qui vixere prius quam Christus venit in orbem,
 Et quibus ipse foret ne nomine notus I E S U S,
 His adhibenda modo qui secula cuncta lateret?
 Nemo scire Deum neget illud, nempe quid essent
 Facturi, qui præcesserunt tempora Christi,
 Auribus hausissent si vitæ verba perennis;

Hostis an hic fidei, evasurus an ille fidelis?
(Nám quæ contingunt, & quæ contingere possint,
Scit Deus; æterna tanta est præstantia mentis.
Huic patuit menti, quid facturi Tyriique
Sidonique forent, si lux his orta fuisset,)
Ergo sciens qualis certò esset quisque futurus,
Si sub lege sacra vixisset, fortè det illis
Æternam vitam, quos noverit ipse fuisse
Vitam amplexuros, si vita oblata fuisset.
Sin minus illa tibi faciunt satis, accipe id unum;
Queis Deus ipse dedit leges, hos novimus omnes
Justè damnandos, studeant nisi vivere sanctè:
At quibus Omnipotens sua jura negasse videtur,
Judicio illius (cujus mens norma sit æqui,)
Credo relinquendos; mihi sanè non sapiendum est
Supra quam sapuisse dabit mihi pagina sacra.
Sanctos ora Dei constat sine fine videre,
Verùm qua ratione Dei datur ora videre,
Nos id in hac vita voluit Deus ipse latere;
Ut bona quæ nobis fuerint super astra repòsta
A Patre cœlesti studio majore sequamur.
* Quæ Deus abscondit, non inquirenda putàrim;
In secreta Dei se intrudere velle superbi est
Nescire est satius, quam velle id scire videri,
Quid nescis. Certè est quædam ignorantia docta;
Multaque mortales homines nescire necesse est.
M. Rem tetigisse videris acu, puer optime; namque
Reddet quisque Deo rationem juxta ea dona
Quæ in vita accepit; non est exactor iniquus
Ille parens hominum, néve optat messem ubi nunquam
Sementem fecit: gestat sub pectore quisque

H 2

Hunc

* Quæ Deus abscondit, in ea non anxie inquirendum.

Hunc testem fidum, qui coram iudice mundi
 Illum excusabit, si imprudens quid malè fecit;
 Accusabit, si fecit prudensque sciensque.

Credo etiam, quod cum veniet lux illa suprema,
 Iudice se planè damnabitur impius omnis.

Dic mihi jam tandem, si possis, Angeli an extent
 A Domino * electi? D. Certè; qui non ceciderunt
 Electos & confirmatos credimus omnes.

M. An cadere hi possent, si virtus illa Tonantis,
 (Quæ quoniam immeritis confertur *Gratia* dicta est,)
 Illos defereret? D. Ratio id, Scripturæque monstrant,
 † Stare illos omnes sola virtute Tonantis:

Nempe Creatura est per se mutabilis omnis;
 Omnipotens solus mutari nescius extat.

Ille parens rerum est, & ab ipso uno omnia pendent
 In cœlo & terris; ille est, qui cum volet ipse
 In nihilum hæc redigat, quibus ex nihilo dedit esse.

M. Quas subeunt pœnas qui peccavere? D. Tremendas
 Nunc subeunt pœnas, passuri olim graviores,
 Quando ad iudicium è cœlo descendet I E S U S.

M. ¶ Spiritibus pravis illis spēsne ulla relicta
 Est veniæ? D. Veniæ est illis spes nulla relicta.

M. Cur? D. Quia nec naturam illorum accepit I E S U S;
 Nec pro spiritibus lapsis est mortuus. M. Ergo
 Nulla est illorum tormentis meta futura?

D. Nulla; sed horrendas reddent per secula pœnas.

* De Electione Angelorum. † Electos Angelos non propriis
 viribus, sed sola Dei gratia stare. ¶ Lapsos æternis sup-
 pliciis consignari.




Π Ε Ρ Ι Α Ρ Χ Ω Ν.

Sive

De Principiis Religionis Christianæ,

LIBER QUARTUS.

MAGISTER, DISCIPULUS.

- M.**  IC mihi, quis* justus? **D.** Cui sunt
(peccata remissa
Ob merita, ut Scriptura docet, so-
(lius IESU.
M. Dixisti vitam JESUM po-
(fuisse, Philippe,

Pro nobis miseris, dic demum qua ratione
Hæc merita innocui nobis reputantur IESU.
D. Illa fide nobis reputantur, justificamur,
Atque fide in Christum Patri accepti sumus una:
Lex à Mose data est, per Christum Gratia venit.
Hæc fac, & vives, vox est notissima Legis:
Crede & salvus eris, vox Christi lætior extat.
Justitiam consummatam Deus exigit, illa

H 3

Justitia

* De justificatione hominis.

Justitia est omni credenti factus IESUS.

M. An nunc Judæum priscæ observantia * Legis
Ducat ad æternam vitam? D. Minimè; quia talis
Excidit, ut Paulus testatur, Gratia, & ipse
Divinam legem totam præstare tenetur;
(Si velit ipse suis ex factis justus haberi,)

Quod cum nemo quidem faciat (multo minus ille
Qui legem jactat) quis justus lege erit unquam,
Qui peccati lege sacra convincitur ipsa?

Hinc quæ olim venit, potuit ex Lege venire,
Justitia (ut scimus) vel stercore vilior ipso,
Visa fuit sanctis, fœdisque simillima pannis.
Porro qui in Christum (promissum Patribus olim)
Credere jam nolunt miseri, nonne omnia planè
Scripta Prophetarum conantur reddere vana?

Vana & falsa quidem, si nondum venerit Ille
Qui lux blanda foret totius gentibus orbis.

M. Ergo Judæus qui nunc blasphematur IESUM,
(Messiam verum, summi Natumque Parentis)

Qui contra tantam lucem sua lumina claudit,
Ille malus vitæ confors nequit esse pœrennis.

D. Imo judicio justo damnabitur olim,
Et quas promuerit pœnas patietur in ævum.

M. Cur data Lex Mosis est? D. Primùm † lex tradita Mosis
Ut pro tempore eo vivendi Regula sanctæ (est
Extaret genti, juxta quam si quis Hebræus
Formaret mores, & in Illum crederet Unum,
Qui venturus erat, Messiam, viveret idem.

Inde, ut cognitio peccati ex Lege veniret;
Et quam viva fides mortalibus afferat, illam

Justitiam

* Ex observantia Legis Mosaicæ justificari posse neminem.
† Cur Lex data sit.

Justitiam gentes summo studio insequerentur;
Qua sola venia est homini speranda salusque.
Nempe fide meruit Patriarcha Abramus haberi
Justus, nosque fide sumus omnes pignora Justī;
Cui pro justitia vera reputata sit olim
Viva fides, cum Lex nondum data Patribus esset:
Ut coram Domino caro nulla superbiat unquam,
Sed charitate fideque in Eum sperare salutem,
Discat, qui pro peccatis est victima factus.
Agnus nempe Dei, qui tollit crimina mundi.
M. Ergone nil oratio, nil jejunia profunt,
Et * benefacta nihil? D. Profunt; certissima nam sunt
Vitæ signa novæ, monstrant hominēque renatum.
Et velut ex fructu facili cognoscitur arbor,
Sic vir ex factis bonus aut malus omnis habendus.
Semper viva fides operum est fœcunda bonorum;
Qui non peccato moritur, neque vivere Christo
Ille potest, sed judicium expectare jubetur.
Et quo cuique magis Domini perspecta voluntas
Sit, nisi sedulus hanc faciat, cum possit, eo ipso
Illi judicium acrius est, graviusque ferendum.
Qui velit esse Deo gratus, fœlixque per ævum,
Sit pius & justus, sit denique sobrius idem;
Namque in eum finem patefacta est Gratia Christi
Omnibus, ut doceat nos vitam ducere sanctam,
Utque decet sanctos, virtutibus omnibus illis
Ornari, quibus ipsi sumus lumina mundi.
Sic mihi discipulos, vos esse probabit, inquit,
Sic eritis Patrique meo, & mihi gloria demum,
Si que mandavi facitis; si fertis abundè
Justitiæ fructum, & conjuncti sitis amore.

M. Anne

* De bonis operibus.

M. Anne in Christo uno fiunt quæ grata Tonanti?

D. Sic est; * virtutes peccatæque splendida dicas,
Quæ non ex Christi fiunt unius amore.

M. Numquid plus operum possit præstare bonorum,
Quam vel lege Dei sancta præstare tenetur?

D. Nemo potest; nam cum quis fecerit omnia planè,
Quæ potuit, dicat: † *Sum servus inutilis, & nil
Feci, præterquam Domino præstanda fuerunt.*

M. || Perfectusne potest quis in hac vita esse? D. Laboro
Tanquam si possim sic vivere, nil faciendo
Quod damnum, quantum possum Christumque se-
Et mihi sufficiens est ejus Gratia sola. (quando:

Sic mihi vivendum duco, ut qui semper in ejus
Conspectu degam, qui mundum judicet olim.

Nil conscire mihi, mihi cura est maxima semper.

At quamvis culpæ nullius conscius essem,

Non tamen inde Deo coram perfectus haberer.

Quis propriæ errores numeret vel crimina vitæ,
Quæ puer imbellis, quæ virque, senexque patrârit?

M. Nunquis in hac vita ¶ certus sic esse salutis
Æternæ valet, ut subsit dubitatio nulla?

D. Dum cœli hæredes in ea luctantur arena,
Spe, charitate, fide refoveri credimus omnes:

Paucis Omnipotens certos dedit esse salutis.

Quis miles dum sit, vigeatque acerrimus hostis,

Qui pugnam renovet, certus queat esse coronæ,

Id nisi signo aliquo certo Deus ipse revelet?

Omni vincenti palmam dabit indubitanter

Ille Deus, qui dat vincenti vincere posse:

Cæte-

* Opera Deo grata & accepta non alia esse, quam quæ
fiunt in Christo Jesu. † De operibus supererogationis. || De
Perfectione. ¶ Num quis certus salutis suæ in hac vita
esse possit?

Cæterùm id omnis homo dum militat, oret oportet,

Da mundi illecebris me non tentarier ultra;

Quam tu certanti dederis, Deus optime, vires ;

Da, Pater, adversis nunquam succumbere rebus.

Utile semper erit sanctis formidine quadam,

Quæ sit juncta Spei, Domini expectare salutem.

M. Num * meritis propriis possit quis justificari,

Si sedeat judex cœli terræque Creator ?

D. Justificatum iri qui sic se speret, oportet

Nascatur sine labe omni, sine crimine vivat :

At cum nemo extet talis, nos credimus ergo

Unius Christi meritis nos justificari.

Nos omnes vitiis infecti nascimur, omnes

Vivimus in vitiis, solus sine crimine JESUS.

M. Id jamjam solida ratione, Philippe, probâsti.

Unus solvendus restat, puer optime, nodus.

En Jobus justus vir dicitur, integer, atque

Perfectus vel teste Deo : rerum ille Parentem

Et coluit, fugitque malum. D. Vir optimus illa

Justitia indutus, qui coram Numine staret

Supremo, nec erat, nève ipse optabat haberi ;

Cum se pollutum fateatur ab ubere matris,

Et mala tot passus, quot nemo forsitan antè,

Justitiam Domini agnoscat, resecansque capillos

Vestimenta sibi scindens, & Numen adorans

In cinere absque mora lachrymansque gemensque vo-

Dulces has imo depromens pectore voces : (ludet :

Nudus in hunc mundum veni, nudusque redibo :

Ecce Deus dedit, & Deus abstulit, ut fuit ipsi

Visum ; sit Domini benedictum Nomen in ævum.

M. Si non omni ex parte fuit vir justus Iobus,

Qua

* De meritis propriis.

Qua ratione Deo vir justus & integer audit?
 D. Sic vir justus erat, sic omnibus æquus Iobus,
 Ut nihil iniqui prudensque sciensque patrârit
 Unquam, nec sancto grave quisquam impingere crimen
 Posset, adornato multis virtutibus, illa
 In primis pulchra; qua quis sine fraude dolove
 Cuique suum tribuit, miseris succurrit, egenis,
 Pupillis, viduis, quibus est vindexque parensque
 Hoc sensu multi iusti, Dominoque placentes
 Integritate sua nunc sunt, olimque fuerunt.
 Tales sunt sancti Patriarchæ, aliique reperti
 In populo Electo, qui dum vixere fuerunt
 Una Dei in terris Ecclesia, Lumina mundi.
 Ergo in Scriptura, si quisquam dicitur esse
 Justus, ego, ut par est, intelligo quatenus illa
 Lapsi hominis natura ferat, cui sic meliorem
 Infecit partem miseræ contagio carnis,
 Ut quamvis fugiant atrocia crimina multi,
 Nemo tamen bonus est, nemo sine crimine vivit.
 Dicere nemo potest, *Sum coram Numine purus,*
Non ego iudicium metuo vel Iudicis orbis.
 M. Num Deus hæc iussit, fieri à mortalibus unquam;
 Quæ fieri nequeunt? D. Non, nam qui obtemperat Almo
 Spiritui semper, nunquam peccaverit actu.
 Interea labes pravi hæret originis omni
 Qui venit in mundum, ut nunc participare perenni
 Non detur vita, ni accedat *Gratia Christi.*
 Omnia complectar verbo: Pars est Sapientis
 Legislatoris perfectas condere leges,
 Perfectum obsequiumque requirere legibus illis.
 Quod præstent omnes, præstandi mens quibus extet:
 Est talis Legislator noster Deus almus,
 Sed longè melior, longèque potentior, ille

Auctori generis nostri posuitque profecto
 Leges omnino sanctas, iussitque benignè
 Nil nisi quod præstaret Adamus, si voluisset;
 Quod nos præstemus, si spernere nolumus ejus
 Auxilium blandum, quod nulli credo negari
 Alma Evangelii cui lux exorta sit unquam.
 (De reliquis quid sit statuendum diximus, illis
 Queis nunquam fuerit ne nomine notus IESUS.
 Progenies omnes sumus infelicis Adami,
 Per quem peccatum venit, summoque tenemur
 Jure dare id totum Domino, rerumque Parenti,
 Scilicet obsequium, quod debuit ille dedisse;
 Et quod præstandum mortalibus omnibus esset,
 (Cum nos simus opus manuum simul illius omnes,)
 Quamvis peccando nunquam cecidisset Adamus.
 Exigat à nobis merito Deus optimus ergo,
 Ut nos perfectam studeamus ducere vitam,
 (Quod lex una Dei sancta & perfecta requirit)
 Sperantes veniam, si quid peccavimus, amplam
 Vimque resistendi perversis motibus hostis.
 M. Num * meritis possit quis sic gaudere piorum
 Qui nunc in cœlis regnant, munitus ut illis
 Et veniam facilè, æternam obtineátque salutem?
 D. Absit, ut hoc credam, meritis cum nemo piorum
 Ipse suis vivat, meritis sed prorsus IESU.
 Nam quid habet quisquam, quod non acceperit? & si
 Accepit, Domino par est accepta referre.
 M. Nullus Sanctorum meritis locus ergo relictus
 Si pro jure suo nobiscum agat Arbiter orbis.
 D. Nullus. Qui propriis meritis, meritisve piorum
 Confidunt, non tantùm ingratos dixeris esse,
 Sed stultos etiam, qui vitæ fonte relicto

Plena

* De meritis Sanctorum.

Plena foraminibus sibi condunt vasa miselli,
 Quæ nec aquas retinent, nec profunt tempore mortis;
 Ast erga artifices accendunt Numinis iram.
 M. Hostibus infensis Christi crucis ora videris
 Obturasse puer; potuisses addere, quod sint
 Optima Sanctorum facta imperfecta; quod omnes
 Sint peccatores, qui coram Judice stare
 Non possint, ni sint muniti sanguine Christi:
 Hoc dum vixerunt fassi sunt sæpe dolentes.
 Dic mihi (cum jam sint quos hæc dementia cepit,
 Ut credant, si urbem Solymas sibi contigit unquam
 Vidisse, & sanctum Christi coluisse sepulchrum,
 Deleri ob merita eximia hæc sibi crimina cuncta,
 Et se evasuros ex illo tempore Sanctos,)

Num prodest animis loca sancta invisere? D. Nempe
 Tantum animis prodest, quantum mutati cœli
 His prodesse solet, qui stultè trans mare currunt,
 Et tempus perdunt; pejores sæpe redire
 Visi, quam fuerint, cum conjuge fortè relictis,
 Natis, & patria, Solymas invisere primùm
 Instituire sacras: Solymis vixisse quis unquam
 Laudet (quod faciat planè turpissimus omnis)
 Sed Solymis vixisse benè est laudabile: ubique
 Nobis esse bonis licet acceptis Tonanti.
 Nec prodest sanctum Christi coluisse sepulchrum,
 Sed multum prodest juxta ejus vivere leges,
 Peccato mundoque mori, Christo auxiliante,
 Ad vitamque novam secum una exire sepulchro.
 Perfacile est peregrinando dispungere vitæ
 Crimina sed nos ipsos emendare subinde,
 Quotidie fieri meliores, subdere carnis
 Infanos motus, renovari denique mente
 Haud facilè, hoc studium poscit, multumque laborem.
 M. Dic mihi, num cultus, quem Sanctis, Martyribusque

Jam vita functis veteres tribuisse videntur,
 Religiosus erat? *D.* Nequaquam. *M.* Quis fuit ergo?
D. Cultus amoris erat, qualis tribuatur iisdem
 In vita hac sanctis sine labe superstitionis.
M. Ut salvus quis sit, nilne indulgentia prodest
 Papæ Romani? nil nummus? nilne MARIAM
 Matrem JESU? & cœtum illum coluisse beatum
 Sanctorum in cœlis? nil reliquias pretiosas,
 Et mutas statuas venerari, ferrêque circum,
 His cœcis medióque die accendisse lucernas;
 Denique opem illorum precibus lachrymisque rogasse?
D. Impietas hoc est, contemptus Numinis ejus,
 Qui dare divinum sibi soli jussit honorem;
 Nôsq; fide in Christum sola sperare salutem.
 Illa nempe fide, quæ fratrum gignat amorem.
 Porro quam stultum vecôrsque est, hosce precari,
 Qui nos an possint, cupiántve audire precantes,
 Tam constare parum videas cultoribus ipsis,
 Ut nihil omnino constet minus. *M.* Anne colenda est
 In * tabulis Christi depicta ipsius imago?
D. Non est; namque idola coli vetuit Deus. *M.* Annon
 Arbor adoranda est, in qua Deus ipse pependit;
 In qua passus erat? *D.* Non fas est arbori honorem
 Hunc dare, qui soli Christo debetur; & illam
 Credere, (siqua sacræ pars arboris illius extet)
 Spiritibus per sese obistere posse malignis:
 In Christo JESU nostra est fiducia solo,
 In cruce cui placuit nostros perferre dolores.
 Imo sacrum lignum si nunc extaret, & illud
 Pro idolo coleret populus, me judice, tolli
 Deberet, sicut Serpens, qui creditur Almæ
 Esse typus Crucis, est sublatus aheneus olim,

I

Postea-

* De cultu imaginis Christi, &c.

Posteaquam idolum fieret populo. M. Anne beati
 * Angeli adorandi nobis, precibusque rogandi,
 Ut Mediatorum munus dignentur obire (magna
 Pro nobis apud Omnipotentem? D. Est hoc quoque
 Impietas; quoniam inter nos Numenque supremum
 Unicus in cœlis extet Mediator, IESUS.

M. Ad reges terræ per amicos optimè aditur;
 Cur non ad cœli regem? D. Quia nempe ministris
 Per quos ad reges accessus detur, opus sit:
 At nunc sat constat, nullis opus esse ministris
 Per quos accessus pateat mortalibus ægris
 Ad cœli Regem, gaudentem hoc nomine, Quod sit
 Is qui vota precésque exaudiat omnium ubique.

Vir foret ingratus, qui regem iussus adire
 Per Natum, hunc ipsum per servos mallet adire;
 Porro audire preces, fessis succurrere rebus;
 (Siqua fides scriptis sacris) est Numinis illa

Gloria supremi, quem non dabit alteri in ævum:

Orandus Deus est solus, solusque colendus;

Omnium enim exaudire preces valet, omnibus atque
 Ferre in tempore opem in Domino sperantibus uno.

M. Qui mihi sit vitæ custos datus à Patre summo,
 (Mi siquidem fuerit talis datus) Angelus, éstne hunc
 Crimen adorare? D. Est; quia res sunt nempe creatæ
 Angeli, & hoc ipso creduntur sine creati,

Non ut adorentur sanctis, sed ut hisce ministrent:

Et super astra Dei celebrent in secula laudes.

Sunt hi † conservi nostri, graviterque ferentes

Hunc sibi deferri cultum à mortalibus ullis

Quem nôrunt soli deberi jure Tonanti.

M. Num flammis purgari animas post funera credis?

D. Credo

* De cultu & adoratione Angelorum. † Angeli conservi
 n. s. s. r. i.

D. Credo illas solo * purgari sanguine Christi;
Et sanè in vita hac: post fata remissio nulla est.
Credo animas hominum simul ac sua corpora linquunt
Vel recipi in cœlum, vel sæva in tartara trudi:
Nec medium his extare locum, sed vivere mentes
Justorum semper, reliquas tormenta subire.

Quæ impuræ hinc abeunt, non purgabuntur in ævum:
In quocunque statu te mors deprendet, in illo
Fœlix, infœlixve per omnia secla manebis.

M. Non credis justos pœnas post fata subire.

D. Non credo; quoniam quis culpa remittitur, illis
In Christo constat pœnam quoque jure remitti.
Ille est, qui nostros tulit omnes sponte dolores,
Ille satisfecit plenè, mortémque subegit,
Pro nobis Ἀγρευ, pro nobis victima factus.

Quis Deus illius causa peccata remisit,
Illis blanda quies mors est, finisque laborum.

Exigi ab his pœnas post mortem, qui putat, idem
Detrahit & Christi meritis, temnitque cruorem
Illum quo nobis perfecta redemptio facta,
Parta æterna salus, & pax simul alma reducta est.

M. At cur pro vita † functis Ecclesia prisca
Orabat? D. Non quod non crederet esse beatos,
Qui cum Christo essent post mortem in lumine blando;
(Orabat siquidem pro sanctis omnibus illa,
Pro Genitrice Dei, pro Confessoribus, & pro
Ipsis Martyribus,) sed ut hac ratione fidémque,
Spémque suam de conservis ostenderet, atque
Erga etiam defunctos testaretur amorem.

M. Romæ expurgandis animis cur prædicat ignem?

D. Ut sibi divitias totius comparet orbis:

* De Igne Purgatorio. † De precibus pro vita functis.

Indulgere hominum vitiis, multare crumenas,
Decipere hos qui decipi amant urbs impia gaudet.

M. Quis docuit Romam sævis post funera flammis
Expurgari animas? *D.* Illud docuere poetæ,

Atque Plato sapiens, alique Platona secuti:

Hinc Romæ impositum est. En illius ignis origo;

Articulus fidei sit putida fabula Romæ;

Fabula, sed quæ multum inservit accumulandis.

Divitiis, (dulce est Romanis omne lucellum)

Nil hoc igne sacro Romæ plus attulit auri.

M. Si defunctorum status immutabilis extet,

Nil juvat omnino pro animis hac luce carentum

Jam fuisse preces. *D.* Animas ego luce carentum

Vivorum precibus nequicquam credo juvari:

At facere illum credo suam rem, & vendere ventum,

Qui mercede preces conductus fundit inanes.

M. Dicis quod mandata Dei servare studebis:

Quæ sunt illa Dei mandata, & quot simul ede?

D. Illa decem in scriptis sacris memorantur, & hæc sunt:

I.

* SUM DEUS OMNIPOTENS, COELI TERRÆQ;

(CREATOR.

NON ERIT OMNINO TIBI PRÆTER ME DEUS

(ALTER.

II.

NON SIMULACHRA COLES, NEC ME SUB IMA-

(GINE PINGES:

DEDECORAT SUMMUM QUI TENTET PIN-

(GERE NUMEN.

III.

III.

NON FRUSTRA SUMES SANCTUM DOMINI-
 (QUE DEIQUE
 NOMEN IN ORE TUO : QUI FECERIT HAUD
 (ERIT INSONS.

IV.

SUNT TIBI, DUM VIVAS, MEA SABBATHA SA-
 (CRA COLEND.

V.

SI VENERARE DEUM, FAC UT VENERERE PA-
 (RENTES:
 UT SIS LONGÆVUS, VITAM DUCASQUE BE-
 (ATAM.

VI.

INNOCUO MACULARE TUAM FUGE SAN-
 (GUINE DEXTRAM.

VII.

TU NEC ADULTER ERIS : TIBI SINT CONNU-
 (BIA SANCTA.

VIII.

NON FURTUM FACIES : NEC CONSORS FU-
 (RIBUS ESTO.

IX.

MENTIRI NOLI ; NON CORAM JUDICE FAL-
 (SUS
 TESTIS ERIS : FALSOS TESTES DEUS ODIT,
 ET ARCET.

X.

NON TE VICINI FUNDI, NEC CONJUGIS UN-
 (QUAM,
 NEC FAMULI ILLIUS CAPIET MALESUADA
 (CUPIDO.

M. Num * præcepta, puer, sunt quædam tradita Noë
 Quæ non in libris Moſis ſunt ſcripta? D. Magiſtri
 Affirmare ſolent, ſeptemque fuiſſe: ſed illud
 Dicere non aſſim: certè quæ tradita Noë
 Hebræi dicunt, nec conſignata libellis,
 Illa aliis verbis, ſed ſenſu prorſus eodem
 Extant in ſacro conſcripta volumine Moſis.
 Imo naturæ, quæ una eſt dux gentibus olim,
 Si pauca excipias, poſſunt dictata videri.

M. Num Deus humanis inſcripſit cordibus æqui
 Notitiâque boni? D. Docet illud Apoſtolus ipſe:
 Qui negat, ille Deum planè neget eſſe; ſed idem
 A proprio poſſit tandem *Conſcire* refelli.

M. Ad legem Moſis redeamus, & inclyta ſcripta.
 Anne aliud lex ſcripta jubet, quam quod jubet ipſa
 Lex naturæ? D. Equidem ſcriptæ pars maxima legis
 Eſt lex naturæ; mores jubet utraque honeſtos
 Sanctè obſervari; legi Deus auctor utrique eſt:
 Verum ſinceræ pietatis ab omnibus, atque
 Juſtitie majus ſtudioſum lex ſcripta requirit,
 Quam quod naturæ lex eſt præſcribere viſa.
 Juſta & honeſta docet faciendâ id amabile lumen
 Naturæ, *Ratio*; contrariâque his fugiendâ:
 At facta ad rectum ſua dirigit omnia finem
 Nemo, niſi cui ſit notus Deus Optimus unus:
 Denique promittit lex ſcripta hæc præmia juſtis,
 Hæc tormenta malis minitatur, lumine ſolo
 Quæ vix naturæ cognosci poſſe videntur.

M. Sabbathâ quæ ſpectant, puer, & ſimul omnia He-
 Quæ varios ritus tradunt, umbræque fuerunt (bræis
 Chriſti venturi, partæque ſalutis ab illo,

Illâne

* De ſeptem præceptis filiis Noë datis.

Illāne naturæ legis pars ulla fuerunt?

D. Non; namque hæc superant naturæ debile lumen;
Hisque patent solis, quibus hæc Deus ipse revelet.

M. Annon naturæ vox illa ipsius habenda est,

NON ALII ID FACIES, FIERI QUOD NON TIBI

D. Naturæ ipsius vox certe est illa jubentis, (VELLES?

Omnibus id fieri quod justum, quodque sit æquum.

M. Dic mihi, quid justum, quid, blande Philippe, sit
(æquum?

D. Scilicet id justum est, quod scripta lege statutum;

Æquum est, quod legem, si paulo durior extet,
Temperat, & vetat, (illius moderando rigorem,)

Jus fieri Summum ne summa injuria fiat.

Non tam literulam legis vir respicit æquus,

Quam mentem Legislatoris. M. Quanta, Philippe, est
Tam pulchrè respondentem te audire voluptas!

Nunc * Mandatorum, puer optime, da mihi Summam.

D. Hæc Mandatorum stat Christo judice Summa.

Nempe *Deum toto, dum vivas, dilige corde;*

Diligeque ut teipsum, quisquis tibi Proximus audit.

Denique sanctus eris, quoniam Deus est tibi sanctus,

Scrutator renum & cordis, mundi arbiter: ergo

Tu magis esse pius memor esto, quam esse videri.

M. Ast ego scire velim, Quis sit mihi Proximus? D. Ille

Cui sit communis tecum natura, simulque

Cui bene tu facias, cui denique (sit licet hostis)

Utilis esse tibi possit, tibi Proximus esto.

M. Ergo est omnis homo mihi Proximus. D. Omnis. M.

(AMORQUE EST

TOTIUS LEGIS COMPLETIO. D. Apostolus ipse

Id docet, & fidei monstrat præcellere summæ.

Quamvis,

* *Summa Mandatorum.*

*Quamvis, ait, faciam miracula plurima, & ausim
Vel montes removere, sciam ventura per orbem,
Omnia complectar mysteria mente, hominésque
Omnes dicendo vincam; si ferveat ira*

Mens mihi, sum factus resonanti vanior ære.

Imo pauperibus quamvis mea dem refocendis.

Omnia, & (O dictu mirabile,) corpora flammis

Pro Christo tradam; nil profecisse videbor,

Si invidia excrucier, fraterno odiove laborem.

M. Num Moses hostes odio præcepit haberi?

D. Non id præcepit Moses; docuere Magistri

Id veteres, verbis divini Mosis abusi;

Quinimo his Moses mandat prodesse, juvare,

Et meminisse omnes homines nos esse; profecto

Non ad perniciem natos, sed ad utilitatem

Mutuam, id omnino naturæ voce docente.

At nunc illa novæ est perfectio legis, amare

Non modo munificos, & amicos, sed simul ipsos

Hostes, & qui nos oderunt, perquesequuntur,

Exemplo Christi, qui sic ipsius amavit

Hostes, ut pro illis vitam quoque poneret idem.

Exemploque Patris summi, qui surgere solem

Perversisque bonis que facit, discrimine nullo

Justis, injustisque simul rigat imbribus agros.

En Deus ipse amor est, & delectatur amore.

Qui velit esse Deo similis, patrique placere

Cœlesti, ut par est, divinum imitetur amorem;

Omnibus exoptet pro viribus utilis esse.

Sunt homines ideo nati, sibi ut auxilientur

Invicem; enimvero ceu corporis unius omnes

Membra sumus, fini huic à rerum auctore creati,

Alter ut alterius curam gerat. Utque videre est,

Corpore in humano fieri, gaudéntque doléntque

Membra

Membra simul : sic nos ut corporis unius ejus
 Membra, decet gaudere simulque, simulque dolere.

M. Blande puer, nôsti tibi vires defore ab ipsa
 Natura, quibus hæc ferves mandata verenda;
 Nec te posse Deo obsequium præstare fidele,
 Adsit ni præsens ejus tibi Gratia victrix,
 Quam precibus fuis te sæpe rogare necesse est.

D. Vera refers; & cum per nos nil possumus ipsi,
 Ille Dei sine labe Agnus, Salvator & orbis
 Quem Deus electo populo dedit esse Magistrum,
 His verbis docuit me compellare Parentem;
 Nec dubitare preces quin nostras audiat idem.

ALME * PARENS HOMINUM, QUI COELUM
 (NUMINE COMPLES,
 SANCTIFICETUR IN ORBE TUUM VENERA-
 BILE NOMEN.
 ADVENIAT, DEUS ALME, BONIS OPTABILE
 REGNUM;
 O SIC IN TERRIS FIAT TUA SACRA VOLUN-
 (TAS,
 ILLA UT FIT SUPRA FLAMMANTIA SIDERA
 (COELI:
 TU NOBIS HODIE PANEM DA QUOTIDIA-
 NUM;
 DEBITA SIC NOBIS, PECCATAQUE NOSTRA
 (REMITTE,
 FRATRIBUS UT NOSTRIS VENIAM CONCEDI-
 (MUS IPSI.
 NEC SUPRA VIRES TENTARI NOS SINE
 (NOSTRAS.
 SIT

* Oratio dominica.

SIT PROCUL OMNE MALVM, PECCATI SIT
 (PROCUL AUCTOR,
 NAM SINE FINE TIBI REGNUM EST, IMMENSA
 (POTESTAS,
 GLORIA IN EXCELSIS TIBI PERMANSURA
 (PER ÆVUM.

M. Narra, quæ verbis illis subjecit IESUS.

D. Subjecisse ferunt hæc verba, ut quam scelus esset
 Horrendum fratres nostros odisse doceret:

*Frustra, inquit, veniam à summo petet ille Parente,
 Qui fratri ex animo veniam haud concesserit ipse.*

M. An liceat nobis à Numine plura rogare?

D. Sic est; si formæ huic sint consona, sancta, & honesta:

A Patre cœlesti non sunt nisi honesta petenda;

Atque hæc, (si tantum præsentis commoda vitæ
 Spectent) non aliter, quam ut convenientia nobis;
 Proque futura quidem sapiens Deus ipse videbit.

M. * Pro quibus orandum sit nobis dicito. D. Certè

Orandum in primis nobis pro Regibus orbis,

Principibusque viris, qui sunt tutela bonorum,

Et Patres patriæ dicuntur, nempe sub illis

Ut liceat nobis tranquillam ducere vitam.

Pro Christi famulis orandum est, ut simul omnes

Semper amicitiam inter se coluisse beatam,

Et studeant vitam vivendo effingere Christi.

Orandum est etiam pro inimicis ut malè cessent

Tandem agere inque viam redeant, faciántque benigno

Quæ placitura Deo, æternam inveniántque salutem.

Denique pro cunctis orandum præcipue illis

Qui mala amore Dei patiuntur multa per orbem;

Nam sic, quæ fratres patiuntur, nos simul illa

Tan-

* Pro quibus orandum sit.

Tangere, & illorum nos vivida membra fatemur.

M. Qui velit à Domino exaudiri, quis sit oportet?

D. Præditus ille Dei magno sit amore fidèque.

In Dominum JESUM, fratrum sit amansque suorum;

Mente oraturus sit pura, nam Deus aures

Non præbet precibus quas fuderit impius unquam,

Vel qui animi dubius, vel cui mens æstuat irâ.

Nec Deus hunc audit, qui se per luce carentes

Optet adire miser, quem unius nomine JESU

Fas sit adire: Dei dilectus Filius ille est;

Quisquis adit Patrem cœlestem nomine JESU,

Hunc Pater audit, nec tristem permittit abire.

M. At cum cuncta sciat Deus, & cum nos amet idem,

Fâsne illum votis precibusque lacessere nobis?

D. Omnino; quoniam precibus fiducia nostra

In se nota fit omnibus, ipsum qui jubet omnes

Ut precibus sanctis adeant, & laudibus ornent.

M. Præbétne Omnipotens inhonesta rogantibus aures?

D. Non audit Deus omnipotens inhonesta rogantes:

Sed tales, cum sit sanctissimus odit & arcet.

M. Dic, cur non semper Deus audit * honesta rogantes?

D. Non audit semper, vel quod sine amore fidèque;

Vel quod honesta quidem, at nobis nocitura rogamus:

Plus nos Numen amat, quam quisquam sese amet ip-

Ille Parens noster, sumus illi nos quoque curæ; (sum.

Ille quod expediat nobis videt, atque dabit, si

Nos & res nostras ipsi committimus uni.

Ergo hinc discamus patienter ferre repulsam,

Ex animoque Deo grates persolvere dignas,

Quod vellet nobis nocitura negare benignè.

Denique discamus, Deus est si quando rogandus

A

* Cur Deus sanctorum preces non semper audiat?

A nobis, precibus nostris hæc addere verba :

*Non quod nos volumus, sed quod tu vis, Deus alme,
Id fiat justæ norma est tua sacra voluntas.*

Nam vel quod petimus Deus id concedet amanter,
Vel quod is utilius nobis cognoverit esse.

Qui nos formavit, Natique cruore redemit,

Quis putet hunc nobis non optima quæque daturum?

Quinetiam in causa cur nos non protinus audit,

Nec statim precibus nostris Deus annuit hoc est :

Quod velit enixis precibus contendere sanctos,

Nève fatigari : nil non oratio vincat

Viva armata fide ; hæc ignem deducere cœlo,

Hæc montes remove potest, hæc dæmonas arcet ;

Et facit ex hominum miserorum excedere membris.

M. An Deus ille preces bonus audit ubique locorum?

D. Audit ubique preces ; & quamvis Omnipotenti

Regia sit cœlum, pietas tamen huic statuisse

Templa fuit ; gaudet Templis habitare ; sed idem

Mentis amat sanctos ante omnia templa recessus ;

Ante aurum & gemmas rutilantes, ante hecatomben

Candida magnifico placuerunt vota Tonanti.

M. An privata Deo, an communia vota piorum

Sunt accepta magis ? D. Sunt hæc, sunt illa supremo

Patri accepta ; sed unita est vis fortior omnis.

M. Nunc te qua possis ratione placere Tonanti,

Illius & semper gaudere favore, docebo.

* *Vive pius, cole justitiam, (ut lex præcipit alma),*

Verbis & factis, tribuens quæ sunt sua cuique :

Nam justos amat Omnipotens, atque odit iniquos :

E stratis surgens primum venerare Parentem

Nil

* *Regulæ generales & brevissimæ ad benè beatèque vivendum.*

Rerum: deinde die quæ tu factururus es illa
 Singula perpendens ad legum dirige normam.
 Scripta Dei legito, meditaréque nocte diéque:
 In scriptis his teta patet divina voluntas.
 Nil prius aggreditor, quam supplex ipse rogâsti,
 Numen ut inceptis simul adsit, & auxilietur.
 Pone modum ventri, carni indulgere caveto;
 Namque intemperies multis nocuisse probatur.
 Sperne voluptates nocituras: sobrius esto
 Prudens innocuusque; nec unquam feceris illud
 Quod lædat Conscire tuum; pro millibus esto
 Testibus ipse tibi solus: nec id utile duces
 Quod sit turpe geri, sed rerum respice finem.
 Fac quantum potes, ut de te malè nemo loquatur
 Justè: contemnens stolidæ convicia linguae:
 Fama illæsa fuit quondam pretiosum auro;
 Fama amissa semel nulla est reparabilis arte.
 Desidiam, quæ sit multorum causa malorum,
 Geu pestem fugito, & duro te assuesce labori.
 Præmeditare prius, quam quicquam dicere tentes;
 Atque audire quidem, quam dicere promptior esto.
 Opportuna loqui, & linguam frænare studeto;
 Nec commissæ tibi quæ sint arcana revela.
 Quam spartam nactus sis, orna; nec te alienis
 Immisce (si vis jucundè vivere) rebus.
 Justos atque pios opta tibi habere sodales:
 Et fuge, quoad possis, consortia fæda malorum.
 Non cuivis homini confide, sed elige amicam
 Hunc, tibi qui fuerit multumque diuque probatus.
 Utile præceptum duc illud Τὸν δὲ σεωσύην:
 Nec des, si sapias, assentatoribus aures.
 Fac mens immodica tibi nunquam ferveat ira;
 Sed cunctis semper placabilis esto, quibus-cum

Unâ versaris comis simul & gravis idem,
 Quæ res multorum tibi conciliabit amorem.
 Absque gravi causa noli jurare, sed omnem
 Sic vitam institue, ut, si illud fieri queat, ipsa
 Vim juramenti obtineant tua verba apud omnes
 Quis notus fueris (datus ingens ille honor olim
 Insigni probitate viris, donec fuit alma
 Omnibus in pretio rerum pulcherrima virtus.)
 Si promissisti, quamvis tibi sint nocitura,
 Fac stes promissis, Numénque verere supremum.
 Omnibus esto bonus, miseris succurre libenter.
 Fac bene dum possis, tempus differre caveto;
 Novit enim nemo mortalis quid ferat hora,
 Esto humili corde, obstitit Deus ipse superbis:
 Mitibus ingeniis confert sua dona benignè.
 Contentus sis sorte tua, quæcunque sit illa;
 Nec paupertatem, nec opes, puer optime, magnas,
 Sed quæ sufficiant, & quæ natura requirat
 Corporis atque animi recreandis viribus, opta.
 Nec tu, si sapias, alieno oneraberis ære:
 Qui plus quam par est, debet, servire necesse est.
 Aequo animo mala disce pati: Leviora ferendo
 Fient. Redde Deo, cui debes omnia, grates.
 Illud quotidie summo contende labore,
 Ut melior fias, & charior Omnipotenti:
 Nève bonæ mentis, dum vivas, abjice curam.
 Tu peccata cave temnas leviora, Philippe;
 Qui levia admittit prudens, graviora patrabit.
 Vespere præteritæ reputabis facta diei:
 Quid bene, dic, hodie feci? quid non? quid omisi
 Implevisse mei quod muneris esset? ut inde
 Si malè fecisti, doleas veniâque preceris:
 Si bene, letere, & facti des Numini honorem.

Et brevis ævi, & judicii memor esto futuri.

Despice terrena; & cum sit tibi patria cælum,

Sola ingenti animo quæ sint cælestia quære.

Hæc præcepta tuo sub pectore conde, futurus

Auxiliante Deo, si feceris illa, beatus.

Interea imploranda tibi est divina, Philippe,

Gratia, qua possis Patri placuisse supremo.

D. Assiduè imploranda mihi est; Tu dumque precaris,

Præceptor venerande, tui memor esto Philippi.






ΠΕΡΙ ΑΡΧΩΝ,

Sive

De Principiis Religionis Christianæ,

LIBER QUINTUS.

MAGISTER, DISCIPULUS.

M.  UOD sit Catholica in terris * Ec-
(clesia, casta
Christi Sponsa, parens Sanctorum
(credis. D. Id ipsum
Credo. M. Atque hoc tecum credit
(bonus omnis : At illam

Qua ratione mihi detur dignoscere? D. † Signa
Catholicæ, hæc tibi erunt ; Fidei confessio veræ,
(Vera fides sola est, quæ scriptis consona sacris,)
Verbi ex præscripto Domini præconium, & usus
Horum legitimus, quæ Sacramenta vocantur.
Et pietas, & amor fratrum, & patientia multa.
Sunt & Apostaticæ his || signis contraria signa :

Falsa

* De Ecclesia. † Notæ Ecclesiæ veræ. || Notæ item Anti-
christianæ.

Falsa & vana fides, divinis dissona scriptis,
 Multæ imposturæ, verbi corruptio sacri,
 Imprimis Sacramentorum fœdus abusus,
 Hæreticus furor, impietas, odiûmque bonorum.

M. * Catholicam si signa notent, quæ tu posuisti,
 (Credoque Catholicæ signa esse,) Ecclesia certè
 Quæ Romana audit, nec Catholica esse videtur,
 Nec pars Catholicæ firma & sincera; sed illi
 Omnia Apostaticæ quadrant infamia signa.

D. Sic est; Roma tamen jam nomine vana superbit
 Catholicæ, cum sit fidei hostis sæva vetustæ,
 Hortatrix scelerum, & verè spelunca latronum.
 Catholica illa est, quæ in totum diffunditur orbem;
 Ut quamvis esset, velut olim est, Roma pudica,
 Et fidei cultrix ejus quæ tradita sanctis,
 Catholica haud tamen una foret, nam quis nisi demens
 Una omnes gentes concluderet orbis in urbe?

M. Ergo Catholicæ Successio Præsulum ab ipso
 Sæculo Apostolico signum non esse videtur.

D. Non; nisi doctrinæ accedat † successio veræ.
 Quid prodest Petri successor in orbe vocari,
 Hæreticus si sit Petri successor, & exlex?

M. Dic, precor, || hæreticus quis sit? *D.* Non quilibet
 Sed qui mente mala fidei contraria sanæ (errans,
 Dogmata propugnat, monitûsque revertere temnit;
 Ille est Hæreticus, quem vitet turba piorum. (tur?

M. Dic demum hæresiôn quæ causæ, atque unde orian-
D. Cunctarum hæresiôn prope sola superbia causa est:
 Quinetiam carni permittere fræna rebeli,

K 3

In-

* Ecclesiam Romanam nec Catholicam esse, nec partem sinceram Catholicæ. † Successionem personarum nihil valere, nisi accedat Successio doctrinæ. || Hæreticus quis sit?

Indulgere simul vitiis amat hæresis omnis.

M. Extra Catholicæ fines spēsne ulla salutis?

D. Nulla est; * extra illam quia nempe est nemo salutem

Qui ferat; illius Noæ fuit arca figura,

Extra quam quot erant homines periere sub undis.

Martyris eximii vox est, *D.* *Deus huic Pater, inquit,*

Esse nequit, cui non sit Sancta Ecclesia mater.

M. Sin vitam Hæreticus pro Christo ponat, an ille

Salvus eris? *D.* Minimè; nam qui sit lapsus in atram

Hæresin, & careat fraterno durus amore,

Nec sanæ menti reddatur, ponere vitam

Illum posse puto, non posse auferre coronam:

Martyra quod faciat, causa est, non passio sola.

M. Qua fratres ratione suos odisse probetur

Hæreticus? *D.* Qui avertit eos à religione

Vera, atque in partes varias hos dividit, odit;

Hosti perfacilem tentat quoque reddere prædam.

M. Catholicæ quisnam † caput extat? *D.* Solus IESUS,

Qui fidei est auctor, consummatorque salutis.

M. Dic mihi, Pastores habeátne Ecclesia? *D.* Certè,

Et sine legitimis Pastoribus integra non est.

Præsulibus subjecta suis Ecclesia sancta est:

Nec magis his ipsis careat, quam corpus ocellis,

Naclero navis, careátve hoc lumine mundus.

M. Dic cujus munus sit constituisse || Ministros

Verbi, quos Patres Ecclesia nominat Alma,

Pastorésque suos? *D.* Dat Sanctus Spiritus ipse

Pastores populo, (cujus sunt plurima dona)

Impositis manibus, fufis precibúque virorum,

Verbum

* Extra Catholicam Ecclesiam non esse salutem. † Caput
Ecclesiæ Catholicæ esse unum Christum. || De Ministerio Ec-
clesiastico.

Verbum evulgandi quibus est concessa potestas.

M. Nemón' hunc capiat, nisi qui sit missus, honorem?

D. Nemo; quia illius sacri est Deus ordinis auctor,
Quem sic servari in mundo per sæcula iussit.

M. Ordo viris quotuplex est his qui altaribus adstant?

D. His ordo est * triplex; & sanè est primus eorum.

Qui propriè populi dicuntur Episcopi; hic ordo
Præcellit reliquis; est alter Presbyterorum;

Infimus hos sequitur sacratorum ordo virorum,
Pauperibus primi quos constituere Ministros

Sacri Duodeni, miserorum assistere mensis

Jussos, ante omnes viduis impendere curam:

Illis temporibus tanta pietate, fidèque

Discipuli Christi, ceu lumina in orbe vigeant.

M. Verum Presbyterique & Episcopi Apostolus ipse
Nonne videtur nominibus communiter usus,

Tanquam si illis rem unam & eandem significaret?

D. Sic est; nominibus tamen illis sæpius idem

Quæ longè diversa forent duo munia signat;

Namque illi qui Presbyter esset, Episcopus audit,

Sæpèque Presbyter is, qui propriè Episcopus esset.

M. Fusius illa mihi res enarranda videtur.

D. Principio dicti videantur † Episcopi, & unà

Presbyteri communiter omnes quotquot ubivis.

Pastores essent populi, verbique Ministri:

At Domini socii cum scirent post sua fata

De pastoralis venturas culmine lites,

Nec paritate Ministrorum consistere sacram

Posse diu pacem, divino Numine pleni

Hos

* De triplice ordine Ministrorum in Ecclesia, nempe Episcoporum, Presbyterorum, & Diaconorum. † De Apostolica Episcoporum institutione.

Hos Successores sibi constituere per orbem,
 Presbyteris reliquis qui jure deinde præessent:
 Atque obeuntibus his alios per secula fideles,
 Prudentesque viros ad Pastorale vocarent
 Munus, qui populum Christi mandata docerent,
 Officiiue sui blandè quoscunque monerent;
 Denique censuris, si commeruere, notarent.
 Hinc usu venit (sanctis viventibus illis,
 Qui Christi fuerant testes, comitesque laborum,)

Ut quod secum aliis nomen commune fuisset,
 His proprium fieret, quibus illa est facta potestas;
 Et soli merito suo Episcopi ubique, Patresque
 Audirent tandem Clero, populoque fideli,
 Urbes Metropoles visi plerumque habitare.

M. Ergo Præsulibus communia nomina quondam
 Presbyterisque fuere, sed illis munia multum
 Diversa? *D.* Omnino; quia solus Episcopus ille
 Dicitur (& meritò) qui munus ad hocce vocatur.
 Ut præsit reliquis, pœnisque emendet inertes
 De re, non de nomine controversia tota est.
 (Presbyter ætatis, nota honoris Episcopus extat,)

Sæpius imponi communia nomina sacris
 Officiis variis constat, cum Presbyterum se
 Nominet in scriptis dilectus Apostolus ipse.
 Atqui Presbytero quin major Apostolus omni
 Joannes esset, nemo dubitaverit unquam.
 Quin multi procures Ecclesiæ Apostoli in ipsis
 Sacris dicuntur scriptis, quos nemo profectò
 Discipulis Domini æquales putet inde fuisse;
 Sed longè inferiores officiòque & honore:
 Siqua fides veterum scriptis sit habenda virorum,
 Ille simul nostro qui tempore Episcopus audit,
 Temporibus priscis est dictus Apostolus idem.

Verum Presbytero quin major Episcopus extet
(Nimirum propriè sic dictus, qualis ab ipso
Tempore Apostolico fuit omnis Episcopus olim)
Haud facilè dubitet, qui sacra volumina legit
Sedulus, aut veterum patrum monumenta revolvit.
Scripturam inspiciens, hic Timotheúmque, Titúmque
Presbyteros passim cognoscet constituentes,
Illorúmque accusatores pellere jussos,
Res nisi testibus esset contestata duobus:
Quod probat illos jus in Presbyteros habuisse,
Præsulibúsque adeo sanctis simul annumerandos.
Ignatii pia scripta legens (qui proximus illis
Ætate & meritis, & Episcopus Antiochenus,
Successor Petri fuit, & si vera loquatur
Fama, Dei Natum vidit,) deprendet ubique
Ordinis illius triplicis vestigia clara.
Scripta deinde legens patrum, quos fortè tulerunt
Secula priora tria, antiquas venerabitur illas
Sedes, quas olim in variis regionibus orbis
Petri vel Pauli comites fixisse videbit;
Romæ Clementis sedem, Solymísque Jacobi,
Timothe'que Ephesi, (quæ cultu est nota Dianæ,)
Atque Titi Cretæ, Marci quoque in urbe superba
Pellæus juvenis quam struxit ad ostia Nili;
Agnoscat sedem Polycarpi denique Smyrnæ.
Nulla ætas ex qua cœlestia regna revisit
J E S U S, his caruit quibus in Collegia sacra
Presbyterorum non esset jus atque potestas:
Hanc ergo ob causam à nobis quicunque recedit,
Schisma facit, pacisque sacrae est violator iniquus.
M. Dic mihi quem tandem verbi decet esse * Ministrum?

D. Nempe

* *Minister Dei quis sit oportet?*

(tum,

D. Nempe virum doctum, & morum integritate proba-
Prudentem, propriamque domum cum laude regentem,
Ut peccatores quosvis reprehendere possit.

Jure suo, fugiens facere hæc quæ damnet in illis.

Cui sit non tam magna loqui, quam vivere cura.

Vir bonus & patiens sit Episcopus omnis oportet,

Mitis, pacificusque, & ab omni fastu alienus,

Annis & pietate gravis, populumque docere

Aptus, scripturisque potens, multumque in iisdem

Versatus, referens oracula sacra loquendo.

Crimen avaritiæ fugiens, atque, ut decet, auri

Contemptor, mundi istius contemptor honorum.

Munificus, miseris facile sua viscera pandens.

Ante suam ipsius ponens gregis utilitatem.

Illorum causa mala quæque subire paratus,

Pro quibus ipse mori est non dedignatus IESUS.

Sobrius, & vigilans verbis factisque pudicus,

Præluces aliis morum probitate fidæque,

Omnibus exemplar vitæ inculpabilis, & quem

Virtutis causa veneretur turba profana.

M. Quid fiet demum ignavisque malisque Ministris?

D. Deponat tales Ecclesia sancta Ministros,

Censuræque notet, quæ injustos terreat omnes:

Nempe Dei causæ in terris nil officit æquæ

Atque malum exemplum populo dans ipse Sacerdos.

M. Dic nunc * Presbyteri qua sint ratione sacrandi?

D. Servat Apostolico jure hunc Ecclesia morem;

Nempe ut Pastorum sacro assistente Senatu

Præ-

* De Ordinatione Ministrorum; & quod in Ecclesia consti-
tuta nisi ab Episcopo fieri non debeat.

Præfulis haud dubiis signis factumque probante,
 (Consilio siquidem communi Præfulis, atque
 Presbyterorum olim fieri omnia rite solebant,)
 Denique plebe nihil quod jure opponat habente,
 Presbyteros Præful facret hos, qui sint pietate
 Doctrinæque viri insigni, statuâtque per urbes
 Custodes ovium Christi, verbique Ministros.

M. Nemone Presbyterum facret sine Præsule? D. Nemo;
 Saltem ubi Presbyteros qui facret idoneus extet
 Præful, id est, veræ qui cultor Relligionis,
 Quique viris optet fidis imponere dextram:
 Temporibus priscis sine Præsule nil erat actum.

M. Si Præful fuerit fidei adversarius ejus
 Tradita quæ sanctis, nolitque sacrare Ministros
 Relligio quibus una placet quæ consona scriptis
 Divinis, veterum scriptis quæ consona * Patrum,
 Denique Conciliis quæ consona quatuor illis
 Quæ prima in terris Generalia jure vocantur:
 Si nolit sacrare viros quibus integra vita est,
 Nec nisi qui simulachra colunt, fideique tremendum
 Naufragium fecere suæ velit esse Ministros,
 Quid fieri debet? D. Si Ecclesia constituatur,
 (Constituendæ Ecclesiæ enim, me judice, longè
 Diversa est ratio,) quærendus Episcopus alter
 Qui pius, antiquæ fidei sit amansque, velitque
 In vineta Dei fervos legare fideles.

M. Si talis nemo est, quid fiet, dic age? D. Non est
 Destitui sponsam Christi Pastoribus æquum;
 Presbyteros fratres hac conditione necesse est
 Consecrare suos, Verbique creare Ministros.

M. An

* *Ad sacram scripturam, Patres, & quatuor prima Concilia Generalia Reformates omnes provocare.*

M. An sunt Pontificis Romani qui grave * primi
Excussere jugum Pastores ritè vocati ?

D. Quis dubitet, nisi qui sævam defendere Romam,
Atque Dei causam planè subvertere tentet ?

Nemo fuisse neget Doctores Presbyterosque

LUTHERUM sociosque, quis ergo ritè vocatos

Ad munus sacrum neget esse, aut quis neget illos

Purè exponendi divina oracula plebi,

Et prout tunc almæ se res Ecclesiæ haberent,

Hos successores sibi jus habuisse creandi,

Qui populum regerent, & Verbi lacte foverent ;

Donec eis positis odiis præjudiciisque,

Nunc quibus in partes Ecclesia scinditur alma,

Et sævis fit præda lupis, cum Numine tandem

Ad formam, ut par est, antiquam cuncta redirent,

En pietas collapsa fuit, plebs morbida, erântque

Proh dolor ! ipsi Pastores pars maxima morbi ;

Omnia summè conturbata, Ecclesiâque ipsa

Restauranda simul verbi præconio in orbe,

Tunc cum Germanus monachus velut Elias alter

Argueret scriptis immania crimina Romæ,

Et cœlo hæredes quavis ratione crearet.

Interea est omnis sine † Præsule quem vereantur

Ipsi Presbyteri cum plebe Ecclesia manca ;

Hisce carens, qui dum pietas sincera maneret,

Esse videbantur fraternæ vincula pacis.

Angeli item titulo exornatur Episcopus urbis

Smyrnæ, exornatur tituloque Antistes eodem

Pergami, (ut haud sit opus mihi plura exempla referre)

Illi, qui **JESU** placidis requievit in ulnis.

Et

* De vocatione primorum Reformatorum. † Ecclesiam sine
Episcopo esse imperfectam.

Et seclis cunctis mysteria multa retexit.
 Nempe quod Antistes videatur sedulus omnis
 Invigilare gregi velut * Angelus, atque tueri.
 O nimium fœlix Ecclesia nostra Britanna,
 In qua Presbyteri iusti, populûsque fidelis
 Præsulibus gaudent antiquo more subesse!
 † Alma parens, dilecta Deo, cœli una voluptas,
 (Nam te compellare juvat, dulcissima rerum,)
 Qua non in terris Ecclesia castior extat,
 Nève antiquorum servantior altera morum,
 Optima Catholicæ pars, restaurata cruore
 Martyrum, & O sævæ Babylonis maximus horror,
 Subdita principibus non vi, sed amore; benignis
 Sub quorum auspiciis tu non es visa tumultu
 Excussisse jugum Romanum, sed repetisse
 Ceu postliminio priscas sine sanguine leges,
 Et cum legibus una antiquam Relligionem.
 Inde tot illustres vera pietate tulisti,
 Doctrinâque viros, quot arenæ in littore ponti.
 Protegat omnipotens tēque & tua pignora semper,
 O fidei custos, & vindex, O decus orbis!
 M. Hancce tuam in matrem pietatem laudo, Philippe;
 Nam facis ut puerum ingenuum decet: at redeamus.
 Debet Apostolico ergo Ecclesia jure subesse
 Præsulibus sanctis. D. Sic sentio; jurēque eodem
 Par honor est || cunctis, par est cunctisque potestas.
 Si quid præ reliquis, habet unus honoris, id omne
 Conciliisve sacris debet, regūve favori.
 M. Cur est Romano primas dare visa vetustas?
 D. Non propter Petri cathedram, sed quod caput orbis

L

Roma

* *Episcopi cur Angeli dicti.* † *Apostrophe ad Ecclesiam Anglicanam.* || *Episcopos omnes pari honore & potestate præditos esse.*

Roma foret, rerum Dominæ datus ille honor urbi est.

At quæ nunc Roma est, quantum mutatur ab illa
Cujus erat quondam pietas celebrata per orbem !

M. Integra Catholicæ quæ demum Ecclesia pars est ?

D. Integra Catholicæ pars est Ecclesia nempe
Quam cum Presbyteris inspectat Episcopus unus,
Et quæ Catholicæ morésque fidémque tuetur.

M. Anne errare potest Ecclesia particularis ?

D. Scilicet hoc nimium docet experientia quemque.

M. * Catholica anne errare potest, penitúsque aboleri ?

D. Errare ut possit, nescit tamen illa aboleri ;

Fundamen servat, portis invicta gehennæ.

Structa super petram stat nullo mobilis ævo ;

Hæc petra est Christus, qui sustinet omnia solus,

Cui tribuenda boni cujusque est gloria facti :

Gratia enim Christi stat sancta Ecclesia, & usque

Stabit, pressuris quamvis exercita multis.

Ut dat palmitibus vitis generosa vigorem,

Sic Ecclesiæ inhærenti sibi amore fidéque

Dat Christus, nunquam maculari erroribus illis

Queis non condonet ; peccato obnoxia quamvis,

Sponsa tamen Christi est, & semper amabilis illi.

M. Objiciunt nobis hostes certamina, quæ sint

Inter doctores nostros de relligione.

D. Dissensus talis melior de relligione est,

Quam sit vel summus consensus in impietate.

M. Dic quem † Conciliis det honorem Ecclesia sancta ?

D. Conciliis Patrum (quatuórque prioribus illis

In primis quæ jam Generalia jure vocantur)

Post Evangelia, & monumenta Prophetica semper

Sponsa Dei summum tribuisse videtur honorem.

M. Con-

* De perpetuitate Ecclesiæ Catholicæ. † De Conciliis.

M. Concilia * errare an possunt Generalia? D. Possunt,
 Cum sint illa hominum, qui ducunt nil alienum
 A sese errare; & bene tunc statuisse videntur,
 Cum statuunt tantum, quæ scriptis consona sacris.
 Credibile omnino est, quod Concilium Generale
 Verè sic dictum (totius scilicet Orbis
 Præsulibus constans) nequaquam erraret in illis
 Quæ fidei nostræ fundamina rite vocantur.
 Tale ego Concilium in terris expecto futurum,
 Tunc cum forte jugum Romanum excusserit orbis,
 Antiquamque fidem ausi sint defendere reges
 Quotquot submisere Cruci sua sceptrata tremenda.
 At dum Romana manet Antichristus in urbe,
 Conciliisque præest, Decretaque fingit, ut ipse
 Vult, ex Conciliis nihil utile spero futurum.

M. † Concilia an cogi Generalia quæ vocitantur
 Regibus invitis possunt? D. Me iudice cogi
 Regibus invitis non debent, saltem ubi reges
 In Christum credunt, atque ejus numen adorant.
 Hi sunt custodes Tabulæ utriusque tremendæ;
 Hi sunt, quos sæpe est experta Ecclesia patres,
 Et quibus in licitis omnes parere jubentur.
 Consuevisse pios Synodos indicere reges,
 Testantur Synodi, veterum monumentaque Patrum.

M. Dic mihi, quid rex sit? D. Supremi regis imago,
 Ejus in orbe vicésque gerens, mortaléque numen:
 Qui condit leges, & eas simul ipse veretur;
 Qui pater & patriæ, populi Pastorque fidelis,
 Integritate sua fretus magis optat amari,
 Quam constipatus gladiis jaculisque timeri.
 Princeps quisque bonus populi securus amore est:

* An errare possunt? † Quis indicat Concilia Generalia?
 || De Magistratu civili.

Armatus inter metuit pavitátque tyrannus,
 Et rarò moritur sine cæde & sanguine. *M.* Verum
 Scire velim quis sit dicendus jure tyrannus?

D. Qui temnit leges hominúmque Deique supremi,
 Et cui sit pro lege simul sua sola voluntas.

M. Quid regnum? *D.* Est commune bonum, dominatio
 Curáque subjecti populi indefessa, salubre (justa,

Ecce Dei donum regnum est mortalibus ægris,
 Quo sine nec pietas, nec jus consistere possit ;
 Absque hoc res hominum pessum foret ire necesse.

Utilitas quam fert regimen quodcunque profectò
 Tanta est, ut præstet sub quovis vivere, quam sub
 Nullo, in quo furum regnaret sola libido.

Quamvis sæpe gravis populo sit pœna tyrannus,
 Attamen unum, quam multos præstaret habere.

M. Quid lex? *D.* Est populi & regis sententia lata,
 Justa jubens, prohibens contraria, origo salutis,
 Omnibus æqua, sibi constans, mens libera, pura,
 Affectúque carens omni, sacra regula vitæ.

M. Nonne salus populi lex est suprema? *D.* Suprema est :
 Sed data Principibus lex sacra est, scilicet illis
 Cura quibus populi committitur. Imo salutem
 Principis & populi quis separet? Est utriusque
 Una salus : *Utriusque salus Lex esto suprema.*

Nil conducit api, quod non conducat acervo
 Communi (nempe est apibus respublica quædam)

Utile non populo est, quod non simul utile regi :
 Nec regi, quod non populo simul utile blando.

Illud terrarum Dominós meminisse juvabit,
 Non regum causa populum factum (quod iniqui
 Nonnulli, regum pestes, docuisse videntur)

Sed populi causa reges à Numine factos.

Agnoscat, quisquis finem consideret omnis

Imperii, qui non alius, quam gloria Christi,
Atque salus unà populi, sub Principe iusto
Viventis veluti grex sub Pastore fideli.

M. Qua ratione salus regis populique paratur?

D. Vera utriusque salus sola virtute paratur,
Nimirum, cum pulchrè obeunt sua munia uterque.

M. Dic mihi, num debet subdi rex legibus ipse?

D. Sit licet humanis sic legibus ipse solutus,
Ut non cogatur pœnis, tamen haud erit idem
Rex bonus & iustus, nisi subdi legibus optet:
Pulchrum est, cum Princeps facit illud, quod jubet ipse.
Rege bono in terris majus nihil, utiliùsve est:
Rex bonus est populi vita, & quasi *Spiritus oris*.
Quo solo salvo, sæpe est res publica salva.

Hinc orbis gentes (veterum monumenta legentes
Nòrunt) immodico quosdàm dicuntur honore
Affecisse bonos reges; quoscunque tulisse.

Omnes officii causa coluisse probantur
Mortales, sensus quibus esset Numinis ullus,
Queis foret aut propriæ, aut alienæ cura salutis.

M. Anne illud verum est, *Quod rex sit lex animata*?

D. Cum sint multa nimis, quæ nulla lege caventur;
Nec scripta invenias semper, quæ sint tamen æqua;
Atque prout rerum status exigat, optima factu;
Si rex illa jubet quæ publica (lege tacente)
Postulet utilitas; si legum forte rigorem
Temperat, ut deceat, *Lex est animata*, suarum
Supremus legumque interpres, & Arbiter æqui.
Scripta lege sua loquitur rex, scripta proinde
Optima regnandi semper Lex regula visa est.

M. Dic nunc magnorum quæ sint sacra munia* regum,

* De officio regis.

Quæ deceat mundi rectores cura potentes?
 D. Jus, & divinam super omnia Relligionem
 Conservare; bonas & justas condere leges;
 Has juxta punire malos justosque tueri;
 Exemplisque suis populo virtute præire;
 Denique pacem unam innumeris præferre triumphis.
 Namque sui officii rationem in tempore reddent
 Terrarum Domino reges cum plebe tremendi,
 Si quid contra ejus leges fecere superbè.

M. Dic, quid principibus * populus præstare tenetur?

D. Obsequium juxta Domini præcepta fidele,
 Debita vestigalia, justum denique honorem.

M. An populus justas regum detrectet habenas,
 Illisque obsistat? D. Minimè; quia nempe subesse
 Principibus (quorum est à Numine sacra potestas,
 Quique boni cum sint, sunt cœli maxima cura,)
 Omnem animam scriptura jubet, damnâtque rebelles.

M. Regibus an debent Christi parere ministri?

D. His etiam Christi debent parere ministri.
 Et quamvis reges non possunt munia obire
 Rite Sacerdotum, tamen illos cogere possunt,
 Officia ut faciant. Sic priscis regibus illis
 Inter Judæos hominum omnis paruit ordo;
 Cæsaris imperio sese submisit I E S U S;
 Pro se, discipulisque suis tulit ille tributum,
 Principibusque suos justum dare jussit honorem.
 Hinc sancti Patres, & Episcopi ubique per orbem
 Cum Clero (dum prisca fides, pietasque vigerent,)
 Observaverunt, ceu quædam numina, reges,
 Hisque Deum precibus sæpe effecere benignum.

M. Principibusne malis an subdi nos decet? D. Imo

Prin-

* De officio subditorum.

Principibus subdi decet omnes, non modo justis,
Utilibusque quidem, sed perversisque malisque :
Namque potestas quam Princeps habet omnis, ab Illo
Cujus supremus cognoscitur esse Minister. (est,

M. Si nos prava jubet rex, an parere tenemur ?

D. Absit ; namque Deo potius parere tenemur,
Quam regi, si rex jubeat quæ ingrata Tonanti.

(*Quæ Domini Domino , quæ regis reddito regi,*
Lex sacra est ejus, qui regibus imperat orbis,)
At quamvis regi contingat prava jubere,
Non ideo regi perit sua justa potestas,
Sed decet in reliquis nos huic parere libenter.

M. In quibus ? D. In cunctis, quæ sunt vel justa & honesta,
Vel quæ sunt *mediæ naturæ*, (plurima namque
Sunt ejus generis) quæ nec bona, nec mala per se,
Verum quæ nostri incipiunt tunc muneris esse,
Cum fieri hæc jubeat regum veneranda potestas.

M. Hosti jurato sua tradere regna volenti
Anne putas regi parendum ? D. Rebus honestis
Quamvis parendum regi sit in omnibus, illi
Non in eo tamen est parendum, quo efficiatur
Ut ne equidem Rex sit : Princeps sit publicus hostis
Talia qui faciet : communis cura sit illa
Magnatum & populi regni sacra jura tueri.

M. An liceat semper populo defendere sese
Contra hostem, illatam vim vique repellere ? D. Sanè
Illud naturæ lex ipsa jubere videtur.

M. Dic mihi, quis meritò sit habendus jure rebellis ?
D. Nempe is qui regis justas detrectat habenas,
Illique obstitit sumptis hostilibus armis.

Qui regem temnit miser, evasitve rebellis,
Ille crucem Christi simul abjecisse videtur,
Atque negasse fidem, jam factus Apostata vilis,

Dede.

Dedecorans nomen sanctum, quo fortè vocatur.

M. An scelus est armis obsistere prava jubenti

Regi? D. Sic sanè, si regi summa potestas

In populum data sit, scelus est obsistere, & armis

Velle coercere hunc, in quem jus Ille habet unus

Qui sedet in cœlis, & mundi regna gubernat :

Post Numen regem revereri debeo. M. Regem

Judicet an nemo peccantem? D. Judicet illum

Nemo mortalis, rationem rex habet Uni

Reddere, nempe Deo, quin regi multa patranti

Injustè, & legi contraria, sit satis illud

Ad pœnam, *Conscire sibi, stimulisque agitari*

Mentis, & ultorem scelerum expectare Tonantem.

M. Anne licere putas cuiquam obtruncare tyrannum?

D. Nemo cui pietas fuerit sincera putabit :

Regi cui belli causa est justissima fas est

Debellare quidem, (sed aperto Marte,) tyrannum.

M. Dic an nos deceat regum parere ministris?

D. Omnino in rebus licitis. M. Si forte ministri

Quid contra leges fecere, an judicet illos (tus,

Nemo? D. Judicet hos * Princeps, procerumque Sena-

Et faciat meritas pro criminibus dare pœnas.

M. Si rex injustos nolit punire ministros,

Quid fieri debet? D. Proceres, si legibus id sit

Permissum, debent pravos punire ministros:

Sunt hostes patriæ, quos ne rex ipse tueri

Debet, sed potius pœnis mulctare tremendis.

M. Si rex non tantum jubeat quæ injusta, sed idem

Hos simul occidat, sibi qui parere recusant,

Anne pati præstat paupertatēque famēque,

Vinculāque, & quicquid nobis regum inferat ira,

Quam

* Regem à nemine mortali judicandum.

Quam sumptis armis nosmet defendere? D. Quid sit
Ordinibus regni permissum legibus olim
Et nunc in reges violantes omnia jura,
Vix hominum, nedum venerando nomine regum
Dignos, nescio planè; illud tantum scio, Quod nos
Si prohibent leges nosmet defendere, præstat
Observare sacras leges quam temnere; præstat
Quam peccare mori; justo, Dominúmque timentí
Nil in morte mali est: sunt nobis arma parata
Semper contra omnes, lachrymæque precésque, tyrannus.
Sit satis id nobis, quod sit super æthera, novit (nos.
Qui servare bonos, & debellare superbos.
Si malus est princeps, Deus est orandus, ut illi
Cor mutare velit, Patriæque det esse Parentem:
Flectit enim quo vult Deus his quoque corda potenter.
M. Ergo nefas populo est regem deponere. D. Certè
Esse nefas duco: nam si populo hocce liceret
Quandocunque velit regem deponere, Princeps
Tutus nemo foret, quamvis justissimus idem,
Deliciæque bonorum esset. Deponere reges
Hósque necare simul, scelus est quod prima per orbem
Edocuit gentes, & adhuc docet impia Roma,
Omnium ubique parens scelerum, imprimisque inimica
Regibus, & cunctis regum qui jura tuentur.
M. Mensura obsequii num gentibus omnibus una est,
Erga illos, quibus est concessa * suprema potestas?
D. Gentibus imperii non forma est omnibus una,
(Hæ parent uni, subduntur pluribus illæ,)
Verum sive uni, seu multis summa potestas
Sit concessa, sacra & populo simul inviolanda est:

Is

* *Supremæ potestati, sive uni, sive pluribus, à Deo concessa sit, non resistendum.*

Is grave judicium expectet, quicunque resistit
 His quibus Omnipotens ejus dedit esse Ministros
 In terris summos. *M.* Sed dic, puer optime, ab illis
 Provocet an nemo? *D.* Nemo, me iudice, ab illis,
 Suprema in terris quibus est concessa potestas,
 Provocet omnino, nisi ad hunc, qui cuncta gubernat.
 Quamvis sint odio sævi injustique tyranni
 Terrarum Domino, tamen hos, alia ut mala multa,
 (Pestes atque famem) genti est immittere visus,
 Quam pro peccatis vellet punire nefandis.
M. Nonne, puer, nôsti quod sint regna in quibus ipsi
 Reges factorum rationem reddere sæpe
 Cogantur populo? *D.* Reges non esse videntur,
 In quos imperium populus demens habet, & quos
 Quandocunque velit (miserabile!) judicet, imo
 Deponat: populi est subdi, non imperitare
 Regibus; ipsa rei id natura requirere visa est:
 Nempe locum capitis scelus est invadere membris;
 Atque pedes cum sint; se lumina velle videri.
 Ex populi rabie imperium arripuisse volentis
 Quanta sit in mundo confusio sæpe secuta
 Impietas, cædes, incendia, furta, rapinæ
 Illatæ passim matronis, virginibusque
 Historiæ monstrant, lachrymasque legentibus unâ
 Sæpe ciere solent quibus haud sint ferrea corda.
 At jura imperii, cum sint varia, illa relinquo
 Discutienda viris doctis, legûmque peritis:
 Sint cuique obsequii patriæ sacra regula leges,
 Dum nihil hæ leges jubeant, nisi quod sit honestum;
 Communique bono conducatur, & utilitati.
M. Majôrne est Præsul Romanus regibus orbis?

D. Non

D. Non est ; sed * rex quisque sua in ditione supremus
 Post Numen sanctum est rerum moderator habendus,
 Atque Deo in terris minor uno : At si qua piorum
 Scriptis danda fides, Papa Adversarius ille est
 Qui sedet in Templo Domini, Deus optat haberi ;
 Altari impositus sese præbétque colendum,
 Atque super reges se extollit totius orbis,
 Impius Ille Exlex, Coryphæus, apostasiæque
 Illius magnæ, quam seclis nempe supremis
 Vatum sacra cohors prædixit in orbe futuram ;
 Ipse Antichristus, mundi teterrima pestis ;
 Cujus molitur, regnum sub nomine Christi,
 Christi, qui coram Romano Præsidente regnum
 Clara voce suum de mundo hoc esse negavit.

M. Nonne Antichristum designat Spiritus almus
 Mirando quodam numero ? *D.* Designat ; & illum
 Viderunt Patres veteres in voce ΛΑΤΕΙΝΟΣ
 Comprendi numerum, qui Christi denotet hostem.
 Non opus est verbis, fraudes, blasphemia, fastus,
 (Colla suis pedibus Regum premit ille superbus)
 Scripturæ sacræ contemptus, dogmata falsa,
 Spurcities, animus simul insatiabilis auro ;
 Sævicia immanis Romani Præsulis, ipsum
 Esse Antichristum demonstrant, quem Deus olim
 Perdet, & æternos cruciandum mittet in ignes.

M. Dic mihi jam tandem, quo tempore debuit Exlex
 Ille revelari ? *D.* *Sublato*, ut Apostolus inquit,
Romano imperio : sublatum est illud, & hostis
 Ille Dei Romæ jamdudum regnat, adeptus
 Imperium in populum per crimina multa nefanda,
 Quo certè haud aliud fuit exitius orbi.

M. Num

* Regem quemque in suo regno esse supremum.

M. Num quis jure potest totius Episcopus orbis,
 Et Christi in terris simul esse vicarius unus? (portet;
D. Qui affectat titulum hunc, sit Christi ille hostis o-
 Blasphemum titulum quicumque capefceret, illum
 Certè * Antichristo dixit præcurrere magno
Gregorius Romæ supremus Episcopus urbis,
 En quæ casta fuit, nunc fit lupa, & ebria multo
 Sanguine Sanctorum: Babylon nunc mystica Roma est.
M. Schismatica éstne Ecclesia, quæ secedat ab illa
 Quæ manifestè idola colit, ritúsque profanos
 Invehit, hæresibus multis infecta nefandis?
D. A cœtu hæreticorum idoláque muta colentum
 Utile semper erit, justúmque recedere sanctos;
 Sancti omnes sæva Babylone exire jubentur. (ipse est,
M. Dic mihi, * Schismaticus quis sit? *D.* Me iudice, is
 Perversus, tumidúsque animi, qui à corpore Christi,
 Nempe ejus sponsa, manifesto errore recedit;
 Legitimo Altari opponítque altare profanum,
 Pacem illam violans (rerum gratissima cœlo
 Pax est) quam moriens nobis legavit IESUS,
 Quam semper studuit servare Ecclesia sancta.
M. Dic quibus ex causis || oriantur Schismata? *D.* Sur-
 Ex præjudiciis variis fraterno odióque, (gunt
 Invidia, & nota quorundam fraude virorum
 Omnia qui lucri causa faciúntque docéntque:
 Qui cum mancipia existant ipsi vitiorum,
 Libertatem aliis promittunt, seditiosi,
 Spargere rumores falsos, & sub pietatis
 Larva mortales incautos fallere docti;
 Hi sunt quos stupet, & miratur vulgus ineptum.

Scan-

* Roma est Babylon, Papa Antichristus. † Schismaticus quis sit? || Schismata unde oriantur?

Scandala prædixit JESUS ventura, sed idem
Væ miseris, dixit, per quos hæc ipsa venirent.

M. Dic, curnam pestes Deus has permittit oriri ?

D. Ut qui sint fidi hac demum ratione probentur.

M. Num fugienda piis * patrum communio, qui sint
Illis suffecti quos Regum sacra potestas

Sedibus expulerit ? *D.* Justen' id ? *M.* Finge fuisse

Injustè factum. *D.* Communio non fugienda est

Horum, si sint Catholici electique recepto

More à Catholicis: nil sanctis tam metuendum est,

Quam ne ulla ipsorum causa contentio fiat.

Dum sit salva fides, fugiendum Schisma profanum est,

Et pax, qua detur, cum plebe colenda fideli.

Ætas prisca tulit, qui pacis amore fuerunt

Pauperiem, exilium, mortemque subire parati.

Martyras ille æquet meritis, olimque coronam,

Martyris accipiet qui malit ponere vitam,

Quam populo infelix existere Schismatis auctor,

Atque adeo multis æternæ causa ruinæ.

* *Episcopos, etiam injustè depositos, communionem successorum suorum, modo sint Catholici, & ritè electi, fugere non debere.*



Π Ε Ρ Ι Α Ρ Χ Ω Ν,

Sive

De Principiis Religionis Christianæ,

LIBER SEXTUS.

MAGISTER, DISCIPULUS.

M.

IC mihi, num sacros statuendi * Ec-
(clesia ritusJus habet, & lites dirimendi ? D. Ec-
(clesia certèSi juxta sacras scripturas judicet, ut
(par

Decernendo potest lites componere, sed jus
 Contra scripturas statuendi non habet ullum:
 Jus habet & sacros statuendi Ecclesia ritus,
 Sed tantum ritus populus quibus ædificetur;
 Qui neque sint multi, nec inepti; denique sanctæ
 † Matris prospicere est, UT FIANTE CUNCTA DE-
 (CENTER:
 Estque piæ sobolis non temnere jussa Parentis.

Rel-

* De ritibus Ecclesiæ. † Ecclesiæ est videre, Ut omnia
 fiant decenter.

Relligio res est simplex, gaudensque decore
 Interno, (morum probitate fidèque) requirit
 Haud multos sanè, qui oblectent lumina, ritus.
 Ætas longa tamen multa invexisse notatur
 Quæ minimè sapiunt primævam simplicitatem,
 (In Templis Romæ quæ fiunt id docet omnes,)
 Imo jugum longè superant gravitate, quod olim
 Ipsi Judæi veteri sub lege tulerunt.

M. At cum de rebus non sit mens omnibus una,
 Si de hoc, *Quid deceat, quid non?* fit Quæstio, dic nunc
 Quorum judicio demum stet oporteat omnis?

D. Regis * judicio & Synodi stet oportet in illis
 Quæ Disciplinam (quæ custos optima morum)
 Cuktumque externum spectent, modo nil statuatur,
 Quod cum scripturis, & prisca moribus ævi
 Pugnet. M. An admittit varios Ecclesia ritus?

D. Catholica admittit varios Ecclesia ritus,
 Pro varia ætatum, & varia ratione locorum.

At populi unius quæ Ecclesia dicitur, illa
 Si pacis blandæ, si sit studiosa decori,
 Numquam diversis optabit ritibus uti.

In sacris aliquis fervetur ut ordo, requirit
 Multorum utilitas: alitur pax ordine pulchro:
 Qui Deus est pacis, Deus est simul ordinis idem.

M. Inter jussa hominum, † mandatæque sacra Tonantis
 Jam quodnam ponis discrimen? D. Scilicet illud;
 Quod servanda putem hæc propter se, semper, ubique:
 Illa autem propter Dominum, fervetur ut ordo.
 Hæc, quod & optima sint, & in his sit vita perennis:
 Illa, ejus quod sint naturæ, ut sint facienda,

M 2

Vel

* De rebus adiaphoris quorum sit judicare? † De mandatis
 divinis & humanis, & quomodo inter se differant.

Vel facienda minus, communis ut exigit usus,
Publicaque utilitas, cui quisque studere tenetur.

Porro in eo humanis distant mandata Tonantis,
Quod mutent humana homines, sed iussa Tonantis
Is mutet solus, qui cœlum numine complet.

M. Nemo ergo mutet quæ constituisse probetur
Cœtus Apostolicus. *D.* Nemo hæc, me iudice, mutet.

M. Num conscire ligant nobis mandata regentium?

D. Hæc conscire ligant, sed non nisi quatenus extent
Mandata illorum quibus æquus condere leges,
Et regere imperio populum dedit arbiter orbis;
Nempe potestatis Deus est fons omnibus unus;
Perque illum solum reges dant jura per orbem.

M. Nonne inventa hominum fugienda in Relligione?

D. Illa inventa hominum quæ sint contraria legi
Divinæ fugienda puto, sed quis nisi iniquus
Judex hæc damnet, quæ scriptis consona sacris,
Et pietati longò usu inservire probantur?

Nil nisi quod faciunt ipsi solet hisce placere,
Qui quicquid veteres bene constituere per orbem
In sacris damnant, ducti novitatis amore;
Gens non ipsa suis placitura nepotibus olim:
Inconstans adeo, & semper mutabilis error.

SERVANTO RITUS PATRIÆ, sacra lex fuit olim;
Servanto certè, si commendentur ab ipsa
Non modo canitie ipsorum, sed & utilitate.

M. Quos ritus homines mortales constituerunt,
Hi minimè Domino nos commendare videntur.

D. Quamvis nos ritus quos Patres constituerunt
In rebus sacris per se non posse videntur
Commendare Deo, tamen his respectus habendus,
Propterea saltem, quod constituentur ab illis
Queis data sit ritus statuendi hos sacra potestas,

Quos

Quos ad honestatem conducere posse viderent.

Nos ea commendat Domino reverentia certè

Quam propter Dominum præstamus regibus almis,

Præfulibúsq; bonis statuentibus omnia justè.

M. Nos scriptura docet non ponere scandala fratri.

D. Rectè; & nil homini faciendum credo fideli,

Quod fratrum infirmis animis offendere possit:

At tam lædit eos, qui ritus spernit honestos,

Quam qui observari, me iudice, mandat ineptos.

Nempe Magistratus quas leges sanxit honestas,

Has si quis violat petulanter, perniciosum

Exemplúmque aliis præbet, turbátque quietem

Publicam eam, quam cuncti conservare tenentur.

M. Ergo Sacerdotes quibus uti vestibus, & queis

Ritibus in sacris peragendis, & quibus unà

Numinis ad cultum nos convenisse diebus;

Quo pacto casti celebrentur fœdera lecti;

Quam deceat vita functis impendere curam;

Quæ loca habenda simul sint sancta fidelibus; illa

Et reliqua illius generis statuantur ab illis,

Quos Deus esse dedit reges, patriæque parentes.

D. Qui neget, in magno versari errore necesse est;

Schismaticúsque simul, si contra fecerit, idem est.

Christi ejúsque sacræ fugiens consortia Sponsæ.

M. Annon multa sacræ mutantur pacis amore?

D. Si pax hac demum possit ratione reduci,

Quæ *mediæ*, ut dicunt, *naturæ* sunt, adeóque

Humani omnino juris, mutantur ab illis,

Quorum sit rebus de sacris condere leges.

Atque videre, ut pulchro fiant ordine cuncta;

At quæ majores nostri * bene constituerunt,

* Quæ sunt bene constituta, non temere mutanda.

Absque gravi causa minimè mutanda putarim ;
 Ne variando ubi nil sit opus, justissima detur,
 His qui antiqua novis præponunt, causa querelæ ;
 Et fiat morbo medicina nocentior ipso.

Quæ semel in sacris bene sunt, & rite statuta,
 Mutare hæc, semper visa est res plena periclis.

M. An tibi sola placent, quæ sint antiqua, Philippe?

D. Nunquam displicuit mihi quicquam hoc nomine solo,
 Quod foret antiquum, & per secula multa receptum ;
 Sed magis hoc placuit, quo plus ætatis haberet.

Quæ sunt vera, eadem sunt antiquissima semper:
 Gaudet & antiquis Ecclesia moribus alma.

M. Dic mihi, cur nobis non sit * Lux septima sacra,
 Ut veteri populo fuit olim? *D.* Lux ea sacra

Judaico populo æternæ fuit umbra quietis,
 Quam sancti in cœlis omnes sperare jubentur ;
 Fugerunt Umbrae Christo adventante caducæ.

M. Quænam præcepti est ergo observatio Quarti?

D. Maxima; præcepti siquidem fundamine Quarti
 Nititur hæc lucis nostra observatio primæ ;

In qua nos Christi meritos celebramus honores,
 Inferimusque animis divini semina verbi.

Sabbathicæ requiei mutandi, haud abolendi
 Consecratam lucem Ecclesia jus habet alma.

Septima quæque sacra est lux nobis, non ea certè.

Qua Deus omnipotens requievit ab orbe creando;
 Sed læta illa dies, qua mortem vicit IESUS,

Exstitit & nobis vitæ melioris origo;

Hanc habuisse sacram socii noscuntur IESU,

(Quorum exempla piis vim legis habere videntur,)

Hanc habuit semper quoque Christi Ecclesia sacram.

M. Anne

M. Anne * dies festos fas est celebrare in honorem
Sanctorum, simul & varios memorare quotannis
Quos illi propter Christum subiere labores ?

D. Omnino fas est ; tot rara exempla juvabit
Proposuisse piis, & Christi gratiam in illis
Lucentem celebrare : Deo uni denique grates
Solvere promeritas, quod tot clarissima mundo
Lumina donarit, quorum vestigia sacra
Dum premimus læti, sicut vestigia Christi
Ipsi presserunt, cum illis per secula demum
Fœlices erimus. Non dedignabimur ergo
Natales celebrare dies, & promere laudes
Sanctorum Domini ; nec nos fecisse pigebit,
Quod semper veneranda parens Ecclesia fecit.

M. In cœtu sancto peragit dum sacra Sacerdos
Num verbis populus, quæ non † intelligat omnis,
Ipsi orare Deum liceat ? *D.* Non credo licere ;
Nam licet ipse oret, populus non ædificatur :
Est linguæ labor omnis inanis corde tacente.
Effusæ sine mente preces sunt victima stulti ;
Victima quam Dominus non acceptaverit unquam.

M. ¶ Præscriptis verbis liceátne orare Tonantem ?

D. Omnino ; verbis quia nos orare Parentem
Præscriptis docuit Christus ; cui credere stultum est
Posse placere preces temere atque ex tempore fusæ,
Aut delectari hunc vana multaque loquela.

M. Peccatum quod quis commiserit, éstne necesse
Coram Presbytero secretò, & in ¶ aure fateri ?

D. Non est ; sæva tamen labefactæ vulnera mentis
Utile sæpe fuit Pastori aperire fideli,

Illius

* De diebus festis. † De precibus quæ sunt lingua populo
non intellectæ. ¶ De Liturgiis. ¶ De Confessione auriculari.

Illius & monitis præbere salubribus aures.

Sed peccata Deo mihi cura est cuncta fateri :

Spes siquidem veniæ nulla est peccata tegenti.

M. Dic mihi, num Dominus JESUS nos jusserit ullis

Abstenuisse * cibis ? D. Minimè ; imo vox ea J E S U est

In scriptis sacris, *Hominem non polluit*, inquit,

Quod stomacho ingeritur : sunt puris omnia pura ;

Ergo cibos quoscunque dedit Deus accipe gratus.

M. Quid † jejunare est ? D. Nempe est affligere carnem

Hanc nostram, stomacho esurienti alimenta negando ;

Non ut eo quicquam mereamur, sed caro ut inde

Spiritui discat tandem servire, dolorem

Testemurque simul propter peccata. M. Decetne

Jejunare pios ? D. Decet hac dum carne rebeli

Induimur ; carne ad vitium omnes sollicitamur :

En jejunando domuerunt corpora sancti

Sæpe sibi, atque iram sæpe avertère Tonantis.

M. Dic mihi, quæ cœli Rector jejunia laudet ?

D. Quæ celebrent humiles corde, ob peccata dolentes,

Atque inopum blandè refoventes viscera fratrum.

M. Quis populo indicat jejunia ? D. Publica Princeps

Indicat populo privata Ecclesia sancta,

Et sibi quisque, Deo, qui perspicit omnia, teste.

M. Tu dum jejunas, oras, miserisque benignè

Succurris, (Summo quæ victima grata Parenti,)

An fugis, ut par est, hominum præconia vana ?

D. Quoad possum, fugio : testis mihi sufficit unus

Is qui corda hominum cunctorum inspectat, apud quem

Sinceris animis mercedem credo reponi.

M. Quis tibi sincerus ? D. Qui sit sine fraude doloque,

Vivens, ut qui se positum sub lumine nôrit

Illius

* De ciborum delectu. † De jejunio.

Illius qui cuncta videt, qui cuncta gubernat;
 Commendare studensque Deo sese & sua soli.
 Nemo Deo invisus sic est, ut hypocrita vilis,
 Qui quodcunque facit, facit ut spectetur, inanem
 Gloriosam captans, & temnens Numinis iram:
 Sive quod esse Deum non credat, sive quod ipse
 Lumina fortè putet se posse latere Tonantis.

*M. Anne Deo * voveam? D. Certè; sed non nisi iusta;
 Et quæ vovisti, cura persolvere. M. Verum
 Quid si iniusta miser vovi? D. Te nempe decebit
 Voti pœnituisse tui, Dominumque timere:*

*Nunquam grata Deo sunt impia Vota supremo:
 Talia qui servat sceleri scelus addere pergit.*

*M. Anne Deo soli voveam? D. Cum sit Deus unus,
 Omnia qui novit, soli huic tibi crede vovendum:*

*Angelicam turbam, sanctosque in vota vocare
 Cœca superstitio docuit. M. Dic, blande Philippe,
 Num peccat, qui se facturum voverit illa*

*Quæ fieri aut nequeant, aut quæ sibi nulla facultas
 Præstandi detur; D. Peccat miser, & reus idem*

Læsæ majestatis in ipsum Numen habetur. (sunt,

*M. Dic, num grata Deo sint † vota monastica? D. Non
 Namque vovent monachi, quæ nec, me iudice præstant,
 Nec præstare queunt, (non sese continuisse*

Posse datur cunctis,) hi dum connubia damnant,

Non metuunt fœdis sua corpora jungere scortis.

*Multa vovent monachi, quæ turpe vovere sit, & quæ
 Cum communi hominum nequeant constare quiete.*

Quæ regio in terris non horum crimina novit?

O quoties monachi sua vota nefanda miselli

Magnorum fuso impleverunt sanguine regum!

M. Num-

* De votis. † De votis Monasticis.

M. Numne omnis voveat? D. Mulier subiecta marito
 Si voveat, voto non stare tenetur, id ipsum
 Vir nisi comprobet; atque superstite filia patre
 Si voveat, frustra est, votum damnante parente:
 Nempe vovens persona sui sit juris oportet. (ator.

M. Dic, quis * connubium instituit? D. Rerum ipse Cre-

M. Quo fine? D. Auxilio ut foret uxor chara marito,
 Cresceret atque hominum gens laudatura Tonantem,
 Impleturâ orbem, cœlum impletura supremum.

M. Jussit an Omnipotens, ut eodem tempore plures
 † Fœmina nulla viros habeat, nec vir sibi plures
 Uxores simul? D. Id certè voluisse videtur
 Conditor omnipotens, uni cum jungeret unam.

*Ergo relinquat, ait, patrem, matrêmque vir atque
 Hæreat uxori, caro namque est una duobus:*

Hoc voluisse Patrem Dominus testatur IESUS.

M. Dic mihi nunc, cur sit Mulier subiecta marito?

D. In culpa mulier quia prima erat; ergo marito
 Promeruit subdi, ingentes passura dolores
 Infœlix quoties in luminis ederet oras

Pignora blanda viro: verùm inventura salutem
 Si in Christum credat, qui contrivit caput angui.

M. An liceat cuivis uxorem ducere? D. Sic est,

|| Connubium in cunctis personis semper honestum est;

Connubium status est, qui nulli non sit honori:

Hoc admirandus Paulus docet, hocque fatetur

Petrus, quem monstrat scriptura fuisse maritum.

Verâque si referant veterum monumenta virorum,

Non semper caruit dilecta conjuge Paulus.

M. Anne viro cuivis jungatur fœmina quævis?

D. Non;

* De conjugio. † Polygamia damnatur. || Conjugium in omnibus honestum.

D. Non; quia sint multi consanguinitate propinqui,
Affinésque adeo, ut vetitum sit legibus æquis,
Hos inter sese tædas celebrare jugales.

M. Dic mihi, blande puer, num filius absque parentum
Consensu uxorem ducat? num filia nubat

Invitis illis se promittátve futuram

Sponsam? D. Non; si nil jubeant nisi iusta parentes:
Atque parentum est, natis non inhonesta jubere.

M. Fœmina quæ Christi famula est, num nubat apellæ;
Hæreticóve viro, vel muta idola colenti?

Atque viro an fas est, qui Christi Numen adorat,
Ducere Judæam, hæreticam, aut simulachra colentem?

D. An connubia talia sint licita, haud mihi promptum
Dicere; certè illa ut minus expedientia damnat (est
Quisque bonus, prohibent veterum decretaque Patrum.

Quæ non in Domino fiunt connubia, certè
Non sunt grata Deo; nec possunt esse beata.

Nulla est cum tenebris luci communio, nulla
Prorsus amicitia est homini credenti in IESUM,
Cum ridente fidem, lacerantéque nomen IESU.

M. Anne est connubio * cœlebs vita anteferenda?

D. Est aliquando, sed non semper, pro ratione
Personarum & temporum. Apostolus id docet omnes
Nubere quod præstet, quam flammis turpibus uri.

Quamvis vita quidem cœlebs obnoxia non sit
His, quas sæpe trahant secum connubia, curis:
Laude carere tamen quis dicet pignora pulchrè
Instituisse, bonos cives patriæque dedisse
Olim magna sui seculi ornamenta futuros?

D. Numquis jure sibi defuncta † conjuge jungat
Vitæ aliam sociam? D. Quidni? facit haud inhonestè

Si

* De vita cœlibe. † De nuptiis secundis.

Si post uxoris repetat connubia mortem :
 Libertate sua par est, ut quisque fruatur ;
 Non tamen expediunt semper, quæ nulla vetet lex ;
 Nève decere quidem credo omnes omnia. *M.* Nubat
 An Vidua ? *D.* Omnino nubat ; non peccat in illo ;
 Sed meliùs faciet, si mente & corpore casta
 Sanctarum exemplo viduarum sola manebit ;
 Ut sic continuis precibus vacet, atque maritum
 Erga defunctum ingentem testetur amorem.

M. Quis decet ornatus matronas quasque fideles ?

D. His pudor ornatus fuit ingens creditus olim,
 Cum pietate ; sed heu ! nunc utraque vilior alga est.

M. An sunt sancta * Sacerdotum connubia ? *D.* Quidni !

Sunt omnino sancta, Deoque accepta supremo :
 Uxores constat veteres duxisse Prophetas,
 Et Patriarchas, (sub quorum ipse in luce perenni
 Inveniar pedibus !) si quis sit sanctior illis,
 Non nubat ; sed nec cœlebs connubia damnet.
 Sic Antichristum depinxit voce Propheta,
 Quod foret uxorum contemptor, numinis hostis :
 Succinit huic Paulus, dicendo quod prohiberet
 Nubere, & hisce cibis simul abstinuisse juberet
 Gentes, quos mundi Dominus dedit omnibus uti,
 Quos & eo, ut manducarentur, sine creavit.

M. Crimina quæ † solvunt connubia jam mihi narra.

D. Jura quidem violasse tori connubia solvit ;

Cætera quantumvis atrocia crimina, certè
 Non ea sunt, possint quæ solvere vincula sacra.

M. Anne alia omnino cur dimittenda sit uxor
 Præter adulterium causa assignetur ? *D.* IESUS

Non aliam esse docet : memini sacra scripta referre

Quod

* De conjugio Sacerdotum. † De divortio.

Quod cum Judæi decretis Mosis abusi
Ex quavis causa facerent divortia duri,
Cœlestis reprimi meruerunt voce Magistri.

*Siquis, ait, Sponsam dimiserit, id nisi fiat
Propter adulterium, atque aliam sibi junget, adulter;
Et qui dimissam sibi junget, adulter habetor.*

M. Ergo ob adulterium vir cui dimissa sit uxor
Non peccat ducendo aliam vivente vel ipsa
Quæ dimissa fuit D. Minimè, me judice, peccat;
At melius faciet, si dum dimissa supersit,
Connubium fugiens deget sine conjuge vitam.

M. Num persona nocens nubat? D. Non nubere ho-
Dum persona cui sit facta injuria vivat. (nestum est

Pœna nimis levis est pro crimine (ferrea quicquid
Ætas nostra putet), si uxori scilicet illi

Quæ sit adulterii causa dimissa, maritus;

Dum vivat (cujus thalamum violasse probetur,)

Non detur ad thalamos miseræ volitare secundos,

Cum vox sit legis, *Pœnas det adultera morte.*

M. Jurène sunt * decimæ solvendæ? D. Hominumque
Legibus has verbi solvendas credo Ministris. (Deique

Est mercede sua dignus quicumque laborat.

Cumque ferant nobis cœlestia dona Ministri,

Subsidia his vitæ credo scelus esse negare;

Hi quæstum spernunt, & plurima commoda vitæ,

Dum studio incumbunt, nostræ invigilantque saluti.

Hos inopem & miseram vitam traducere iniquum est

Quos decuit sanctos opibus refovere libenter,

Et revereri omnes, habuisse locoque parentum.

M. Dic mihi † sacrilegus quis haberi debeat? D. Ille

Qui rapit hæc quæ sint Domino sacrata. M. Quis ergo est,

N

Qui

* De decimis. † Et sacrilegis decimarum raptoribus.

Qui decimis audet Christi fraudare Ministros?

D. Pessimus ille latro est (sic sacra oracula tradunt)
Sacrilegusque in eo, quod despoliare Tonantem
Audeat his donis quæ sint sibi jure dicata,
Nequitia haud cedens illis qui templa profanant.

M. Quænam debetur * templis reverentia sanctis?

D. Maxima; Scripturis etenim si credimus, illa
Sunt loca sacra Deo, minimèque intranda profanis.
Templa domus meruere Dei dici, in quibus ipse
Et colitur præsens, audit quoque vota piorum.
Gentibus (ut fama est) falsorum fana deorum
Religio temerare fuit; (res dignaque laude est,
Dum simulachra deos mundus prope crederet omnis,)
Et non religio nobis temerare verenda

Templa Dei viventis erit, qui condidit orbem?
Proh dolor! in quæ nos mortales tempora demum
Incidimus miseri! in quibus inviolabile nil est,
Nulla Deo summo reverentia, nulla Ministris
Nunc datur; ipsa fides toto pene exulat orbe;
Raræque amicitia est. *Paucos spectamus amicos
Quos junxit sincerus amor: quos turpia lucra
Multos. Credibile est hæc esse novissima mundi
Tempora: tanta seges vitiorum regnat ubique.* (men

M. Dic quid † amicitia est? (sanctum & venerabile no-
Illud erat quondam.) D. Est conjunctio summa animorum,

Qua duo planè eadem cupiunt, eadem fugiuntque:
Est in corporibus mens una duobus. M. At ex te
Tandem scire velim, Qui vir sit amicus oportet?

D. Aptus amicitiae non est vir omnis, amicus
Sit bonus & fidus, multumque diuque probatus,
Qui tibi sit vitæ testis, morum quoque censor

(Si

* De reverentia quæ templis debetur. † De amicitia.

(Si quid vel dictis pecces, factisve) fidelis.

Qui tēque admoneat, se sustineátque moneri,
Prudens, concilium dare in omni tempore gnarus,
Atque tacere, ubi opus fuerit; te moribus idem
Et studiis referens; sed nec te denique multum
Aut genere, aut opibus superans. *M.* Dic anne potentum
Credis amicitiam fugiendam? *D.* Non fugiendam
Esse reor, si sint iusti, Dominumque timentes;
At magis æquales vellem mihi semper amicos:
Optet amicitiam sapiens vir nemo malorum;
Talis amicitiae comites damnumque pudorque.

M. Quid faciam, si quid me turpe rogabit amicus?

D. Tali, si sapias, aures avertito: amicis

Inservire decet blandis, **SED NON NISI AD ARAM.**

M. Verane amicitia est, quam sæpe, Philippe, videmus
Esse malos inter? *D.* Minimè; quia vera ea sola est,
Quæ sit eos inter, quos virtus fecit amicos,
Et junxit pietatis amor. *M.* Quis verus amicus?

D. Sunt multi læta fortuna utentium amici;

Rebus in adversis verus spectatur amicus.

Hoc signum veri est, simul & præstantis amici,

Nil propriæ causa facere utilitatis (amico

Si bene quid fecit) sed amici cui bene fecit.

M. Quæ sit amicitiae utilitas, dic te precor? *D.* Illa est,
Ut sine amicitia non ulla urbs, nec domus ulla
Sed nève ulla diu possit respublica stare.

(CIS: OMNIA (ut est vulgò dictum) COMMUNIA AMI-

Imo ea amicitiae est præstantia, ut emori amici:

Verus amore sui minimè formidet amicus.

Infelix nimium, cui desit amicus, in ipsis

Gaudia cui lætis sua blandè impertiat, atque

Qui sibi in adversis tribuat solamina rebus.

M. Dic mihi jam, quamam ratione parantur amici?

D. Scilicet ingenui virtute parantur amici,
Et, quantum valeas, cunctis faciendo benignè.

M. Quem dicam hunc, qui me sub nomine fallit amici?

D. Perfidum; & est quavis pœna, me iudice, dignus,
Quisquis amicitiae violat sacra jura; nec alter
Perniciosior est hostis, quam falsus amicus.

M. Ergo nec mendax unquam, nec amicus haberi
Possit adulator. *D.* Neuter sincerus amicus
Esse potest; ab amicitia est alienus uterque.

Hunc ego percuperem mihi semper habere sodalem
Qui vitia, ut par est, reprehendet fidus amici,
Promeritasque dabit laudes virtutibus hostis.

M. Pauca audire velim jam de moderamine linguae,
Pars in eo siquidem verae sapientiae, & artis
Rectè vivendi, consistere magna videtur.

D. Sic me saepe boni puerum docuere parentes. (que
M. Dic quis sit * mendax? *D.* Is qui prudensque sciens-
Falsa animo, ut fallat fratrem, noceatve, loquatur.

M. An nemo est mendax nisi qui sit falsa locutus?

D. Tam est mendax, qui vera refert, quæ falsa putet,
Qui falsum dicit, quod verum noverit esse: (quam

Semper adulator mendaci est proximus. *M.* Ede,

Quis sit adulator, quis detractorque sit. *D.* En qui

Non modo virtutes alicujus, sed simul ejus
Miratur naves, & fummis laudibus effert.

Cui studiumque loqui semper placitura sit unum;

Est hic adulator, juvenum corruptor, & atra

Magnatum pestis. Detractor pessimus ille est

Absentum famam cui sit lacerare voluptas,

Carpere quemque bonum, gravis omnibus esse, odioque.

Affinis detractori est, nec criminis experts,

Qui

Qui forte absentem lædi cum nōrit amicum,
Immeritōque pati rabiosæ vulnera linguae,
Non illum quantum possit defendere tentet.

M. Ergo aliquando putas scelus esse, Philippe, tacere.

D. Esse scelus ducō, quid inhumanūque tacere,
Si damno alterius fiat; sic qui sine causa

Accusari audit quemquam, me iudice, justus

Non est; si prorsus taceat; sic forte vocatus

Qui testis fuerit si non ex pectore totum

Expromat verum; si quid premat, est inhonestus.

M. Nonne est injustus, qui detractoribus aures

Dat? *D.* Facit hoc alii, fieri quod non sibi vellet.

Qui altera inaudita statuet parte, hic licet æquum

Fortassis statuāt, tamen æquus non erit ipse.

Si deferri, accusarique foret reus esse,

Quis foret innocuus? non ipsos inter amicos

Pax diuturna foret, nec fratrem frater amaret.

Infœlix Princeps qui delatoribus aures

Det facile; aut etenim infontes temerarius odit,

Aut sub pectore suspiciones versat inanes.

M. Blande puer, si quis de te sit falsa locutus,

Quid facis? *D.* Aut me, si sit opus, defendere tento;

Aut curo stolidæ convitia temnere linguae

Integritate mea fretus: quin sunt maledicta

Multa, quibus minime sit respondere necessum:

Certè audire malè à sceleratis maxima laus est.

M. Imo ab eis etiam laudari est dedecus ingens.

An quis tam factis mendax evadere possit,

Quam verbis? *D.* Sane; sic omnis hypocrita mendax,

Mentiri, est illud quod non es velle videri.

M. Anne extent unquam mendacia justa, Philippe?

Sunt etiam qui tentent officiosa tueri

Magnis exemplis. *D.* Nil credo exempla valere

Contra jussa Dei : nunquam mendacia justa
 Esse puto. At quænam mendacia, vir reverende,
 Officiosa vocas? *M.* Quæ non sint dicta nocendi
 Causa, sed potius noscantur dicta juvandi
 Hunc cui dicuntur. *D.* Quæ tu pro more Scholarum
 Officiosa vocas, aut non mendacia certè,
 Atque proinde alio sunt nomine jure vocanda :
 Nam nudæ voces non tam sunt respiciendæ,
 (Candidus hoc, hoc ingenuusque fatebitur omnis,) *M.*
 Quam mens atque animus sunt respicienda loquentis :
 Aut si sint propriè mendacia, nil dubito quin
 Officiosa etiam cudent mendacia peccet.
 Nempe malum minimè faciendum judico, ut ullum
 Inde bonum eveniat. Qui respicit utile tantum
 Audiat ; *Utile id esse nequit, quod non sit honestum.*
 Hinc caveant omnes, ne quæ officiosa vocantur
 Utentes, quæ sint planè mendacia dicant.
 Officiosa vocat mendacia Roma profana,
 Hæc quæ judicio cunctorum pessima habentur ;
 Discipulosque suos miseros docet æquivocare,
 Qua sola arte boni, qui nunc subvertere regna
 Orbis amant Socii, sese subducere pœnis
 Quas multis illi factis meruere nefandis :
 Horum nonnulli capti subiisse feruntur
 Supplicium extremum mendacia nota loquentes.
M. Dic mihi, blande Philippe, quid æquivocare sit? *D.*
 Affirmare tuo, quod mente negaveris ipse, (Ore est
 His verbis usus, duplicem quæ admittere sensum
 Possint, qualia erant Oracula dæmonis olim.
M. Omnino illicita est, puer, æquivocatio? *D.* Certè,
 Est etenim species quædam mendacii, & una
 (Præsertim si sit studio conjuncta nocendi,) *M.*
 Horrendum crimen, sermonis foedus abusus.

Absque dolo prorsus sit vir bonus omnis oportet ;
Non ille ambiguus, sed apertis vocibus usus
Sensa animi profert, & viles respuit artes.

M. An verum semper dicendum est omnibus? D. Aut nil
Dicendum planè, aut dicendum judico verum.

M. Est ergo mendax, qui non fortasse nocendi
Causa mentitur, sed quod vir capet ineptus

Inde voluptatem? M. Mendax, me iudice, namque
Huic fini nobis datus est à Numine sermo,
(Qui nos à brutis possit distinguere solus)

Ut verbis animi conceptus exprimat omnis,
Cui ratio, & linguæ mirandus contigit usus.

M. Dic mihi, quid mendax omnis lucretur? D. Ut, ipsi
Nulla fides etiam verum dicenti habeatur.

M. Anne unquam liceat verum reticere? D. Videtur,
Si cuiquam id profit, nulli noceátque, licere :

Est quando expediat verum reticere profecto,
Expediat at nunquam, me iudice, dicere falsum.

M. Ergo nefas inter jurandum est æquivocare :
(Da verbo veniam.) D. Jurantem aut æquivocare,

Aut alium sensum verbis imponere velle
Juramenti, quam quo verba capeßere nôrit

Cui juramentum præstat, scelus esse nefandum
Non dubito, ut quod juramenti omnem auferat usum,

Atque adeo vitæ communis vincula solvat.

M. An liceat * jurare piis? D. Jurare licebit,
Iustitia ut fiat, testemque vocare Tonantem ;

Nam sic constabit, siqua est reverentia summi
Numinis illius, qui hominum perjuria plectit.

At sanè absque gravi causa jurare profani est.

M. Verum qui jurat, non est modo testis, at idem
Sæpe est promissor ; dic quid promittere fas sit?

D. Est

* De jurejurando.

D. Est promittendum tibi, nil nisi quod sit honestum.
Est quod tu præstare bono cum Numine possis.

M. Si dubitem, an quod sim promissurus sit honestum,
An careat culpa, dic quid mihi sit faciendum?

D. Tam prope sæpe bonis mala sunt, ut qui fuerint his,
Qui fines illis, pauci discernere possint.

Si dubites quid sit faciendum qualibet in re,
(Verùm sic dubita, ut pateat te velle doceri)

Ne lædas *Conscire tuum*, præstat dubitare,

Quam facere id prudens, de quo dubitaveris ipse,
Et de quo multos homines dubitare videbis.

Sed fuge, ceu pestes, ausos promittere, sæpe
Juramento interposito (miserabile!) quod vel
Ingens esse putent crimen promittere, vel quod
Ipsi fortè putent à crimine non procul esse.

Inspector cordis Deus est, cor ergo studeto

Simplex & purum retinere, Deoque placere:

Vir animi duplex odium est hominumque Deique,
Talis enim vellet, si posset, fallere Numen.

Si dubitas, num quid promittas, tu sapienter
A promittendo abstineas, donec tibi constet,
Esse bonum, quod sit tibi promittendum, & honestum.

Qui contra *Conscire* suum facit, ille misellus
Peccat, ut id faciens animo quod damnet & horret;
Sed quod in omnibus fortè aliis damnabile non sit.

M. Dixisti, jurare quidem, puer, esse profani
Absque gravi causa, & verè; jam dic mihi tandem,
Cur malus omnis amat crebrò jurare, Philippe,
De rebus nihili? D. Quia novit, quod nisi juret,
Nemo fidem ipsius verbis sit in orbe habiturus.

M. Estne fide dignus talis? D. Me iudice, non est;
Nam qui non metuit temerè jurare, nec ille
Mentiri metuet, si forsan id utile ducet

Esse tibi. *M.* An liceat per res jurare creatas?

D. Pars est divini cultus jurare per illum

Unum, qui judex mundi est, atque omnia novit:

Ergo est Impietas per res jurare creatas.

M. An juramentum quod fit per numina falsa

Obliget? *D.* Omnino; nam qui per numina jurat

Falsa, (puta idolum) si pejerat, haud gravis ulla

Facta ab eo idolo est injuria; facta Tonanti est,

Quem probro summo, dum pejerat, afficit idem;

Omnia perjurus contemnere numina visus.

M. Nonne est morte quidem dignus, qui pejerat? *D.*

Omnes plectebant gentes perjuriam morte: (Olim

Certè in discrimen quicumque adducere vitam

Audeat alterius, dum pejerat, hunc puto dignum

Quovis supplicio, innocuum quia perdere tentet.

QUOD FRATRI INFERRI VOLUIT, PATIATUR

Nil est lege sacra, me iudice, justius illa. (ID IPSE;

M. Dic, liceatne viris, qui Christi numen adorant,

* Belligerare? *D.* Licet, si justum, si sit honestum,

Principis & jussu, si indictum denique bellum:

Legibus atque armis regna orbis stare videntur.

M. Dic mihi, quis justis belli sit finis oportet?

D. Pax. *M.* An cuncta licent in bello? *D.* Non; neque

Bellum ut sit justum, nisi legitimèque geratur. (sat est,

M. Anne hosti servanda fides? *D.* Servanda profectò;

Ut paci, sic sunt Bello sua jura verenda:

Victor magnanimus, victis quoque parcere gaudet.

M. Militis officium quodnam est? *D.* Ducis omnia jussa

Exequi honesta, libenter adire pericula cuncta

Patriæ amore suæ, nullique injurius esse,

Contentus mercede sua: qui fortis & audax

Miles

Miles haberi optat, se primum vincere discat.

M. Dic, an sponte quidem deceat * servire fidelem ?

D. Hunc etiam servire decet; sed si fore liber,

Atque sui juris queat, omnino id magis optet :

Interea talem servum meminisse juvabit ;

Si gnavus, fidus, frugi sit, nempé futurum

Illum libertum Domini, qui temperat astra.

M. Dic, quid debet herus servo præstare ? D. Alimentum

Imperium mite, exemplum utile, pensa diurna ;

Flagrâque, si sit opus, sed non nisi lege statuta.

M. An licet * Usuram exercere ? D. Licere videtur

Exercere illam, quam lex permittit, & una

Fœnora quæ danti prosit, neque mordeat ullum :

At multo melius faciet, qui fœnora temnet.

Sæpe pudor vetuit, quod lex permittere visa est.

Mutuo pauperibus gratis dare muneris instar

Sæpe fuit ; certè his qui fœnorat, ille homicida est,

Et fur immanis, miserorum sanguine vivens.

M. Dic, quid de Usuris jubeat lex tradita Mosi ?

D. Lege quidem Mosi non accipiebat Hebræus

Fœnus ab Hebræo, fœnus si non genus omne,

Non saltem id mordax, quod tetraë eruginis instar

Dantis opes, & rem misero consumeret omnem.

Tale quidem fœnus solo captabat ab hoste :

Mores, non ritus respexit lex ea. M. Dic nunc

Quid nova lex jubeat ? D. Nova lex, me iudice, majus

Justitiæ studium, majorâque viscera cunctis

Ostendi, quam lex Mosi vetus illa, requirit :

Vinci à Judæo turpe est virtute fidelem :

Damno equidem fratris, qui fratri fœnorat, odit :

Oderit

* De Servis. * De Usura.

Oderit an fratrem qui jussus amare sit hostem ?
Quin nos Salvator jussit dare mutuò egenis,
Nil hinc sperantes, nisi quod tribuet Deus almus
His qui pauperibus dando super astra recondunt
Divitias veras, sibi mansurásque per ævum.
M. Quid de mordaci Usura docuere vetuisti ?
D. Concilia, & Patres, simul & secli sapientes
Illam damnarunt omnes, & turpia lucra,
Usuram latrocinium legale vocantes ;
Terrestresque simul piratas, denique pestes,
Qui lucrum facerent positis in fœnore numis,
Dum sua spectarent, non publica commoda ; ceu essent
Non patriæ nati, nec amicis, sed sibi solis.
Imo inter gentes quibus esset cura pudoris,
Prorsus damnarunt superantia fœnora sortem.
At quæ damnarunt gentes, impune per orbem
Pessima temporibus grassantur fœnora nostris.
M. Dic, Usura, puer, quæ sit laudanda ? *D.* Profectò
Est quædam species usuræ, quæ tolerari
Possit, quæ possit laudari, nulla. *M.* Sed audi,
Sunt, queis si usuram non exercere liceret
Ullam omnino (illi pupilli sunt viduæque)
Diminuenda foret fors. *D.* Esto ; at nemo negabit
Essè vias alias quibus his fors crescat honestè,
Aut conservetur ; vitam tolerare labore ;
Judice me, præstat, quam fœnore ; nam magis est nil
Contra naturam, quam quod sine fine modòve
Ignavis numos gignant per fœnora numi.
O Usura vorax, seclis incognita priscis,
Aut si nota fores, non una lege repressa,
Perdis adhuc pulchrásque domus, urbésque superbas ?
Tu scelerum fœcunda parens, perjuria, fraudes,
Et vis te comitantur ; tu præclara virorum.

Deprimis ingenia, & magnis virtutibus obſtas.

M. Quid faciet dubitans de Uſura, ſitne ea juſta, (illud,

Necne? D. Ab ea abſtineat dubitans, nam qui facit

Quod dubitat, num fit juſtum, me iudice, peccat.

Si videat patriæ permitti legibus illas,

Quas nunc Uſuras exercent undique gentes,

Conferat humanas leges cum lege Tonantis;

Nec *conſcire* ſuum quod lædat, fecerit unquam;

(Si ſapit haud unquam captabit fœnus ab illo,

Cui prodeſſe quidem non nôrit pendere fœnus;

Prodigo ad uſuram nunquam dabit ille monetam,

Nec faciet, quod cum fraterno pugnet amore.

In rebus cunctis erit illi Regula ſancta,

Non facies alii, fieri quod non tibi velles,)

Atque ſciat certò, facientem (quicquid id eſt) quod

Ipſe quidem tacitè damnet, peccare neceſſe.

Ille ſupra humanas leges fit juſtus oportet,

Qui ſeſe Domino ſervum præſtare fidelem.

Optet, deliciisſque ejus gaudere per ævum.

M. Dic, bona Sanctorum * num ſint communia jure.

D. Jure quidem non ſunt, ſed ſunt communia amore;

Sunt velut *omnia amicorum communia*: verùm

Relligio haud tollit, ſed ſervat quæ ſua cuique

Pauperibus tu largus eris, dabis atque libenter;

Sed dabis ex illis quæ ſunt tua, non aliena.

Qui fit munificus cunctis pro viribus, illum

Eſſe in eo ſimilem cœleſti credo Parenti.

At non munificum duco, qui prodigus extans

Has diſperdit opes, proſit quibus omnibus, & qui

His dando quibus haud fit opus; fraudare videtur

Pignora chara, inopēsque, gravesque ætate parentes.

M. Dic

* Num bona Sanctorum communia?

M. Dic, uter illorum, sit peior, avarus, an ille
 Qui disperdit opes, & prodigus audit? *D.* Avarus
 Plus nocet humano generi, quia nempe sit hostis
 Tam sibi, quam reliquis cunctis, & publica pestis;
 Ut porcus, nulli, nisi cum perit, utilis idem.

M. Dic mihi, blande puer, quæ sit * communio sanctis?

D. Illa est; quod sanctis extet Deus & Pater unus,
 Unus Servator JESUS, & Spiritus unus,
 Lex una, una fides, unum genitale Lavacrum,
 Mystica mensa una, & spes omnibus una salutis;
 Hæc nos esse docent inter nos, & simul uni
 Christo, ceu capiti, conjunctum corpus amore;

M. An vita functi sunt partes corporis ejus?

D. Corporis illius partes, sacra membræque Christi
 Sunt Sancti quotquot vixere ab origine mundi:
 Hinc † Ecclesiæ in hoc mundo pars militat una,
 Cum Christo in cœlis jam nunc pars altera regnat.

* De Communione Sanctorum: † De Ecclesia militante & triumphante.






ΠΕΡΙ ΑΡΧΩΝ,

Sive

De Principiis Religionis Christianæ,

LIBER SEPTIMUS.

MAGISTER, DISCIPULUS.

M  **I**C mihi, quandoquidem nostræ my-
 (steria sanctæ
 Relligioni insint, quot * Sacramenta
 (tremenda
 Instituit JESUS dum in terris
 (degeret? D. Illum

Credimus instituisse duo, & jussisse fideles
 Coetibus in sacris hæc concelebrare per ævum,
 Baptismum & Cœnam Domini. *M.* Sed scire peropto,
 Quid † Sacramenti vis nomine significare?
D. Hoc Sacramenti nomen signare videtur;
 Externum quoddam signum, quod lumine possit
 Discerni, at donum quod signet spirituale,
 Donumque obsignet dignè accipientibus illud

Signum;

* De Sacramentis. † Sacramentum quid sit?

Signum ; Gratia item pignus credentibus extet.

M. Hæc Sacramenti si definitio vera est,
Sacramenta quidem non possunt esse ea quinque
Quæ Sacramentis Romana Ecclesia falsò
Annumerare solet. *D.* Propriè sic dicta profectò
Non sunt Sacramenta, quia accipientibus illa
Donum planè nullum obfignent spirituale.

Æterum id omnino cum priscis sentio, nempe
Posse libris sacris meritò tot inesse videri
Sacramenta, quot insunt voces. *M.* Sentis id ipsum
Quod sentire Dei visa est Ecclesia semper.

Quis Sacramentum instituat ? *D.* Certè instituendi
Ille Sacramenti divinum jus habet unus
JESUS, qui fidei dator est, auctórque salutis.

M. Quot Sacramento sunt partes, dic mihi ? *D.* Binæ,
Visibile illud signum, & Gratia spiritualis.

M. Visibile id signum quodnam in * Baptismate sacro ?

D. Unda in qua credens immergitur, atque lavatur,
Dum Patris, Natique simul, nec non Paracleti
Invocat Antistes super hunc venerabile Nomen.

M. Dic, quis † Baptismi fructus credentibus extet ?

D. Est peccatorum veniam obtinuisse, fidèque
In Christum generis nostri deponere sordes :

Scilicet ut pura lustrantur corpora lymphæ,
Sic purgari animas pretioso sanguine Christi
Mystica significat mortalibus unda renatis.

Cumque sit omnis homo naturâ filius iræ,
Servus peccati, baptismate filius idem
Fit Patris, immensum qui cælum numine complet.
Abluitur corpus, mens ipsi lumine blando
De summo cœlo perfusa renascitur undis,

* De Baptismo, † Baptismi fructus Remissio peccatorum.

Descendit peccans, purusque à crimine surgit.
 Frons pro more Crucis munitur imagine sanctæ;
 Ut sciat hoc signo, quod deinde sit acre gerendum
 Illi cum vitio, & tenebrarum principe bellum.

M. Quid nobis porro sacrum Baptisma figurat?

D. En nobis Christi mortem Baptisma figurat,
 Atque sepulturam, sacra hac sub imagine monstrans
 Qui confors Christi mortis, conforsque sepulchri est,
 Peccato debere mori de fonte * renatum,
 Cum Christoque novæ debere resurgere vitæ.

M. Ede novæ quæ sint naturæ femina? *D.* Verbum,
 Spiritus, & lympha, his generantur pignora Patri,
 His & hæredes cælo propagantur in orbe.

M. Quid faciat, quicumque ambit genitale † Lavacrum?

M. Pœniteat vitæ anteaetæ, vitiūque perosus
 Virtutem colat, & renovari mente laboret.

Peccata ex animo fateatur iudice coram

Cuncta sciente Deo (coram populoque fidei,

Si sit opus, facile veniam peccata fatenti

Dat Deus unigenum Natum dum respicit, illum

Agnum morte sua qui mundi crimina tollit;)

Offerrique Dei Nati sibi voce salutem

Credat; & illius promissis fidat, amore

Qui capitur nostri, qui falli aut fallere nescit.

Denique conetur duce Christo, ut vita sit ipsi

Candidior, quam sit vestis qua membra teguntur.

M. Si sic semet habet res, dic mihi, blande Philippe,

Cur || infantibus, & quos credere non finit ætas,

Sæpe salutiferis tingi conceditur undis?

D. Hunc ab Apostolicis visa est Ecclesia morem

Ac-

* *Et vitæ renovatio.* † *De officia illius qui baptizari cupit.*
 || *De baptismo infantium.*

Accepisse viris (fieri neque lex vetat Alma)
 Ut per sponsores ubi promissere daturos
 Nomina se Christo vera pietate fidèque,
 Ad sacrum infantes ducantur rite Lavacrum,
 Quo Christi fiant & vivida membra renati,
 Et cœli hæredes, & pignora chara Tonantis.
 At ne ideo quisquam pietatem deserat, ipse
 Quod Domino fuerit teneris sacratus ab annis,
 Credimus infantem cum ipsi maturior ætas
 Venerit, officia hæc demum præstare teneri,
 Quæ ad fontem illius promisit nomine Sponsor.
 Quin fidus sponsor puerum jam Relligione
 Imbutum coram venerando Præsule sistit,
 Ut promissa suo quæ nomine facta fuerunt
 In se suscipiat puer, & sese obliget ipsum ;
 Gratiam & accipiat, dum Præsul nomine Christi
 Imponit palmas puero, & bona cuncta precatur.
 M. An per * Sponsores promittant pignora quicquam
 Nostra Deo ? D. Certè ; Domino nam fœdere jungi
 Quid vetat & patres, & qui nascentur ab illis ?
 Constat enim Dominum cum Abrahamo Patre fidelium,
 Et simul illius cum semine fœdus inîsse :
 Fœderis antiqui si infantes rite fuerunt
 Participes omnes, cur non quoque fœderis îdem
 Sint pars magna novi, nec amore fidèque parentum
 Fiant membra Dei, cum pignora talia summo
 Sint accepta Patri & Christo, qui dicitur ore
 Infantes laudasse sacro ? quin Paulus & ipse
 Esse quidem dicit credentum pignora sancta.
 M. Cur prisca quidam, natique parentibus illis
 Nomina qui Christo dederant, genitale Lavacrum

* Respondetur cavillationibus Antipædobaptistarum.

Non subiere priùs, quam essent ætate virili,
Atque suæ fidei rationem reddere possent?

D. Semper in exemplum priscorum facta trahenda
Non sunt; sed scriptis sunt omnia facta probanda
Sacris, Catholicæ venerandi sunt quoque mores.

Catholica in terris Ecclesia credidit alma
(Ne nostri infantes essent in conditione
Pejori, quam sit Jacobi dura propago,)

Circumcidendi ritum Baptisma secutum,
Baptismoque dari teneris infantibus ipsis
Facti cum Domino renovati nobile signum.

Certè si culpam, qua infecti nascimur omnes
Fœderis unius sacri virtute remitti

Credimus his teneris, cur culpæ itidémque remissæ
Non detur signum, divini pignus amoris?

M. An detur Baptisma infantibus omnibus æque?

D. Non; sed eis solis quos progenuere parentes
Qui rerum Domino sunt sacro fœdere juncti.

Soli Abrahamo etenim Domini promissio facta est;
Quod foret illius Deus, unà & feminis ejus:

Semen Abrahami sunt omnes jure fideles,
Et nati illorum, Domino quia fœdere juncti.

M. Quid nobis sperare licet de* infantibus illis
Qui mox à sacro baptismo obiere renati?

D. Salvari spero, ut qui jam sint sanguine Christi
Peccati immunes (ejus quod *originis* audit)

Facti, quique brevem (sic certè credere fas est)
Haud ullo proprio maculârint crimine vitam.

M. Tune perire putas † infantes qui moriuntur

Ante

* *Salvari infantes fidelium qui mox à baptismo moriuntur.*

† *Quid sentiendum sit de infantibus qui moriuntur ante quam baptizentur, item de infantibus infidelium.*

Ante quidem sacro quam sint baptismo tincti?
D. Durus inhumanusque forem si mens mihi talis
Effet; ego unius renovati fœderis almi
Virtute infantes salvari credo fidelium,
Etsi baptismi expertes in limine vitæ
Extincti fuerint casu, culpæ parentum:
Infantes Domino qui non sunt fœdere juncti
Si præmatura rapiantur morte; relinquo
Ejus judicio, cujus clementia fines
Non habet; illorum omnipotens miserescere novit.
De morte æterna quæ infantibus accidat ullis
Si Scriptura tacet sacra, nōsque tacere decebit.
Non patet ex scriptis sacris in luce suprema
Judicium infantes subituros, vel statuendos
A dextra inter oves, inter caprōsve sinistra;
Sed quisque accipiet juxta quod fecit in orbe,
Præmia vel pœnas à justo Judice Christo.
Tutiùs est horum quibus usus sit rationis
Nunquam concessus certè sperare salutem;
Sic tamen ut vitæ Christi mors causa sit illis.
Tales sunt cæli cives, clamavit IESUS,
In sacris ulnis pueros cum fortè teneret;
Et simul his blandè benediceret, oscula figens.
Quis demum ætatem tenebris damnare tremendis
Audeat innocuum, dum vox sonet illa Magistri,
Quo sint infantes apud Illum in honore docentis?
Quisquis, ait, pueros non morum simplicitate,
Et candore animi, puròque imitetur amore,
Nequaquam speret cælestia regna videre.
Illud de pueris dixisse probetur IESUM
Qui pervenissent aliquem rationis ad usum,
Non aliter morum nobis exempla futuri:
Scilicet ætatis teneræ vel iudice mundi,

Christo,

Christo, Simplicitas, animi submissio, candor,
 Ingenúusque pudor sunt omnibus æque imitanda
 His qui discipuli veri optent Illius esse.

M. Qui sit ab Hæreticis sacro * baptisinate tinctus
 An debet rursus genitalibus ire sub undis?

D. Si talis tinctus sit in ipso Nomine sancto
 Patris & unigeni Nati, simul & Paracleti,
 Non debet rursus genitalibus ire sub undis.

(mendam ?

M. Cur † Cœnam instituit Dominus, mensamque tre-
D. Instituit Cœnam monumentum illustre futurum

In peccatores immensi illius amoris,
 Victima pro nobis fieri cum vellet IESUS.

M. In Cœna Domini, quæ sunt ea signa videri
 Quæ possunt oculis? *D.* Panis vinumque per ævum
 Quæ moriens ejus memores nos sumere jussit.

M. Quid pane in cœna, quid vino significatur?

D. Pane sacro & vino, corpúsque & sanguis IESU
 Signantur liquido; quæ sumit quisque fidelis
 Ore elementa quidem, sed mente animoque benigni
 Et corpus Domini, Domini sacrumque cruorem.
 Quamvis spiritualiter id sit, re tamen apse

Accipitur corpus, bibitur quoque sanguis IESU.

Quinetiam Christi mortem sacra Cœna cruentam
 (Pane quidem fracto, fuso in Crateraque vino)

Exhibet his oculis, animum reficitque videndo.

Denique in hac Cœna Christi celebramus honores;
 Inque Cruci affixo (Crux Christi est gloria nostra,
 Atque triumphus,) nos ultrò sperare fatemur,
 Sed qui venturus sit Judex totius orbis.

M. Cur unus panis, cur vinum sumitur unum?

D. Id

* De Baptismo non iterando. † De Cœna Domini.

D. Id nos esse unum corpus signare videtur;
Nam velut ex granis panis fit pluribus unus,
Ex multisque uvis vinum depromitur unum :
Sic nos cum multi simus, corpus sumus unum.

M. Quomodo in hac Cœna præsens est corpus IESU?

D. Designando modum quo Christi corpus in alma
Cœna sit præsens homines errare superbi,
Quo fidei corruperunt & simplicitatem
Et deridendam propinavere profanis.

Quod dixit IESUS, qui nescit fallere, panem
Et vinum esse piis, id credo hæc firmiter esse,
Nempe ejus corpus sanctum, sanctumque cruorem ;
Et gratus veneror sacræ mysteria Mensæ.

Credo confiteorque, modum fore spiritualementem
Omnino, Cœna quo Christi corpus in illa est ;
Nec pasci ventrem, sed mentem corpore sancto.

M. Non ergo in Cœna credis * mutari Elementa,
Et panem fieri carnem, vinumque cruorem ;
Ut nunc dente suo carnem discerpât IESU,
Ejusdemque sacrum bibat impius ore cruorem.

D. Non mihi tam mens est levis, & cœlestium inanis,
Ut credam quæ sint scriptis contraria sacris,
Et quibus omnino sensus ratioque reclamant.

Se propria tenuisse manu quis credet IESUM ?
Sit licet omnipotens, sibi contradicere nescit,
Nec facere, ipse ut sit semet diversus ab ipso ;
Ut simul in partes frangatur, & integer extet ;
Aut in mille locis momento existat eodem

Una eademque caro, quæ nunc super astra recepta est.

M. Nonne suum corpus panem, vinumque cruorem
Nuncupat ipse suum ? D. Certè ; sed quis nisi demens.

Hinc

* De Transsubstantiatione.

Hinc rerum naturam aboleri existimet, atque
 Signum cum re signata confundere tentet?
 En fructum vitis Dominus vocat illud IESUS,
 Quod paullo antè suis porrexerat ipse bibendum.
 Gens Hebræa solet rerum dare nomina signis;
 Exempla evincent: sic Christus Petra vocatur,
 Quod Christi signum foret; insuper Agnus Hebræis
 Pascha appellatur, quia signum Paschatis esset;
 Denique quæ Patribus data Circumcisio, fœdus
 Dicitur esse Dei, quia signum fœderis esset.
 Sæpe elementa vocant Patres sacra Symbola Christi
 Corporis, ejusdémque typos, itidemque figuras.
Hæc, aiunt, dici meruerunt corpus IESU,
Quod sint signa sacra immaculati corporis ejus.
 Non ea nuda quidem, sed quæ dent accipienti
 Signa fide viva, rebus gaudere; proinde
 Non credo panem mutari in corpus IESU;
 Nec vinum in sacrum mutari credo cruorem:
Natura id quod erant panem vinumque manere
Credo cum priscis, tantum mutarier usu.
 Absque fide prodest animæ nil corporis esca,
 Is Christi corpus, qui Christo credidit, edit.
 Si Christi carnem discerpere dente daretur,
 Prodesset nulli sic manducasse; sed ille
 Sævitiâ posset fortasse æquare ferarum
 Qui patraret, prorsus inhumanusque videri,
 Carne salutifera sed non frueretur IESU.
M. Et quid monstrosum tutantes dogma Sophistæ
Dicunt? D. Quod panis color & sapor, atque figura
Absque omni panis substantia in aëre pendent:
 At, præterquam quod secum hæc sententia pugnet,
 Suadeat & contra planè experientia, dico;
 Quod si rebus in his, quæ sensibus obijciuntur,

Fallantur sensus (non unius, alteriùsve,
Sed cunctorum hominum) nil sciri posse sequetur,
Atque ruent adeo fidei fundamenta nostræ.

M. Cur? *D.* Certè Ratio est cuiusvis fatis obvia; namque

Si positis mediis his quæ natura requirit,
(Organa nimirum tibi si sint omnia sana,
Si tibi sana simul mens sit,) tu non tamen illis

Aut oculis semper fidas, aut auribus, illi

Qui videre Dei Nati miracula, certò

Scire nequiverunt, sese hæc vidisse, nec illa

Quæ verba audiverunt se audivisse; adeoque

Cuncta simul reddi dubia atque incerta necesse est.

Omnia quæ Christus miracula fecit in orbe,

Fecit ita, ut scirent omnes ea facta fuisse.

Cum mutaret aquas in vinum, protinus omnes

Percepere suis id sensibus, & generosum

(Mira fides!) vinum factum gustando probârunt.

Cum vita functo daret idem exire sepulchro,

Magna resurgentem conspexit turba, Deumque

Laudavit, dantem miracula tanta patrare.

Nil in eo omnino simile est (velut ipsa fatetur)

Quod pro magno Roma velit miraculo haberi;

Sed falsum omnimodis rationibus esse probatur.

Panis habet panis, vinum vinique colorem,

Et, quæ habuere, priùs quam sint sacrata, saporem;

Denique quicquid eis Elementis accidat, omne

Id retinent, etiam postquam pro more sacrentur.

Infelix soboles infani dogmatis hujus

(Impia quod Babylon ferro flammisque tuetur)

Illa est, quod panis vinique Elementa sacrata

Heu misero populo jam facta idola colantur,

Et Deus almus sub panis latitare figura

Credatur, sed quem malus omnis devoret, & per

Viscera

Viscera transmittat; quod sacro denique Christi
 (O dictu horrendum!) vescantur corpore mures.
 Scilicet absurdum (fieri quod sæpe videmus,)
 Unum si ponas, ex illo mille sequuntur.

Præterea si nulla datur mutatio talis
 Panis vel vini, qualem sibi Roma figurat;
 Si natura sacris manet incorrupta elementis;
 Est idolorum cultrix se iudice Roma.

M. An vetus est error, sic credere sacra Elementa
 Mutari in Cœna, ut nunc credit turbida Roma?
 (Si credit sanè; nam plurima Roma tuetur
 Dogmata, quæ minimè jam credere visa sit ipsa;
 Multa docet lucri causa, multa ambitionis,
 Imperium mundi meditans.) D. Damnabilis error
 Quo panis colitur, panis Deus esse supremus
 Creditur, (ipse Deus, qui cœlum numine complet,)
 Non adeo vetus est, INDOCTO SECCULO, ut omnes
 Nōrunt, excusus: sed demus id, inveterasse (OMNI:
 Errorem hunc, FALSO VERUM EST ANTIQUIUS
Quod primum, id verum, Patris est sententia prisca.
 Quamvis canitiem jactet malè sæpius error,
 Non tamen est ideo, ætatem quod jactet habendus
 Pro vero, cui nulla quidem Præscriptio, nulla
 Vis unquam noceat, cum stet fundamine firmo,
 Nempe Dei verbo, quod in omnia secula durat.
 Ex Augustino juvat hic adjungere pauca,
 Quæ Patrem hunc cum Roma non sensisse docebunt.
Scripturæ sensus duplex agnoscitur, inquit,
Scilicet est alter quem nobis litera, & alter
Quem det Spiritus: ergo si quid litera nuda
Immanis sceleris videatur fortè jubere,
Quale est id, Carnem JESU discerpere dente,
Literulam fugito, sensum cape spirituale:

*Sin jubeat quod sit justum, tu quærere sensum
Noli spiritualem; est litera sola sequenda.*

*M. Aurea dicta refers. Nec tu, puer optime, credis,
Quam Deus * assumpsit nascendo ex virgine carnem,
In qua passus erat, cœlúmque ascendit IESUS,
In cœna cum pane fore, aut sub pane latere.*

*D. Non credo; quoniam Christi caro sancta habet illa
Finibus includi certis, nec ubique locorum est;
Sed sedet in cœlo ad dextram Patris omnipotentis,
Atque ibi dum veniet lux illa suprema, sedebit.*

*Credo cum priscis distinctas proprietates
In Christo JESU naturæ utriusque manere:
Qua sit homo in cœlis, qua sit Deus almus, ubique est.
Non tribuo humanæ naturæ, quæ tribuenda
Divinæ soli: qui tempore credit eodem
Esse in mille locis ter sanctum corpus I E S U,
Nonne ille humanam naturam destruit ejus
Qui tam verus homo est, quam verus sit Deus idem?
Non nōrunt quantum signum re distet ab ipsa
Cujus sit signum, quibus (hei mihi! cætera doctis,)
Hæc naturalis placuit præsentia carnis,
Cui ratio, & sensus, vóxque ipsa repugnat I E S U.*

M. A calice an populum fas est arcere fidelem?

*D. † Sacrilegum omnino est, quia jam moriturus IESUS
Ex calice hoc, inquit, Bibite omnes, est meus ille
Sanguis, O Socii, vestri fundendus amore.*

M. Sub || specie panis num Christi sanguis habetur?

*D. Commentum planè est, ridendæque fabula; namque
Ni panis signum carnis, vinúmque cruoris
Effet, cur Dominus recipi mandaret utrumque?*

P

Per-

* De Consubstantiatione. † De Communionem sub utraque specie. || De doctrina Concomitantie.

Perque annos multos Ecclesia utrumque recepit.

M. In Sacramento Christum ipsum offertne Sacerdos?

D. In Cruce se Christus semel obtulit ipse Parenti
Pro nobis miseris, qui cum foret hostia sancta,
Et perfecta simul, non certè habet ille necesse
Amplius offerri, quod sanctus Doctor Hebræis
Scribens eloquio mirando flumine monstrat.

M. Dicitur at Patribus sacra * Cœna hæc victima priscis.

D. Non dubito omnino, quin Cœna hæc victima priscis
Dicatur Patribus, quia & ejus victimæ in orbe
Qua puri efficimur, sit commemoratio justa,
(Vera illius imago, quam Pastor bonus ille
Ut teneras servaret oves Patri obtulit olim;)
Et laudum in Cœna hac, quia victima grata Tonanti
Apponatur ubique : En sunt altaria nobis
Quorum Participes non sunt legalibus umbris
Judæi affixi, sed nec simulachra colentes.

M. Quis venit ex cœna fructus, † quæ gratia sanctis?

D. Æternus fructusque animis, & Gratia summa :

Ut pane & vino recreantur corpora nostra,
Corpore sic alitur mens nostra, & sanguine Christi.
Namque caro cibus est, & potus sanguis IESU,
Ast animæ cibus & potus, non corporis hujus :
Nil carnem prodesse puto, sed Spiritus almus
Nos jungit Christo, cumque illo nos facit unum.
JESUS ille quidem est panis qui venit ab alto
Cœlo hominum pascens animas, virtutis amore
Replens, expurgans vitia, & dans vivere in ævum.
Denique, quod pactum fuit in Baptismate sacro
Fœdus, in hac Cœna renovatur sanguine Christi.

M. An sæpe est populo Cœna hæc celebranda, Philippe?

D. Sæpe

* S Cœna qua ratione dicatur Sacrificium. † Quis fructus
sacra Cœnæ.

D. Sæpe sacra hæc Cœna est populo celebranda fideli;
 Ut sic se præstent memores illius amoris,
 Qui dignatus erat pro nobis ponere vitam.

Dum viguere fides, pietas, concordia fratrum,
 Qualibet Hebdomada celebrari hæc Cœna solebat:

At quis fat nostri deploret crimina sæcli!

(Ultima sunt, adeoque nequissima tempora mundi,)

Hic fugit ingratus; Mensam sacram ille profanat,

Aut vino, (ut mos est) aut deditus aleæ, adulter,

Aut qui sepositos nummos veneratur, avarus,

Impius, aut iram condens sub pectore sævam.

M. An corpus comedat Christi, capiatve cruorem

* Impius in sacra hac, admirandæque Synaxi?

D. Non; quoniam unius est hominis cibus ille renati.

M. At quid in hac Cœna sacra capit impius? D. Ille

Judicium capit, utpote qui violare tremendam

Non metuit mensam, & mortis reus extat I E S U.

M. Fæne † Sacerdoti est Cœnam celebrare tremendam

Ipse est dum solus, longèque à plebe remotus?

D. Nec legi id Christi, nec Cœnæ convenit almæ

Naturæ, ut solus celebret, sumatve Sacerdos.

Vænales animæ morem invexere, repugnet

Qui scriptis, rationi, & prisca moribus ævi;

Quem morem introduxit amor sceleratus habendi,

Suasit avarities, atque auri cœca cupido

Sacrificis populo privatas vendere Missas.

M. Si non || intendat panem vinumque Sacerdos

Consecrare, (licet videas ipsum illa sacrare

Pro more expressis verbis;) Christine fidelis

P 2

Cor-

* Impios nec corpus Christi manducare, nec sanguinem ejus
 bibere in S. Cœna. † De Missis privatis. || De intentione Sa-
 cerdotis.

Corpore eo pacto fraudabitur, atque cruore ?

D. Nequaquam; siquidem si non Elementa Sacerdos
Intendat sacrare, (licet facret,) illius id sit

Unius culpa; officium tibi néve nocebit

Dum facis ipse tuum, proprium quod negligat alter.

Quod si vera forent, quod turbida Roma tuetur,

Vim Sacramenti pendere ex mente Ministri,

Haud certò sciret quisquam, (nam quis nisi Numen
Corda hominum inspectat?) sacro tinctúsne Lavaero,

Corpore & an Domini passus sit; sed neque certò

Papa quidem sciret factúsne sit ipse Sacerdos?

Hæc sunt monstrosa, hæc enormia dogmata Romæ,

Illa quibus semet, velut ebria, confodit ipsam.

M. Anne Sacramenti vis * improbitate Ministri

Tollitur ? D. Haud credo tolli improbitate Ministri.

Quid vetat æternæ præconium hunc esse salutis,

Ipse sua qui sit culpa periturus; & esse

Illum qui virtutem aliis persuadeat, ipse

Dum sit mancipium vitiorum, & pessimus idem ?

Sic aliis vidi qui panderet ostia, quando

Ipse domo exclusus merito foret, atque rejectus.

Si dignus fuero sacra huic accedere Mensæ,

Accipiam Christi corpus, Christi que cruorem,

Sit licet ipse malus qui sacra Elementa ministrat.

Veridicus Deus est, homo mendax sit licet omnis;

Quodque ex ore Dei semel exit, stabit in ævum.

M. Divinum non liceat † cultum tribuisse Elementis

In sacra Cœna ? D. Semper scelus esse putavi

Divinum cultum rebus tribuisse creatis.

M. Anne tibi || Cœnam Domini celebrare videntur

Hæ-

* Malitia Ministri non tolli efficaciam Sacramenti. † Elementa sacra non adoranda. || Hæreticos Cœnam Domini non celebrare.

Hæretici? *D.* Minimè; nam nève Altaria sancta,
 Nève Sacerdotes sunt illis ritè vocati:
 Ergo nec Cœnam celebrant, quam jam moriturus
 Instituit JESUS, quæ totum jure per orbem
 Esca animæ, vitæ æternæque fidelibus audit
 Antidotus. Nobis est Una Ecclesia sancta,
 Unum altare sacrum, quod qui fugit, ille profectò
 Pane Dei privetur oportet, martyre teste.
 Hic panis sic est unus, velut unus IESUS;
 Et datur his solis, qui corporis illius extant
 Vivida membra, Deum ceu pignora chara secuti:
 Illen' edet Christi carnem, Christinè cruorem
 Ille bibet, qui sacram illam violare sit ausus
 Pacem, qua sola (si Christo credimus ipsi,)
 Veri discipuli cognoscimur illius esse.

M. Quid faciendum illi est, qui sacræ accèdere Mensæ
 Optet? *D.* Non leviter* talis se examinet ipsum,
 An se pœniteat scelerum quæ admiserit unquam?
 Oderit an vitium? an flagret virtutis amore
 Cor illi? renovari animo studeátne? fidémne
 Promissis habeat? spes illi sitne videndi
 Ora Dei in cœlo? memori sub pectore condat
 An mortem Christi pretiosam? an fratribus idem
 Det veniam cunctis? an & hostes diligat ipsos
 Ejus amore, suam placuit cui ponere vitam
 Pro nobis miseris? Hæc si quis fecerit, Almæ
 Accedat Mensæ, superùm conviva futurus,
 Cum suprema dies veniet conviva Tonantis.

P 3

M. S.

* De officio illius qui ad sanctam Cœnam venturus sit.

M. Si quid post Baptisma sacrum * peccatur an illud
 Posse remitti credis? **D.** Credo id posse remitti;
 Dat resipiscenti veniæ spem semper IESUS:
 Est Servatoris tanta indulgentia nostri.

M. Num scelus excusat quævis inscitia juris?

D. Nunquam visa mihi fuit ulla inscitia juris

Excusare scelus, nisi quæ insuperabilis esset:

Affectata quidem est inscitia crimen & ipsa.

M. An venialia sunt quædam † peccata, vel an sunt

Cuncta ea quæ mortem mereantur? **D.** Cuncta mereri

Mortem per se æternam credo; tolle Tonanti

Viscera, peccantem æternumque perire necesse est:

Nec peccata proinparia omnia quis putet esse.

M. Quandoquidem in Christo credas peccata remitti,

Cur || peccanti Spiritum in Alium nulla supersit (quam

Spes veniæ? **D.** Offensus quoniam huic præcordia nun-

Spiritus inspiret, quo, ut par est, criminis unquam

Pœniteat talem, pereat sed durus oportet.

Sunt scelera omnino, quibus obduratio cordis

Pœna sit; auxiliique Dei subtractio, iusta.

M. Quale fuit scelus id, quod nunquam posse remitti

Ait IESUS, & cui claudentur viscera sacra?

D. Summa erat impietas, horrenda calumnia, secta

Qua Pharisea olim famam lacerabat IESU.

Quidam ejus sectæ cum dæmonas ejicientem

Vidissent IESUM verbo, clamasse feruntur,

(Horresco referens,) En dæmonas ejicit ille

Dæmonis auxilio; cum scirent talia posse,

Non nisi divinâ prorsus virtute patrari.

Hunc

* De Remissione peccatorum post Baptismum. † Peccata
 omnia per se mortalia esse. || De peccato in Spiritum S.

Hunc socium inferni sunt, ausi dicere, factis
Quem videre bonis inferni perdere regnum.
Imo licet Natum bene nōrunt esse Tonantis,
Invidia pleni Christum tamen esse negabant.
Tale fuit crimen blasphemia Spiritum in Alnum,
Quale quidem nemo facillē committere possit,
Is nisi nequitia Phariseos vicerit ipsos.

M. Unde sciat quis * peccatūmne admiserit illud,
Necne; quia illius video formidine multos
Jam torqueri animo, jam desperare salutem?

D. Hoc grave peccatum haud admisit, quem Deus unum
Peccati ex animo se pœnituisse videbit: (quam
Spiritus in hunc peccans Christum neget usque necesse
Oderit atque Deum, qui mundum condidit, imo (est,
Invidia impuros ipsos vel dæmonas æquet.

Nam fieri haud possit planē, ut qui credit in illum
Qui mortem vicit, pereat damnatus in ævum,
Ipse licet peccatorum vel maximus extet.

M. Nonne affine fuit seleri huic scelus Iscariotæ,
Innocuum morti Dominum tradentis acerbæ?

D. Huic affine fuit sceleri, si non scelus ipsum.
Agnita cui lux est odio, hic aut criminis ejus
Est reus, aut certē non longē est crimine ab illo.

M. † Jamque Sacerdotum dic quæ sint munia sacra?

D. Pascere oves Christi verbo exemplōque, precēsque
Fundere pro populo, grates persolvere dignas
Cœlesti Patri (qui dat bonus omnia gratis,
Ingratīsque simul,) peccatāque nomine Christi
Condonare afflictis, Sacramenta tremenda
Rite ministrare, & diras infligere pœnas
Illis, qui cum peccārint, resipiscere nolunt:

Nempe

* Impœnitentiam finalem semper comitari peccatum in
Spiritus S. † De officio Sacerdotum.

Nempe Sacerdotum est illos à corpore sacro
 Putrida membra velut penitus rescindere Christi.
 En est illa viris concredita sacra potestas,
 Ut quos ritè ligent, quos absolvantque per orbem,
 Hos Deus in cœlo ligat, absolvitque supremo.

M. Ergo malos homines Ecclesia * segreget à se?

D. Maximè; & hoc ipso nihil æquius est, quia multis
 Sæpe bonis nocuit socios habuisse profanos.

M. An cogi debet mens verum amplectier unquam
 Illis, quas subeunt mortalia corpora pœnis,
 Carceribus, vinclis, flagris, simul exiliisque?

D. Haud credo; quia nemo potest sentire, nisi illud
 Quod ratio suadet, quod mens quoque libera prendit.
 Imperet haud sibi quisquam, ut credat quod volet ipse:
 Si suadere velis, absit vis omnis oportet.

Est Ecclesiæ Apostaticæ illis artibus uti,
 Vi flammisque suas in partes cogere mundum.

M. Num sunt † Hæretici multandi morte superbi?

D. Non sunt; sed potius tractandi leniter omnes,
 Et convincendi rationibus alma ministrat
 Quas Scriptura Dei, cujus verbo hæresis atra est
 Profligenda omnis; non ferro aut ignibus unquam.

M. Dic tandem, hæretico fieri quid debeat illi,
 Qui monitus nolit resipiscere, sed malesanus
 Spargere per populum pergat sua dira venena?

D. Absque mora cœtu Sanctorum excluditor ille.

M. Quid si prætextu (sæpe ut fit,) Relligionis
 Cuncta licere sibi credat quis? *D.* Plectitor idem;
 Relligio non est, vitiis quæ laxet habenas,
 Sed summa impietas, planè reprimenda severis
 Legibus, ut discant homines non temnere Numen.

* *M. Blas-*

M.* Blasphemum in Dominum multari morte quid obstat?
 D. Nil; nam blasphemi (ut divina oracula tradunt,) Supplicio extremo plekti sub lege solebant:

Jam quoque blasphemus plekti debere videtur
 Morte, ut qui visus sit cœlo indicere bellum,
 Et meruisse mori plus quam fur aut homicida. (nus?

M. Qui neget esse Deum, an morte est hic quoque dignus?
 D. Dignum morte puto, ut qui hominúmque Deique sit Vinculáque exoptet communis solvere vitæ: (hostis,

Tolle ex orbe Dei reverentiam, & ipsa filebunt
 Jura sacra, & vivent mortales more ferarum.

M. Sanctorum cœtu † exclusus sociúsne adhibendus
 Est illis Christi famulis quibus integra vita est?

D. Vitandus talis, pudefactus crimine donec,
 Emendans sese, & resipiscens restituatur.

Sic dum tempus erit, prudens vitare tremendum
 Judicium Domini poterit, flammásque gehennæ.

M. An || moriendum est omnibus? D. En semel est moriendum
 (riendum

Omnibus, hanc omnes metam properamus ad unam;
 Extracta ex terra debentur corpora terræ:

A lege hac nemo immunis, juvenésque senésque
 Mors rapit in tenebras, & sceptrá ligonibus æquat.

M. Qui sibi ¶ consciscit mortem peccátne? D. Homicida
 Nec fortis, verum timidus me iudice habendus. (est;

Nemo Dei injussu ex vita hac excedere debet:

Nempe Deo in vita hac mortali militat omnis;

Cujus signa miser qui deseret, impius idem est,

Judiciúmque Deo dignum experietur in illa

Luce, in qua veniet JESUS ut judicet orbem.

M. Anne

* De blasphemis & Atheis morte multandis. † De Excommunicatis vitandis. || De morte. ¶ Αυτοχειρία damnatur.

M. Anne omnes in * judicium ducet Deus? D. Omnes
 Vivos & vita functos simul ante tribunal
 Dilecti Nati Deus apparere jubebit;
 Ut promissa bonis justus det præmia iudex,
 Supplicisque malos damnet, mortique perenni.
 Judicium extremum cœli terræque ruina
 Excipiet, flammis ardebit machina mundi,
 Et penitus (sic scripta docent) renovabitur orbis.
 M. Ede † propinquantis quæ illius signa diei?
 D. En prius illa dies quam venerit omnia mundi
 Regna movebuntur, fervebunt bella per orbem,
 Pestes, atra fames, & plurima mortis imago.
 Multorum frigebit amor, regnabit ubique
 Impietas; nec erit fidei locus amplius ullus.
 Qui gentes orbis seducunt exoritur
 Sunt multi falsi Christi, falsique Prophetæ:
 Prodigia in variis se ostendent partibus orbis,
 Sol lucem amittet, similis quoque luna cruori
 Eiet, clara cadent de summo sidera cœlo;
 In se elementa ruent, horrenda tonitrua mentes
 Terre bunt hominum, tempestatésque tremendæ
 Robora prosterment, frangéntque per æquora classes:
 Ipsa tremet tellus, absorbebitque superbas
 Urbes atque domus, fremet oceanúsque profundus,
 Obruet & campos, rapiens hominésque ferásque;
 Totaque natura exitium minitabitur orbis.
 Territus ostentis omnis terræ incola planget,
 Et subeunda Dei servis mala plurima restant.
 At postquam sese sanctorum sanguine multo
 Mystica proluerit Babylon, (caput impietatis

Et

* De Resurrectione mortuorum, & judicio extremo. † De
 signis ejus diei appropinquantis.

Et scelerum,) horrendam patietur Roma ruinam.
Insuper ante Dies quam venerit illa tremenda
Lex sacra Christi in toto promulgabitur orbe
Ad Christi fidem (sic diæ volumina narrant)
Judaicæ totius erit conversio gentis.

Ex his jamdudum multa evenêre, docentque
Non procul esse diem quæ finem huic afferat orbi.

M. Anne suprema dies nota est mortalibus ullis?

D. Soli nota * Deo lux illa est; nos decet ergo
Invigilare, Deum precibusque laceßere nostris.

M. Dic, quæ judicii sit forma futura supremi?

D. Plena horrore malis, sed sanctis læta futura est.

Nam Christus veniet vectus super ardua cœli

Nubila, cœlicolûm magna comitante caterva,

Ejus erunt qui cuncta capeßere jussa parati.

Tunc tuba cœlestis sonitum dabit, atque repente

Corpora defunctis rupta tellure resurgent;

Oceanus commissa sibi quoque corpora reddet;

Pandentur libri, in quibus extant cuncta notata

Dicta & facta hominum; tunc quas res quisque patravit

In vita, has juxta accipiet sibi præmia quisque.

Quamvis sæpe bonis res accidat una malisque

Præsenti in mundo, tamen illa in luce suprema

Æternum inter oves fiet discrimen, & hœdos;

Cum ad dextram positus ovibus dicetur ab ipso

Judice in excelsa splendentéque nube sedente:

In regnum mecum super astra VENITE beati,

Quod Pater ipse meus vobis (quos semper amavit)

Cum nondum mundus factus foret iste, paravit;

Nam vos divitias veras cumulare studentes

Sæpe mea in miseris recreastis viscera membris.

Ad

* Diem ipsam soli Deo cognitam esse.

Ad lævam positis hœdis dicetur, *ABITE*

Hinc præcul in flammâs maledicti quas meruistis :

Nam dum vixistis sub pectore dura gerentes

Corda, meis membris solamina cuncta negastis.

His dictis, resonante tuba, atque ingentia blandè

Gaudia cœlicolûm sua contestante corona,

In Cœlum iusti, scelerati in tartara abibunt.

M. Corpora num surgent certè quæ putrida vel sunt,

Vel dudum consumpta feris, vel fortè redacta

In cineres, ponto vel denique mersa profundo?

D. Illa procul dubio surgent, quia sacra disertè

Id scriptura docet, ratióque id postulat ipsa,

Corpora ut ad Christi vocem renovata resurgant :

Omnipotens Deus est, & quod vult, id facit idem.

Quis nisi mentis inops renovare hunc posse negabit

Corpora defunctis, qui verbo cuncta creavit ;

Cum minus extet opus, minor & labor hæc renovare,

Quam verbo ex nihilo cœlum terrámque vocare?

Corpora mutantur quamvis, tamen haud rediguntur

In nihilum, fugiunt neque lumina cuncta videntis.

Ecce Deus servat cunctarum semina rerum,

Utcunque obscura, & totum dispersa per orbem.

Aspice, ut agricolis confurgat messis in agris,

Nil nisi quod moritur semen producit aristas.

Corpora non pereunt iustis, sed reddita terræ

Dum iudex, veniet, qui suscitet illa, dabitque

Vivere, iucundos captant in pulvere somnos.

Horum primitiæ qui nunc in pace quiescunt

Est *JESUS* ; quia nempe velut post funera Sponsor

Ille resurrexit noster non hinc moriturus :

Sic dabit ille suis in luce resurgere læta,

Non hinc visuris mortem, neque claustra sepulchri.

Hinc de corporibus meliùs sperare sepultis

Disco Sanctorum, qui dum vixere, fuerunt
Christi membra sacra, & spirantia templa Tonantis.

M. Ergo mors sanctis non est metuenda. *D.* Profectò
Est optanda magis: mors his est janua vitæ.

Hanc soli metuent qui propter crimina justum
Judicium Domini expectant, iramque futuram.

M. Anne * malis olim surgent quoque corpora? *D.* Sur-
Atque animis juncta æternos mittentur in ignes, (gent,

In quibus horrendas reddent per secula pœnas.

Sontibus hic vermis semper præcordia rodet,
Hic ploratus erit multus, stridorque tremendus

Dentium erit miseris, qui præ feritate doloris
Sæpe vocabunt mortem, mors fugietque vocantes.

M. Dic mihi, quid demum fiet mortalibus illis
Qui vivent, tunc cum veniet lux ultima mundi?

D. Justi quotquot erunt in vivis orbe ruente

Mutati subito (virtus hos inclyta Patris

Mutet,) in occursum Domini rapiuntur, & una

Cum Domino in cœlis vivent in luce perenni:

Mutati & reliqui in tenebras cogentur abire,

Exclusi à Domini conspectu in secula. *M.* Nec te

Jam pigeat, (cum sint scitu hæc † jucunda) referre,

Corpora quæ fuerint sanctis super astra futura?

D. Vivida, formosa, & supra fulgentia solem;

Nullis hinc morbis, nulli hinc obnoxia labi,

Immortalia, & incorrupta per omnia secla.

M. Anne beati in cœlo agnoscent quos habuerunt

Hic in deliciis, & an agnoscentur ab illis?

D. Sanctos destituet nunquam tam pura voluptas,

Atque est illa bonis; nimirum scire beatos

Q

Esse

* Status miserabilis impiorum post mortem. † Pierum verò
latissimus.

Esse suos, & quos causa virtutis amarunt,
 Hos demum socios regni cœlestis habere.
 Cognitio sanctis non utilis ulla peribit;
 Imo facultatum perfectio summa futura est,
 Summa adeoque animorum illis conjunctio: *Adesse*
 Ipsis non possunt non optima quæque, perennem
 Queis dabitur fontem pulchræque bonique videre.
M. In cœlis ergo cognoscet amicus amicum,
 Natus in amplexus Patris ruet, oscula figet,
 Excipiet patulis ulnis quoque martyra martyr,
 Omnes dicturi Domini per sæcula laudes.
D. Illa animum spes læta meum non deferet unquam.
M. Atque erit illa dies cum te quoque, blande Philippe,
 In cœlis videam, complecter, & osculer unà?
D. Id sperare mihi dedit is, cui servio, Christus.
M. Quæ maneant Sanctos in cœlis gaudia narra,
D. Ille beatificans JESU sine fine Deique
 Conspectus, regnum quod nullum terminet ævum,
 Vita æterna expersque doloris; gaudia quæ nec
 Prendere mens hominum possit, neque lingua profari.

P E R O R A T I O.

Jàmque viam monstrasse juvat quæ ducit ad astra
 Aspirante Deo, cui detur gloria facti;
 Nam mihi qui vitæ est, fuit idem carminis auctor.
 Nemo hic ambages, nemo hic deducta lacunis
 Traditionum humanarum portenta videbit;
 Sed de Scripturæ sumpta omnia fonte perenni.
 Det Pater omnipotens opus hoc prodesse juventæ,
 Cujus ego utilitati inservio, & opto salutem.

1 Tim. I. 15.

Vox vera est, & grata simul mortalibus ægris,
Venisse in mundum, qui mundum fecit IESUM,
Ut peccatores servaret sanguine fuso;
Quorum ego sum primus; sed pro quo mortuus Ille est,
Ille Dei Natus, cujus sunt viscera multa.

DEO OPTIMO MAXIMO.

*Quæ bona in his libris extant, tua sunt, Deus alme,
Omnia; quæ mala sunt, hæc tribuenda mihi:
Quæ tua sunt Sancti agnoscent; quæ sunt mea, & illis
Des, oro, veniam, dent veniámque tui.*



A D D E N D A.

Pag. 5. post lineam 21.

M. **N**onne est pro nobis *Maledictio* factus IESUS?D. Certè; nam scriptum est, *Maledictus ab ar-*
(*bore pendens* :JESUS deposita ad tempus, quam nactus ab ævo est,
Gloria apud Patrem, servi assumptaque figura,
De ligno tanquam fur aut homicida pependit,
Crimina nostra suo portans in corpore sancto:M. Quî bonus, atque Dei dilectus Filius unus
Esse Patri potuit *Maledictus*? D. Nempe quod illas
Pro nobis pœnas horrendas sponte subire
Vellet, quæ infligi solitæ sunt furibus olim.M. O mors indigna atque ingens dedecus! D. Atqui
Dedecus hoc JESUS nostri contempsit amore.M Dicitur & factus peccatum, at quomodo? D. Certè
Non quod peccato se contaminaverit unquam;
Qui fuit absque dolo, nec in Illo culpa reperta est;
Sed quod pro mundi peccatis mortuus esset;
Illa quidem passus, quæ fures atque homicidæ,
Et malefactores tales patiuntur ubique.Si crucibus fixi (postquam lacerata flagellis
Tergora sint) fures Romano more fuerunt,
Nonne hæc pro nobis passus fuit omnia JESUS?
Et longe plura, ut nos certè credere fas est,
Rifus, & circumfusi ludibria vulgi,Dicentis: *Servasti alios, jam te quoque serva;*
De cruce descende, atque omnes credemus ad unum.
Sic Regi cœli terræque illudere visum est:
Sed veteres illa omnia prædixere prophetæ.

Sæpe

Sæpe quidem dixit gens illa nequissima: *Si nos
Temporibus Patrum Numen vixisse dedisset,
Non maculassemus nos sacro sanguine vatum.*

Quam falsum hoc, factis docuere deinde nefandis,
Quando prophetarum Dominumque, Deumque necarent,
Ausu post servos dilectum occidere Natum.

M. Verum quos patres interfecere prophetas,
Justosque innumeros, nati coluere sepultos.

D. Sic est; quo sese satis omnibus esse probarunt
Progeniem illorum qui interfecere prophetas.

En dum Judæi legerent oracula sacra,

Cæci impleverunt quæ sunt prædicta prophetis:

Pag. 10. post lin. 25.

De JESU in primis testatur Spiritus almus,
Quo pleni prædixerunt permulta prophetæ,
Ortus, divinam vitam, miracula, mortem,
Atque resurgendo partum de morte triumphum.
Spiritus ille Dei est qui nobis lumine blando
Corda movens facit ut credamus: quo sine verbum
Nil prodest, multoque minus miracula profunt,
Cum pauci nōrint falsis dignoscere vera.

Pag. 15. post lin. 1.

Nec puto quas olim gentes dixere Sibyllas
Dæmone sæpe malo obsessas per se potuisse
Pandere quæ seclis essent ventura supremis;
Quæ in primis regnum cœli adventare docerent.
Namque Dei veri laus est, & gloria magna
Ejus solius prædicere posse futura.

M. Dic, nunquāne Deus dedit id, prædicere quædam
Spiritu impuro? D. Nunquam dedit id nisi quando
Judicio factum est, ut qui infelicitè illum

Sæpe reliquerunt, Deus ipse relinqueret illos ;
 Et dum consiliis propriis permetteret uti,
 Hósce sua fineret miserè impietate perire.

Pag. 86. post lin. penult.

Peccantes fugiunt ; sed si fortâsse vel unus
 Ex multis convertatur, sua gaudia blandè
 Testantur, factique Deo dant dulcibus hymnis
 Laudem uni: tanto nostri capiuntur amore.

Pag. 110. post lin. 7.

M. Cum videat scripta esse sibi contraria sacra,
 Ut stet contra hostes, edit miracula Roma :
 Dic mihi, blande puer, ne me Roma impia fallat,
 Quomodo dignoscam falsis miracula vera ?
 D. Doctrina ; cui confirmandæ hæc omnia fiunt.
 Sæpe stupenda facit dæmon, miracula nunquam.
 Naturæ superant vires miracula vera,
 Atque Dei digito fiunt, adeoque sigilla
 Sunt cœli, doctrinæque attestantia veræ.
 Falsa stupenda licet videantur, non tamen illa
 Sunt, néve esse quidem possunt, miracula vera,
 Quæ abducunt homines à cultu Numinis, atque
 Doctrinam evertunt, quæ sanctis tradita ; sed sunt
 Præstigiæ Satanæ, fiunt odióque Tonantis,
 Cujus cultum toto extinctum vellet in orbe
 Spiritus ille malus, mendax & Numinis hostis.
 Nos cautos dedit esse Deus, ne mira videntes
 Nos doctrina seduci patiamur ab illa,
 Miraculis veris quæ confirmata sit olim.
 Patraturum Antichristum miracula falsa
 Ut post se mundum Impostor trahat impius ille
 Sæpe fidem nobis, faciunt oracula sacra.

F I N I S.

LITURGICA.

A U C T O R E

GULIELMO NICOLS, A.M.


Ecclesiæ Stockportensis Rectore.



PROTEGE



PASCE



*Pasce, O Præsul, oves Christi, dum protegat armis
Princeps, et jubeat tuto habitare gregem. s.c.*

L O N D I N I,

Typis & Impensis J. DOWNING, vico
vulgò dicto Bartholomew-Close, prope
West-Smithfield, 1717.

ADVERTISING

THE NEW YORK PUBLIC LIBRARY
ASTOR LENOX TILDEN FOUNDATION
455 FIFTH AVENUE, NEW YORK, N. Y.

For a full and complete list of the books
and pamphlets in the collection, see the
Catalogue of the Library.

The Library is open to the public
from 10 A. M. to 5 P. M.
on all days except Sundays and
holidays.

For a full and complete list of the books
and pamphlets in the collection, see the
Catalogue of the Library.

The Library is open to the public
from 10 A. M. to 5 P. M.
on all days except Sundays and
holidays.

For a full and complete list of the books
and pamphlets in the collection, see the
Catalogue of the Library.

Reverendissimo in Christo Patri ac Domino,

D. GULIELMO,

Providentia divina ARCHIEPISCOPO
EBORACENSI, Angliæ Primati &
Metropolitano, Regiæ Majestati à san-
ctioribus Consiliis, *Gulielmus Nicols* Ec-
clesiæ Anglicanæ Presbyter Salutem in
CHRISTO JESU.

QUI tibi perlectus placuit, *Vir sancte, libellus,*
(*Nec minima est certè laus placuisse tibi*)
Ad Te jam properat, tuus est, Te namque jubente
Præscriptum gaudet nomen habere tuum.
Tu qua fronte soles sacras refovere Camenas,
Si vacat, hæc relegas carmina nostra rogo:
Nostra voco, quamvis ex his sint multa Supremi
Verba Dei, numeris currere facta meis;
Multa Dei laudes pandunt, Quas, vate monente
Regio, in ore pios semper habere decet.
Nil magis ora decet Sanctorum quam celebrare
Illum hymnis, qui nos fecit amatque bonus.
Quid faciant animæ cælestes nos latet: unum
Id scimus, Quod amant, perpetuóque canunt.
Qui in terris laudes cecinit Patris omnipotentis,
Angelici in cælis pars erit ille chori.

S. BASILIUS.

ΤΙ ΟΥΝ ΜΑΚΑΡΙΩΤΕΡΟΝ ΤΟΥ
ΤΗΝ ΑΓΓΕΛΩΝ ΧΟΡΕΙΑΝ ΕΝ ΤΗ
ΜΙΜΕΙΣΘΑΙ· ΕΤΘΤ ΜΕΝ ΑΡΧΟΜΕ-
ΝΗΣ ΗΜΕΡΑΣ ΕΙΣ ΕΤΧΑΣ ΟΡΜΩΝ-
ΤΑ, ΚΑΙ ΤΜΝΟΙΣ ΚΑΙ ΩΔΑΙΣ ΓΕ-
ΡΑΙΡΕΙΝ ΤΟΝ ΚΤΙΣΑΝΤΑ· ΕΙΤΑ
ΗΛΙΟΥ ΚΑΘΑΡΩΣ ΔΙΑΛΑΜΨΑΝΤΟΣ
ΕΠ' ΕΡΓΑ ΤΡΑΠΟΜΕΝΟΝ ΠΑΝ-
ΤΑΧΟΥ ΑΤΤΩ ΤΗΣ ΕΤΧΗΣ ΣΥΜ-
ΠΑΡΟΤΣΗΣ, ΚΑΙ ΤΟΙΣ ΤΜΝΟΙΣ
ΩΣΠΕΡ ΑΛΑΤΙ ΠΑΡΑΡΤΤΕΙΝ ΤΑΣ
ΕΡΓΑΣΙΑΣ.

Ὑμνος τε καὶ Ψαλμὸς, καὶ ᾠδαί, καὶ αἶνον ῥετέον.
S. Justin. Mart.

M. T. Cicero Libro de Legibus II.

*Discebamus enim pueri Duodecim, ut carmen ne-
cessarium.* Intellige leges xii. Tabb.

S. Hieronymus libro I. adversus Jovinianum.

*In mari rubro transisse justos, & Phoraonem cum
suo exercitu demersum, etiam in scholis cantant
parvuli.*

Auctor Quæstionum ad Orthodoxos.

Inter opera S. Justinii Mart. quæst. liv. *Cur
Moses quæ prædixit, carmine complexus est?* Resp.
Κατὰ τὰ ἐν ταῖς ᾠδαῖς ἐμφερόμενα διηγήματα,
ἁρμωδίως οἱ ῥυθμοὶ τῶν μελῶν ἐγίνοντο ἄγοντες τὰς
ψυχὰς εἰς τὴν πρέπουσαν τοῖς ἀδομένοις ἄρεσιν.

Quintilian. Inst. Orat. lib. xix. cap. 4.

*Natura ducimur ad modos. Et mox, Quod si numeris &
modis inest quædam tacita vis, in oratione est vehementissima.*



Liturgica.

ORATIO DOMINICA.



ALME parens hominum, qui cœlum nu-
(mine comples,

Sanctificetur in orbe tuum venerabile
(Nomen.

Adveniat, Deus alme, bonis optabile
(regnum;

O sic in terris fiat tua sacra voluntas,
Illa ut sit supra flammantia sidera cœli.
Tu nobis hodie panem da quotidianum;
Debita sic nobis peccatâque nostra remitte,
Fratribus ut nostris veniam concedimus ipsi.
Nec supra vires tentari nos sine nostras.
Sit procul omne malum, peccati sit procul auctor.
Nam sine fine tibi regnum est, immensa potestas,
Gloria in excelsis tibi permanfura per ævum.

PARA-

PARAPHRASIS ORATIONIS DOMINICÆ.

Ἀιτεῖτε, καὶ δοθήσεται ὑμῖν. Matt. vii. 7.

I.

O PATER omnipotens, cœli rectorque supremi
Sit sanctum toto nomen in orbe tuum.

Sit venerandum illud qua sol oriturque caditque,

Nomen ad hoc unum flectitor omne genu.

Est tutela bonis in quo qui fudit amanter,

Ut par est, omni tempore tutus erit.

Hunc nihil omnino lædet, seu transeat ignem,

Innocuus planè protinus ignis erit;

Seu dextra tollat serpentem (illa est fidei vis)

Serpens amittet dira venena sua.

O quoties ducibus priscis victoria læta,

Mirando hoc solo nomine parata fuit!

Sæpe illud solum patribus sanctisque Prophetis

Auxilium blandum in tempore Nomen erat;

Et fortis ræpes, & inexpugnabile castrum.

Omnibus in Te qui spem posuere suam.

Sæpius hoc pueri obturarunt ora leonum,

Et tuti in flammis te celebrare feris;

Sæpius hoc solo munitus vincula, mortem

Imbellis sexus temnere visus erat.

Nemo mortalis sperans in nomine JOVÆ

Unquam confusus vel pudefactus erat.

Sanctificat verè, laudat, benedicit, honorat,

Et monstrat Nomen quantum amet ille tuum,

Qui nihil indignum facit illo nomine sancto,

Sed vita pura glorificare studet.

Qui non magna loqui, sed vivere curat; & inter

Gentes, ceu quoddam nobile lumen agens

In tenebris splendet, purum fontemque videre

Dat vitæ, atque homines ad meliora trahit.

Cum

Cum videant quales homines dilectio sola

Nominis illius sæpius esse facit.

Denique sanctificat, cunctis venerabile reddit,

Qui frustra id nunquam Nomen in ore capit.

II.

ADVENIAT regnum, discat gens omnis amare,

Atque tuo blando subdere colla iugo.

Adveniat regnum, in quo laus tibi detur ubique,

Plenæque sit tellus cognitione tui.

Quæ olim paucorum est, cunctorum gloria fiat,

Scire unum verum Te, Pater, esse Deum,

Dilectumque tuum Natum illum, qui fuit ante

Quam vel formosus conditus orbis erat.

Adveniat regnum in quo cessent bella, ligoque

Fiat, qui quondam vulnifer ensis erat ;

In quo pax vigeat, rerum placidissima, degant

Bos cum tigre simul, cùmque leone bidens.

Juxta aquilam tuta, & simul absque pavore columba,

Accipitrem juxta tutæque passer agat.

Regnum quod patres, reges, sanctique prophetæ

Optarunt oculis sæpe videre suis ;

Quando amplexuræ vitam æternamque salutem

Innumeræ gentes in tua castra fluent ;

Pignora blanda humeris portantes, ut tibi subsint

Læti, *libertas summa subesse tibi est ;*

Regnum in quo ille tuis subiectis spiritus almus

Corde regat, semper detque placere tibi ;

Et si contingat justis peccare, benignè

Hos in peccatis non sinat esse diu :

Denique regnum, in quo cœlo gratissima virtus

Justitia in toto floreat orbe, Deus.

Qui non illud amet, metuat prænobile sceptrum,

Quo tu confringes cuncta inimica Tibi.

At tu qui bonus es, salvari omnesque peroptas,
 Atque velis omnes duci in ovile tuum;
 Ut sit grex unus, fidus Pastorque sit unus,
 Qui servare potest quos sciat esse suos.
 Omnis ad hoc invitatur cum divite pauper:
 Sed rarò hoc intrat quos amor urget opum.
 Illa revelasti pueris mysteria regni,
 Quæ tumidos illos tu latuisse velis;
 Qui cum multa quidem scirent, (*dicti Sapientes*)
 Te nesciverunt, nec coluere, Deus.
 Ecce tuum regnum in terris, (*Ecclesia sancta*)
 Jucundo in primis assimilatur agro,
 In quo juncta bonis mala semina sparsa per illum,
 Qui noster semper, qui tuus hostis erat.
De regno esse tuo quid prodest, id nisi planè
Intra nos regnum sit, Deus alme, tuum:
 Ergo pro bonitate tua dignare timorem
 Visceribus nostris inseruisse Tui.

III.

O SIC in terris fiat tua sacra voluntas,
 Illa velut nitidi sit super astra poli
 A puris his spiritibus tua jussa per ævum,
 Qui peragunt alacres, & tua facta canunt.
 Et quænam illa tua est, sacra & perfecta voluntas
 Quam fieri à nobis pro bonitate jubes?
 Nonne ut salventur cuncti, cœloque fruantur,
 Semper agendo quæ sint placitura tibi?
 O veniat tempus, quo victa morte coronas
 Accipiant, hymnis Te celebrentque pii;
 Ut postquam in terris regnavit *Gratia*, sanctos
 Perfectos reddat *Gloria* sine carens!
 Tu bonus, atque boni fons es; tibi charior uni
 Est homo, sancte Parens, quam sit homo ipse sibi.

Ergo

Ergo sacra omnino tua fiat in orbe voluntas;
Quod tua perpetuò sit bona, nostra mala.
Tu meliùs nôsti, quam nosmet novimus ipsi,
Quæ nobis profint, quæ noceântque, Deus:
Ergo si nos contingat nocitura rogare
Nobis, O blande, tu nocitura nega.

IV.

DA NOBIS hodie panem; nil quærimus ultra:
Quæ sua sint curet crastina quæque dies.
Non sunt præsentem quæ spectent commoda vitam
In multos annos accumulanda tuis:
Qui pascis volucres, agri quoque lilia vestis,
Nunquam permittes hisce carere pios
Paucis contentos, quæ pellat frigora veste,
Et victu possit quæ domuisse famem.

V.

Et cum sit nemo, qui non Te offendat, ad iram
Qui non quotidie provocet, alme Parens,
DEBITA sic nobis, peccatâque nostra remitte,
(Quæ multa atque iram promeruere tuam)
Ut nos ex animo peccata remittimus illis
In nos qui peccant, nos quoque habent odio.
Sic veniam fratri, concedat quisque benigne,
Ut veniam peccans optet habere tuam.
Gratiam is inveniet qui fratri ostendet amanter,
Commendat multùm nos Tibi fratris amor.
Qui fratri veniam peccanti dènegat, ille
Nequaquam veniam speret habere tuam.
Qui fratri iratus miser orat, quid facit? orat
Ut tua in ipsius corruat ira caput;
Orat ut ipse tua excludatur Gratia in ævum,
Lex in se vires obtineâtque suas.

En fructus duri cordis, fratrique negantis
Quod sibi concedi à Te, Deus alme, velit !
O qui nosmet amas, nunquam, Pater optime, nostras
Verti in peccatum tu patiare preces !
Nos hostes potiùs nostros discamus amare,
Ingratis etenim tu bonus esse soles :
His æque ac justis fœcundas imbribus arva,
Aureus his ipsis sol oriturque tuus.

VI.

ET quoniam in vita multis exponimur omnes
Quæ miris tentant sollicitantque modis,
AUT prohibe blandè nos in tentamina duci;
Aut si tentari nos, Deus alme, velis,
Non supra vires tentari nos sine nostras;
En in Te solo est spes sita nostra, Deus.
Tu nullum tentas, nisi ut hinc tua gratia victrix,
Vivida tentati luceat inde fides.
Tu nos tentari permittis, ut ipsi in agone
Lapsi (& quis nullo tempore lapsus erat ?)
Discamus, quam sit nostri fiducia vana,
Et spes, quæ in Te uno non fuerit posita.
Si a Te tentamur, sit ut hinc vincentibus ipsis
Major honor, majus sit super astra decus.
Nos caro sollicitat, nos tentat perdere mundus,
Blanditiis variis, deliciisque suis;
Denique nos tentat serpens ut destruat; at Tu
Vincere da nobis hos, Deus alme, fide.
En veluti rugiens leo terram circuit hostis,
Quærens quos miseros devoret ille latro;
Insidiisque struit varias: Tu detege blandè
Illius insidias, obstrue & ora feræ.
Cum sævo hoste simul gentes armantur in illos
In te qui credunt, Te quoque mente colunt,

Tu reprime hos hostes insanos, pelle furorem,
Nec sine in illorum nos cecidisse manus.
Ad te clamant patres, & protinus illos
Nosceris ex variis eripuisse malis ;
Eripe nos ex his quibus hoc luctamur in orbe,
Ut tibi facti omni tempore detur honor.
In vita hac misera, & simul ipsa mortis in hora
Adsis, & servis auxiliare tuis.
Suscipe, blande parens, animas, O suscipe, ut hymnis
Detur in æternum Te celebrare sacris.
SIT procul omne malum, peccati sit procul auctor ;
Omnipotente tua nōsque tuere manu.

VII.

Hæc à Te petimus Pater optime, nil dubitantes,
Quin dare tu possis omnia quæ petimus,
Si petimus rectè : nam sunt qui fortè precando
Multa inhonesta petunt, ergo nec accipiunt.
Ecce potestas illa tibi est, cui sola voluntas
Imponat fines sancta placensque tua.
Tu facis in cœlo & terris quod sit Tibi visum,
Obstet consilio nil, Deus alme, tuo ;
Sed stabit, quicquid reges sævique tyranni,
Et mundi gentes, ut vacuetur, agunt ;
Occidendo pios, aut subjiendo tremendis
Pœnis : sed lucet robur in hisce tuum.
Cumque ruet cœlum, & tellus simul igne peribit,
Mutari temnens Tu, Deus alme, manes ;
Idem semper eras, semperque futurus es ; ævi
Principium nullum, meta nec ulla tui :
IMPERIUM sine fine tibi est, immensa potestas,
Gloria quæ nullo sit peritura die.

CONFESSIO FIDEI.

Quam quidem ex Symbolo Nicæno, S. Athanasii, & quod vulgò S S. Apostolorum vocatur, adornavimus. Vide inter xxxix Ecclesiæ Anglicanæ Articulos, Art. viii.

ILLA fides nostra est, à qua non igne, nec ullis
 Tormentis, sed nec patiar me morte moveri.
ESSE UNUM, æternúmque Deum, Patrem omnipoten-
 Qui cœlum, & terram, qui condidit omnia solus; (tem,
 Qui mundi istius prudens moderatur habenas;
 Qui bonus est, omnisque boni fons limpidus, unà
 Principium, medium, rerum finémque coercens.
CONFITEOR JESUM æterni Natum esse Parentis.
 Unicum eum, genitúmque ante omnia secula, sanctis
 Promissum Patribus, verum de Numine Numen.
 Qui cum summa foret Patris sapientia, Verbum,
 Lux hominum, spes, vita, salus, rerúmque Creator,
 En virtute Dei, & demissa cœlitus aura,
 Regali *Bethlæ* **MARIA** de virgine natus
 Tandem factus homo est, humanáque membra subivit;
 Verus homo, verúsque Deus, Christus tamen Unus,
 Nobis persimilis, nisi quod sit criminis expers.
 Qui pro peccatis mundi mala plurima passus,
AFFIXUSQUE CRUCI Romano auctore Pilato,
CRUDELI MORTE est, & funere raptus acerbo.
 Concessas animis exutis corpore sedes,
 (Quas *Haden* dixere Patres,) purissimus ejus
SPIRITUS HINC adiit, Patrísque quievit in ulnis:
SED POSTQUAM terris lux tertia fulsit **IESUS**
 (Ut præmonstrarunt vatum pia turba,) revixit,
EXIT EX TRISTI propria virtute sepulchro,
 Morte sua æternum ducens de morte triumphum.
INDE IN conspectu multorum à nube receptus

In-

Intravit victor sublimia mœnia cœli.

AD DEXTRAM divini ubi nunc sedet ille Parentis
Imperium sine fine tenens in cuncta creata.

EX ALTO COELO cum totus corruet orbis

Præfulgente manu stipatus cœlicolarum

Venturus iudex, ut reddat præmia justis,

Injustos idem tenebris damnétque tremendis.

Ex animo credo, QUOD SIT QUOQUE SPIRITUS

Qui simul à Patre & Nato procedit, & Unus (ALMUS,

Cum Patre & Nato Deus est benedictus in ævum.

Hic auctor fidei est, hic puro accendit amore

Corda hominum, sanctis vitæque est Arrha futuræ.

Inspirante illo veteres cecinere Prophetæ ;

Illius ductu sunt scripta volumina sacra,

Quæ data sunt nobis, ut lex sanctissima vitæ,

Et pedibus nostris sint semper amabile lumen.

Credo, quod in terris ECCLESIA SANCTA SIT Una,

Catholica, (ut quæ sit jam totum sparsa per orbem,)

Et quæ structa super petram est mansura per ævum ;

Viventis templumque Dei, fideique columna.

CREDO COMMUNI Sanctos gaudere salute,

Esse omnes unum corpus, sacra membræque Christi,

Afflatûque regi simul omnes illius uno.

CREDO ILLIS bonitate Dei, delicta remitti,

Qui nempe in Christum credunt, ipsûmque sequuntur.

Agnosco, amplectôrque UNUM GENITALE Lava-

Et gratus veneror sacra mysteria Mensæ. (crum,

CREDO revicturam nobis post funera carnem.

IN COELIS SANCTOS vitamque manere perennem.

DECALOGUS.

EN genus Ifacidum, JOVÆ dilecta propago,
Hæc sunt jura tibi digito conscripta Tonantis.

I.

Sum Deus omnipotens, cœli terræque Creator;
Non erit omnino tibi præter me Deus alter.
Nec tu vanæ coles metuunt quæ numina gentes,
Quæ finxere sibi, & sacris coluere nefandis.
Néve creaturis tribues maleficus honorem
Qui mihi debetur, quoniam hæc mea dextera fecit.

II.

Non simulachra coles, nec me sub imagine pinges,
Me quia nemo potest mortalis cernere, cum sim
Spiritus æternus, fingendus imagine nulla;
Nec cæsis vitulis, sed pura mente colendus.
Me quicumque colit vana sub imagine, non me
Ille colit, sed quod fecit colit impius, & me
Dedecorat, noménque meum cultúmque profanans.
Zelotypus Deus ille ego sum, qui sæpe parentum
Queis odio fuerim jubeo ceu percitus ira,
Ut delicta luat generatio quarta malorum:
At mea justorum clementia dia coronat
Seram posteritatem, ad millia multa nepotum:
Tanto justitiam mea commiseratio vincit.

III.

Non frustra sumes Domini tibi nomen in ore;
Non perjurus eris, nec tu jurare profano
Audebis ritu, jurare ubi nílque necesse:
Talia qui faciet, manet illum pœna tremenda;
Utque hominum lateat, non lumina nostra latebit.

IV.

IV.

Sunt tibi dum vivas mea Sabbatha sacra colenda ;
Nam mihi sacra fuit, semper Lux septima postquam
Hac mea ab immenso requievit dextra labore.
Ergo die requiesce sacra, pete templa, & adorans
Terrarum Dominum precibus tibi redde benignum.

V.

Si venerare Deum, fac ut venerere parentes ;
Ut sis longævus, videas ferósque nepotes,
In patria blanda vitam ducásque beatam.
Regibus obsequium præsta, regúmque ministris,
Sunt hi justorum clypei, terrórque malorum.
Pastores magno tibi sint in honore fideles,
Namque tuæ gaudent animæ invigilare saluti.
Quos præceptores, moderatorésque juventæ
Nactus es, observa, reverere locóque parentum.
Surge ante ora senis, canósque libenter honora ;
Est quæ justitiæ juncta est, veneranda senectus.

VI.

Innocuo maculare tuam fuge sanguine dextram ;
Innocui Dominus sum justus sanguinis ultor.
Nec lædas, cuiquam mutiles, neque vulnere corpus ;
Sed quantum possis cunctis prodesse studeto.
Pupillos, viduas, peregrinos, & simul omnes
Immeritò oppressos verbis factisque juvato.
Pauperibus terræ, & miseris tua viscera pande ;
Qui nil largitur durus, cum possit egenis,
Immanis fur est, homicidáque pessimus idem.
Iraisci noli ; quia sæva accenditur ira,
Peccat, & horrenda turbat caligine mentem.
Non te ulciscaris, nec damnis damna rependas ;
Displicet ille Deo, qui sese ulciscitur ipsum.
Nec fratri invidias : quisquis fratri invidet, odit.

VII.

VII.

Sed nec adulter eris, tibi sint connubia sancta ;
 Non regnum cœlorum intrabit turpis adulter.
 Ipsa meretricum fugito consortia fœda ;
 Nève libens dictis præbebis turpibus aures,
 Sis animo, incessu, linguâque, oculisque pudicus.
 Siqua tori consors tibi sit, fac semper amore
 Hanc foveas tenero ; caro namque est una duobus :
 Atque viro tribuat conjux, dum vivat, honorem.
 Si tibi blanda Deus concessit pignora, cura
 Mature ut discant legem servare Tonantis.

VIII.

Non furtum facies, nec consors furibus esto ;
 Qui furto ablatum prudens recipit, reus æque est,
 Ac qui furatur : fratrem fraudare caveto ;
 Sit tibi justa bilanx, tibi sint quoque pondera justa.
 Ex male quæsitis rebus ditescere noli.
 Turpe lucrum fugito damno exitius omni ;
 Et temne usuram simul exercere voracem.
 Depositum sanctè reddes ; sis fidus amicus,
 Integer & blandus tutor, tibi terminus agri
 Vicini facer esto ; nec hostis jus violabis.
 Cuique suum tribues ; si iudex munera spernens
 Judicium facies, odio nil dans nec amor.
 Si dominus, servis da quæ sint justa & honesta ;
 Si Servus fueris, operam navato fidelem ;
 Denique si pauper, vitam tolerare labore
 Sis memor, ut possis miseros quandôque levare.

IX.

Mentiri noli, verum tibi dicere cura
 Maxima sit semper ; non coram Iudice falsus
 Testis eris, falsos testes Deus odit & arcet.

Qui

Qui famam alterius lacerabit, non erit infons,
Nec quicumque libens dat detractoribus aures.

X.

Non te vicini capiet malefuada cupido
Conjugis, illiusve domus, famulive, bovisve,
Nève rei alterius cujusquam, quæ fiet ejus;
Sed propriis rebus contentus vivere disce.

RESPONDET POPULUS.

At tu, magne Deus, nostri miserere, remitte
Debita, & has leges animis simul inferere nostris.

EVANGEL. D. MATT. CAP. V.

Docet JESUS, *Qui sint verè beati.*

MONTE super modico cum fortè federet IESUS,
Et staret circum magna caterva virum,
Discipulis fidis Paradoxa hæc sacra recludens
Ad cælum docuit quæ via recta foret.
O vos felices vestigia nostra prementes,
Quos Evangelii, & Patris amore mei
Pauperiem video mecum nunc sponte subire;
En vos in cœlis præmia magna manent.
Et vos nunc lachrymis quibus ora rigantur amaris,
Qui nunc lugetis noctè dièque pii
Duritiem Solymæ, & mundi delicta ruentis:
Solamen vobis en erit ipse Deus.
Felices miti ingenio placidoque supremus
Victorésque sui quos dedit esse Pater:
Namque idem vobis traducere leniter ævum
Concedet, vester totus & orbis erit.
Vos quoque iustitia quibus ardent corda repleri,
Non secus ac optat cervus anhelus aquas:

Felices

Felices animæ, quia in hoc seclóque futuro

Gestiet ille Pater vos saturare meus ;

Deliciisq̃ replete illis, quas cernere nemo;

Ante obitum nemo prendere mente potest.

Felices miseris qui viscera panditis, & quos

Nunc juvat in miseris membra fovere mea,

Qui faciles fratrum pēccata remittitis ; olim

Pandentur vobis viscera multa Dei.

O vos felices quibus extant pectora pura,

Nam dabitur vobis ora videre Dei.

Mens est pura Deus, quapropter non nisi puri

Mente, Deo similes, numinis ora vident.

Vos quibus est studium pacem instaurare per orbem,

Atque inter sese conciliare bonos ;

Vos ter foelices dico, vos jure vocandi

Estis in æternum pignora chara Dei.

Vósque beati supra omnes, quibus obtigit almæ

Justitiæ causâ nunc mala multa pati ;

Quos variis vexare modis amat orbis, & odit,

Quos vita indignos judicat atque necat ;

Vos quoniam justus cum judex venerit orbis

Mercedem in cœlis accipietis, ait :

Hæc simul adjiciens; Non veni solvere legem,

Sed complere Patris jussa verenda mei.

PARAPHRASIS PSALMI XCV.

Invitatio ad Deum colendum, & fidem in Christum.

EIA agite, Auctori rerum, Dominóque canamus,

Illi lætemur, qui nostræ est causa salutis,

Præsidium, rupes, & inexpugnabile robur.

Illius intremus templum, vigilésque benigno

Tentemus Domino grates persolvere dignas :

Ejus tollamus Psalmis super æthera laudes.

Magnus

Magnus enim noster Deus est, solusque colendus,
Et superans miseræ quæ fingunt numina gentes :
Quæ sibi dant, quorum vanoque timore replentur.
At quem nos colimus verus Deus, ille potente
Dextra orbem fulcit, cujus fundamina jecit ;
Ille videt fines, simul & penetralia terræ,
Luminibus sacris sunt pervia cuncta Tonantis :
Subdita sunt Domino nimbose cacumina montium,
Illius est latus circumdans omnia pontus,
Quem fecit, vetuitque suas transcendere metas.
Ille solum stravit, rebus replevit amœnis,
Imperioque hominum jussit parere benignus.
O ergo pedibus Domini, nostrique Parentis,
Qui nos formavit, vegetat, sustentat, alitque
Advolvamur, eum flexis genubusque colamus.
Ille Deus noster, nos grex sumus illius omnes,
Quem sibi delegit, populus quem semper amavit :
Atque ut pastor oves, sic nos quoque pascit IOVA.
O vos qui Domino juncti estis fœdere sancto,
Ista dies vestra est, qua oblata est gratia vobis,
Qua rogat omnipotens vos oscula figere Nato ;
Vos præbete Dei patulas modo vocibus aures,
Qui me vate sacro his verbis invitat amicis
Ad Christi amplexus & vos vestrosque nepotes.
Ferrea ne gerite immani sub pectore corda,
Neu me tentate, ut tentarunt sæpe parentes,
(O quoties miti cor vexavere prophetae !)
Cum mea vidissent miracula multa in eremo ;
Quadraginta annos me exploravere rebelles :
Et dixi, Hæc errat gens tota à tramite recto ;
Huic populo cor est à nostris legibus horrens.
Juravi tandem perculsa mente dolore
Non requiem nostram gens hæc ingrata videbit.

HYMNUS BB. *AMBROSIO & AUGUSTINO* vulgò
ascriptus, qui sic incipit, *Te Deum laudamus.*

Ἕμμεῖν με δέ τὸν Θεόν, Epict.

TE, Deus omnipotens, canimus, totúmque per orbem;
Te genus humanum Dominumque Patrémque fa-
Angelicæ mentes, quæ sacra luce refulgent, (tetur.
Carmine te celebrant, & tota potentia cœli.
Te Cherubim laudant, cantu Seraphímque perenni
Ter sanctúmque vocant; quia tu Deus unus & idem
Trinus es, & nactus non enarrabile nomen.
Te mare, te tellus, te enarrant sidera cœli,
(Si sol formosus, quanto es formosior ipse,
Magne Deus, cujus formavit dextera solem
Flammigerum, & lucem radiantibus indidit astris!)
Nempe Creatoris bonitas, sapientia, & illa
Infinita potentia (cui vis nulla resistat,)
Elucere solent in re quacunque creata.
En Christi in terris Socii, simul & Paranympsi,
Credientúmque duces, populi fundamina sancti,
Juris Apostolici proceres, lectissima turba,
Quorum mirificæ penetrarunt secula voces,
Te celebrant, veteres celebrant te uno ore prophetæ.
Martyres eximii, palmisque stolisque decori
Laude tua faciunt cœlum resonare supremum.
Te colit, alme Parens, Ecclesia sparsa per orbem,
Lumine amictum, immensa & majestate verendum.
Túque, O Nate Deo, qui summi es Patris imago,
Te tua Sponsa colit, tua Sponsa Ecclesia, JESU,
Et sine fine tui divino flagrat amore.
Te iacris laudátque hymnis, O Spiritus alme,
Qui fidei auctor es, & rebus solamen in arctis.
Tu, Christe, æterno proles æquæva Parenti,
Rex idem magnus superúmque hominúmque refulgens
Ut

Ut morti eriperes homines non spernere visus
Mortalis fieri, casta quoque virgine nasci.
Postquam vicisses cruciatus mortis acerbæ,
Nec te claustra feri possent retinere sepulchri
(Debita mors peccato in te nil juris habebat,
Cum nulla in Te fraus, neque culpa reperta sit ulla,
Victor supremi reserasti limina cœli
His qui in te credunt, & pura mente sequuntur.
Ad dextram hinc, O Christe, sedes regnâsque Parentis,
Expectans donec cunctos substraverit hostes
Ille tibi omnipotens Pater, ut promiserat olim.
Interea tu Patrem, ut sit placabilis oras;
Et monstrans quæ sis pro nobis vulnera passus,
Solut sanguine pacificas hominésque Deûmque:
Cumque dies veniet (quam sæpe optâre fideles)
Qua exitium horrendum patietur machina mundi,
Ante tuum sacrum, positumque in nube Tribunal
Sistentur vivi, sistentur luce carentes:
Maxima tunc referent te iudice præmia iusti,
Oforésque Dei æternos mittentur in ignes.
O fer opem nobis, famulos O respice blandus;
Quos tibi jamdudum asseruisti sanguine fuso;
Annumerâque tuis Sanctis in luce perenni;
Incolumem serva in mundo gentémque redemptam.
Illa dies videat nostram sine crimine vitam,
Te tribuente hostis contra tentamina vires.
Dirige fervorum gressus, da scandere cœlum,
Da nomen laudésque tuas celebrare per ævum.
O miserere tuæ, Deus, O miserere precantis
Plebis, & in Te uno ponentis spémque fidémque.
Nec tibi confisis, JESU, O spes unica mundi,
Peccata æterno suffundant ora rubore.

HYMNUS TRIUM PUERORUM.

In eo invitantur omnes creaturæ ad laudandum Dominum ; & sic incipit: Benedicite omnia opera Domini, &c. Hunc Hymnum ex Psalm civ. & cxlviii. uberiores reddere conati sumus, paullo immutato rerum ordine.

Εἰτ' ἄγε μεγάλοιο Θεῷ κτίσιν ὑμνῳδῶμεν. S. Greg. Nazianz.

I.

O Quicquid fecit Dominus (nam voce potente Omnia fecit, & ex nihilo quoque surgere jussit Cælum, terrarumque orbem, oceanumque profundum, Quæ postquam Omnipotens lustrasset lumine, vidit Esse bona omnia) vos Domino benedicite vestro, Æternum laudate Deum, celebrate Parentem.

II.

Cœlestes * Satrapæ, flammis similisque Ministri Nocte dièque alacres facitis qui jussa Tonantis, Militia Omnipotentis, custodisque bonorum, Integritate in ea qua vos Deus ipse creavit Stantes, mansurique simul sine labe per ævum, Æternum laudate Deum, celebrate parentem.

III.

† O decus, O vasti sinuosa volumina cœli, (Regia magna Dei,) subjectique orbibus orbes, Et vos extensæ super ardua mœnia mundi Fornicis instar aquæ, cælum circumdare jussæ. O sol fons lucis, læti rectorque diei ; Túque O luna tenens tacitæ moderamina noctis, Queis datur immensi distinguere tempora mundi,

(Sol

* Angeli. † Cælum & corpora cœlestia.

(Sol dum percurris bis sex cœlestia signa,
 Lunâque sæpe tibi renovas dum cornua in anno,)
 Et vos perpetuò radiantia sidera cœli,
 Æthera dum nox est rutilis ornantia gemmis,
 Æternum laudate Deum (qui nomina vestra
 Et numerum novit solus) celebrate parentem.

IV.

O * lux quæ ante alias res omnes condita fulges,
 Umbra Dei, quæ das rebus splendere decore,
 Eximio, & jucunda oculis spectacula præbes.
 (Qua sine carbones forma non vinceret aurum,
 Nec lapidi vili rutilans præstaret Iaspis,)
 O tenebræ horrendo velamine cuncta tegentes ;
 Alma dies operum rectrix, tempûsque laboris,
 Nox in qua placido requiescunt membra sopore,
 Et vires fessis renovantur imagine mortis ;
 Nóxque diésque simul labentes ordine certo
 Æternum laudate Deum, celebrate parentem.

V.

Túque * aër mollis, qui terræ amplecteris orbem,
 Pulmones recreans, animantibus omnibus auram
 Dans trahere, & dum fata sinunt producere vitam ;
 O venti celeres (nam vobis sæpe ministris
 Est usus Dominus, quo nomine cunque vocandi,)
 Intonuit quorum concursu sæpius aër,
 Sæpe mare insanos evexit ad æthera fluctus,
 Robora stravistis qui turbine, & obvia tecta,
 Qui nautis avidis fregistis sæpe carinas,
 Sæpius his auris implestis vela secundis,
 Æternum laudate Deum, celebrate parentem.

* Lux, dies, & noctes. † Elementa, aër, venti.

VI.

Vos quoque sub variis volitantia * nubila formis,
 Occidui ad radios pulchrèque rubentia solis,
 Imbribus ex alto quæ subdita prata rigatis,
 Deciduis guttis fœcundâque redditis arva ;
 Túque decus cœli, splendens in nubibus arcus,
 Ex sole adverso varios ducénsque colores,
 Quo Pater omnipotens signat mortalibus ægris
 Terrarum hunc orbem periturum haud amplius undis ;
 Ignis edax rerum, liquidis contrarius undis,
 Usibus humanis fed qui famularis & ipse ;
 Terribiles cœlo surgentes crine cometæ,
 Fulgura funestis implentiâque aëra flammis,
 Atque malis cunctis metuenda tonitrua, vestrum
 Æternum laudate Deum, celebrate parentem.

VII.

O † ver purpureis tellurem floribus ornans,
 Undique maturis formosâque messibus æstas ;
 Tuque, Autumne, bonas qui mittis in horrea fruges
 Tristis hyems, sævis rapidisque Aquilonibus horrens,
 (Sed quæ delicias multas mortalibus affers ;
 Ut totus Domini plenus bonitate sit annus,)
 O rores placidi recreantes gramina campi,
 Reddentiésque simul gratas animantibus herbas ;
 Frigora vinetis, tenerisque nocentia plantis ;
 Grando solum pulsans, duris invisa colonis,
 Prosternens segetes, crepitans super ardua tecta ;
 Candida nix, glaciésque imponens vincula ponto ;
 Et canæ cœlo delapsæ nocte pruinæ
 Æternum laudate Deum, celebrate parentem.

VIII.

* Nubes, ignis & meteora. † Anni, tempora, &c.

VIII.

Alma parens* tellus, quæ pabula larga ministras
 Cunctis si faveat summi indulgentia Patris,
 Excelsi † montes, minitantes vertice cælum,
 Lanigeris ovibus præbentes pascua læta;
 Et vos frugiferi || colles, placidæque tumentes,
 Multæ ubi purpureæ pendent de vitibus uvæ,
 (Præbentes vinum gratissima pocula mœstis,)
 Multus ubi fructus semper frondentis olivæ;
 Thus & odorato suadantia balsama ligno,
 Et crocus & nardus, fragransque accrescit amomum:
 O ¶ Valles lætæ maturis undique aristis,
 Ornatae hinc myrtis, funestis inde cupressis;
 * Ligna ubi confurgunt, quæ vel redolentia poma,
 Castaneas, corylos, ficos & amygdala fundant,
 Vel quæ dent fessis gratas mortalibus umbras;
 Nobilis imprimis, & rebus commoda cedrus,
 Fraxinus, & casus abies visura marinos,
 Robur, lenta salix, hortis aptissima pinus,
 Et platanus, buxusque, & vitibus ulmus amica;
 Laurus, & ingenti crescens sub pondere palma;
 Morus, tarda quidem, sed grata alimenta ministrans
 Bombyci blando, qui mollia viscera fundit,
 Viscera sceptrigeros exornatura tyrannos;
 Cætera quis numeret quæ tellus mittit in auras?
 O † nemora alta, impervia, vos sylvæque virentes,
 Frondosisque comis formosæ, gloria ruris;
 Nutrit ubi implumes longæva ciconia pullos,
 Unà ætate graves nutrit quoque grata parentes;
 Semper ubi raucæ gaudent habitare palumbes,

Solutus

* Terra. † Montes. || Colles. ¶ Valles. * arbores. † Nemora & Sylvæ.

Solus & amissos deplorat turtur amores :

O vos perpetuo viridantia * prata, venuste

Undique picta simul, per quæ de fontibus altis

Mæandris variis nunc leni argentea cursu,

Flumina, nunc rapido latum volvuntur in æquor ;

Urbes, & nitidas præter labentia villas.

O † campi quos sæpe juvat de vertice collis

Luminibus late circum lustrare jacentes,

Quos bellator equus, quos bos patiēsq̃ue laboris,

Et quos tondet ovis, (pastorum maxima cura)

Atque aliæ pecudes hominum quas exigit usus ;

Vos teneræque || herbæ, quas esse animantibus escam,

Quâsq̃ue dedit morbis Deus inservire medendis ;

O ¶ flores dulces, (nam vos spiratis odores

Corpora qui recreent, qui thura & aromata vincant,)

Forma quibus pulchra est, & nulla imitabilis arte ;

Quos violant & apes, ex his quoque dulcia libant

Mella per æstatem, in proprios usûsq̃ue recondunt ;

Lilia mixta rosis, ferrugineisq̃ue hyacinthis,

Lilia magnorum queis cedat purpura regum,

Quicquid vere novo producit terra quotannis,

§ Visceribusq̃ue simul quicquid latet ejus in imis,

Viscera namque extant terræ fœcunda metallis,

Ære, auro, argento, gemmis & marmore duro,)

O * fontes puri, tutissima pocula dantes

His qui vivendo naturæ jura sequuntur ;

Mirandi latices, quibus omnipotens dedit ipse ;

Et sedare sitim, & sævos depellere morbos ;

O qui jucundas facitis pinguescere valles

Irrigui fontes, vitreis qui curritis undis,

Ad

* Prata. † Campi. || Herbæ. ¶ Flores. § Mineralia.
* Fontes.

Ad placidos blando invitantes murmure somnos:
 Ex vobis ortum clarissima * flumina ducunt,
 Quæ fines extant variis regionibus orbis;
 Quæ rupe excelsa delapsa fragore tremendo.
 Sæpius attonitus videt, & pavet incola ruris;
 † Oceane altisonans, crebris agitate procellis,
 Facta tremenda Dei recludens plurima nautis,
 Immensique lacus, latèque patentia stagna
 Æternum laudate Deum, celebrate parentem.

IX.

Squamigeri || pisces, & cete, immania monstra,
 Quæ sub aquis miras duxistis sæpe choreas;
 O ¶ volucres levibus refecantes aëra pennis,
 Quæ sylvas facitis vestris resonare querelis;
 O § pecora, inque antris abscondita turba ferarum;
 (Ille est qui præbet vobis alimenta benignè)
 Reptilia, & quicquid vitales attrahit auras
 Æternum laudate Deum, celebrate parentem.

X.

O genus * humanum, divini Auctoris imago,
 Cui Deus os sublime dedit, cœlúmque tueri
 Jussit, & erectos ad sidera tollere vultus,
 Spernere terrena, & cœlestia quærere sola,
 Cui dedit æthereas mentes summique capaces
 Numinis, æternum fugituras claustra sepulchri,
 Victurasque simul cœlo per secula supremo;
 Cui quoque (ut hoc esset divini pignus amoris)
 Subdidit omnipotens animalia cætera cuncta;
 † Isacidæ ante omnes Domino dilecta propago,
 Queis dedit & leges, ex servitióque redemit;

Vos

* *Flumina.* † *Mare, &c.* || *Pisces.* ¶ *Volucres.* § *Pecora, &c.* * *Homines.* † *Ecclesia in primis.*

Vos quibus est legum concredita sacra potestas
 Terrarum reges, quos celsa in sede locavit
 Omnipotens, ejusque vices mandavit obire ;
 Robusti juvenes, pueri innuptæque puellæ,
 Consilióque senes, & dandis laudibus apti ;
 Vósque Sacerdotes, queis sunt altaria curæ,
 Sanguine qui teneri perfuso sæpe bidentis,
 Et multo oblato placastis thure Tonantem ;
 O vos qui Domino servitis nocte dièque
 Æternum laudate Deum, celebrate parentem,

XI.

Vos * animæque virum justorum, & fraude carentum,
 Exutæ tandem mortali corpore mentes ;
 O Sanctique humilésque homines, qui pectore puro
 Semper gestaistis Dominum dum fata sinebant ;
 O Ananias, & O Misael, tuque O Azarias
 Qui Dominum mediis celebrastis in ignibus, & queis
 Hos inter tutos virtus dedit esse superna,
 Vos uno ore omnes Domino benedicite vestro,
 Æternum laudate Deum, celebrate parentem.

* *Animæ sanctorum.*

CANTICUM ZACHARIÆ.

(COBI,

L Audemus magnum Dominumque Deumque JA-
 Qui nos respexit, populum electumque redemit;
 Qui Servatorem Davidis sanguine cretum
 Erexistis, nobis libertatemque creavit.
 Sic olim memini veteres cecinisse Prophetas

Tem-

Temporibus cunctis prima inde ab origine mundi ;
Nempe fore ut Dominus nos tempestate statuta
(Juxta id quod patribus nostris promiserat ipse
Jure interposito jurando, & fœdere factò)
Servitio eriperet, nobis quoque subderet hostes;
Ut pulsa ex animis omni formidine tetra
Maxima cura foret nobis, dum vita maneret,
Justitiaque fidèque Deo placuisse benigno.
Tu quoque, blande puer, toto celebraberis orbe
Nuncius æthereus, vates Patris altitonantis :
Ecce ante ora Dei tu magnus Prodrumus ibis,
(Æmulus Eliæ, & multo præstantior illo ;
Nam tibi venturum dabitur prædicere Christum,
Præsentemque videre simul, lympaque lavare.
Ponere deinde tuam vitamque illius amore)
Tu calles Domino planabis, vallibus æquans
Montes (ille humiles amat, obsistitque superbis,
Qui cum chara Dei soboles existat ab ævo
Non dedignetur de paupere virgine nasci,)
Tu genti Ifacidûm tandem partæque salutis
Præco eris, in vasto quoque vox clamantis eremo,
Ecce Deus veniet cito, vos resipiscite cuncti,
Et vobis pura lustrentur corpora lympa !
Ex te cognoscet domus Israelis, & omnes
In tenebris positi, sua nunc delicta remitti,
Si in Christum credent, qui Orientis solis ad instar
(Planè ante illum omni fugienti luce minore)
Venturus lux est, totius gentibus orbis,
Dux idem ad pacem blandam, vitamque perennem.

HYMNUS B. MARIÆ VIRGINIS.

EN mea magnificent Dominum præcordia, in illo
 Spiritus exultat, qui mea summa salus.
 Nam sortem ancillæ respexit lumine blando,
 Pauper eram, Regum stirpe creata licet.
 Ecce dehinc dicent, me secula cuncta beatam,
 Fulgebo semper Matris honore Dei.
 Virgo parens dicar, nam qui mea membra creavit
 Spiritus, ex illo sum quoque facta parens:
 Me Deus omnipotens tanto est dignatus honore,
 Cujus ter sanctum nomen in orbe manet.
 Hic est qui nostri miseretur, & illius extant
 Justorum in natos viscera nota fatis.
 Brachia nudavit, dextra sparsitque superbos,
 Consilia in se qui multa iniere mala.
 Hostes ex foliis deturbavitque potentes,
 Erexit mites, corde humilésque viros.
 Deliciis inopes satiavit, jussit abire
 Hinc vacuos opibus qui tumuere suis.
 Ut nos servitio eriperet, famulóque *JACOBO*
 Ipse suo ingentem tempore ferret opem,
 Id *SEMEN SANCTUM* cælo demisit ab alto;
 (Fœderis ille nequit non memor esse sui
 Quod pepigit blandus cum nostris patribus olim,)
 Et matrem pueri me dedit esse sacri,
 Qui *DEUS IN NOBIS HABITANS* vocitabitur, orbis
 Una salus, ingens Ifacidumque decus.

HYMNUS ANGELICUS.

Gloria in excelsis Domino, pax aurea terris,
 Erga homines summi panduntur viscera Patris.

PARA-

PARAPHRASIS PSALMI XCVIII.

COelicolum regi nova carmina pangite JOVÆ,
 Plurima qui fecit solus miranda per orbem;
 Non ope turmarum, sed sancta atque omnipotente
 Hostes devicit dextra, duxitque triumphum.
 Ille Redemptorem populi se præstitit, ille
 Justitiâque suam patefecit gentibus orbis:
 Isacidum memorem sese monstravit, & omnes
 Terrarum fines partam videre salutem.
 Ergo orbis gentes Dominum laudate supremum,
 O tentate Deo grates persolvere dignas,
 Grandia dulci-sonis jungantur carmina nervis,
 Carmina quæ celebrent ingentia facta Tonantis:
 Buccina magnifici resonet præconia regis,
 Illi jucundum dent æquora murmure plausum,
 Dent plausum quicquid vitreis spectatur in undis.
 Et Domini laudes omnis ferat incola mundi.
 Flumina lætentur, testentur gaudia montes,
 (Adventum Domini testati nutibus olim)
 Nam Deus ille venit, venit ille ut judicet orbem,
 Nempe malis pœnas, justis dabit ille coronas:

CANTICUM SIMEONIS.

NUNC, Domine, ex vita, nunc me dimitte benigne,
 Ut promisisti, da placidèque mori.
 Postquam illum *SANCTUM*, postquam videre salutem
 Promissam patribus lumina nostra tuam,
 Quam coram cunctis populis tua dextra paravit,
 Hostibus æternum dextra timenda tuis.
 Ille puer Lumen totius gentibus orbis,
 Ille erit & populi gloria magna sui.

SUFFRAGIA, *sive versiculi Amœbai a Sacerdote & Populo alternatim recitandi.*

- S. **R**erum sancte Parens, in nos tua viscera pande :
P. Et nobis, Deus alme, tuam concede salutem.
S. Incolumem Regem conserva, & protege blande :
P. Exaudi, Omnipotens, nostra hæc pia vota precésque.
S. Indue Justitiâ tua qui mysteria tractant :
P. In te fac populum semper gaudere redemptum.
S. Esto salus plebis quæ in te spem collocat omnem :
P. Accumulâque bonis sortem tibi jure dicatam.
S. Da nobis pacem, & tranquillam ducere vitam :
P. Te quoniam semper sumus usi vindice solo.
S. Da puras mentes, Deus, O da pectora sancta :
P. Nec tuus à nobis discedat Spiritus almus.

DOXOLOGIA.

Æterno Patri, æterni Natóque Parentis,
Spirituíque simul tribuatur gloria sancto :
Scilicet ut quondam mundo nascente dabatur,
Nunc datur, & dabitur per secula cuncta futura.

A M E N.

*Ad JESUM CHRISTUM Dominum
& Salvatorem nostrum.*

A Teneris annis te toto pectore amavi,
JESU, dumque mihi vita supersit amem :
Tu puero mihi carmen eras, & jam numeranti
Sexaginta annos tu mihi carmen eris.
Hæc fit, magne Deus, studiorum meta meorum,
Et prodesse aliis, & placuisse Tibi !
Me dolor, & tacito veniens pede curva fenestra
Jam sperare jubent, non procul esse diem,
Qui mihi deposito mortali corpore tandem
Donet in amplexus currere, Christe, tuos.

I N D E X.

I N D E X.

A.

- A**CTIONES *creatura-*
rum rationalium vel
irrationalium, Pag. 63
 Adami lapsus, 52
 Adiaphoris de rebus quorum
est judicare, 123
 Adultera, an morte multan-
da, 133
 Amicitia, 134
 Angelus Fœderis, Christus est,
 36
 Angeli electi, non stant pro-
priis viribus, 76
 Angeli conservi nostri: eo-
rum cultus, 86
 Angelorum lapsus, 52
 Angeli lapsi æternis suppliciis
consignantur, 76
 Anglicanam ad ecclesiam A-
postrophe, 109
 Antichristus, Papa est, 120
 Antichristiana Ecclesia, *Vid.*
 Ecclesia.
 Apocryphi Libri, 24
 Apostoli Christi, 16
 Arcana Dei non anxie inqui-
renda, 75
 Athei & Blasphemi an mor-
te multandi, 165
 Attributa Dei, 26
 'Αυτοχρεία damnatur, 165

B.

- Babylon, Roma est, 120
 Baptismus. (*Vid.* Infans) 147
 Baptizandorum officium, 148
 Baptismus non iterandus, 152
 Bellum 141
 Blasphemi. *Vid.* Athei.

C.

- Caput Ecclesiæ, Christum u-
num esse, 102
 Certitudo Salutis, an in hac
vitâ, 80
 Ciborum delectus, 128
 Cœlebs vita, 131
 Cœna Domini, 152
 Cœnæ S. fructus, 158
 Officium illius qui ad S.
Cœnam accedat, 161
 Communio sub utraque spe-
cie, 157
 Communio proprietatum,
quid sit, 37
 Com-

Communio sanctorum,	145	Conjugium Sacerdotum,	132
Communia, num bona san-		Consubstantiatio,	157
ctorum sint	144	Constituta quæ bene sunt,	
Concilia,	115	non temerè mutanda,	125
Qui indicat generalia Con-		Corpus Christi impii non	
cilia, & an errare pos-		manducant,	159
sint,	111	Crux Christi non adoranda,	
Concomitantia doctrina,			85
	157	Crucis signum in Baptismo	
Confessio auricularis,	127	vetus,	148
Conjugium honestum in om-		Cultus Dei verus,	27
nibus,	130	Cultus imaginum,	85

D.

Decalogus,	88	ros,	7
Summa Mandatorum,	91	Deus, unde cognoscitur,	16
Decima, & de raptoribus		Deus, quid sit,	25
Decimarum,	133	Vid. Attributa, Cultus,	
Decretum divinum non tol-		&c.	
lit libertatem arbitrii,	60	Dii Gentium,	27
Descensio Christi ad Infe-		Divortium,	132

E.

Ecclesiæ nota veræ & An-		Episcopis & Ministris Eccle-	
tichristianæ,	100	sia vera nunquam caruit,	
Ecclesiæ catholica perpetui-			105
tas,	110	Episcopi dicti Angeli: omnes	
Ecclesiæ Ritus: ejus est vi-		pari potestate præditi,	109
dere ut omnia fiant de-		Episcopi, etiam injustè de-	
center,	122	positi, non debent fugere	
Ecclesia militans & trium-		communione Successorum	
phans,	145	suorum, modo Catholici sint,	
Electio & Reprobatio,	56		120
Electi qui sint, Deus solus		Episcopi universalis titulus	
novit,	70	blasphemus,	120
Episcoporum Apostolica in-		Excommunicatio, & de ex-	
stitutio,	103	communicatis vitandis,	164

F.

Festi Dies,	127	Fortuna non datur in rerum	
Fœdus vetus & novum,	3	naturâ,	38

G.

- Gentiles. *Vid.* Salvabilitas. Gratia *&* liberum Arbitrium, 58
 Gratia *sufficiens* datur omnibus in Christo, 70
 Gratia homines impii resistunt, 71

H.

- Hæreticus, quis sit, 101
 Hæretici *Canam Domini* non celebrant, 160
 Hæretici quomodo tractandi, 164

I.

- Iesus Christus, p. 4, &c. & 32, &c. *Vid.* Angelus Fœderis, Caput Ecclesiæ, Immanuel, Mediator, Messias, Θεός & ὁ υἱος τοῦ Θεοῦ, Victima, &c.
 Ieiunium, 128
 Imago Dei in homine, iustitia, 55
 Immanuel, 34
 Immortalitas animarum, 43
 Immortalis solus Deus per se, 44
 Impœnitentia finalis semper comitatur peccatum in Spiritum S. 163.
 Induret, quomodo Deus homines, 72
 Infantium baptismus, 148
 Infantes fidelium, qui mox à Baptismo moriuntur, salvantur; & quid sentiendum de aliis infantibus, 150
 Intentio Sacerdotis in Sacramentis, 159
 Jusjurandum, 139
 Justificatio hominis, 77

L.

- Lapsus. *Vid.* Adamus, Angeli. potest, cur igitur data sit? 78
 Lapsus causa voluntatis liberæ abusus, 53
 Lex naturæ, 17
 Lege Mosaicâ justificari nemo potest, 127

M.

- Mandata. *Vid.* Decalogus. Magistratus Civilis, 111
 Mandata divina & humana, quomodo inter se differant, 123
 Mediator Novi Fœderis, 5
 Messiam, quæ testantur Iesum esse, 9
 Men-

Mendacium,	136	Minister Dei, quis sit oportet,	105
Mendax quis, cur amat ju- rare,	140	Miracula Christi,	15
Merita propria	81	Miracula vera à falsis dig- noscenda,	174
Merita Sanctorum,	83	Missæ privatae,	159
Ministerium Ecclesiasticum,	102	Mors,	165
Ministrorum triplex ordo,	103	Mortis & mali origo,	51
		Mors peccati merces,	57
		Mundus non ab æterno,	42

N.

Natura. Vid. Lex.	Noæ præcepta septem,	90
Natura æqui & boni immu- tabilis,	Nuptiæ secundæ,	131
		18

O.

Opera bona,	79	Orat Jesus pro his qui ipsum morti addixerunt,	6
Non Deo grata alia sunt, quam quæ fiunt in Chri- sto Jesu,	80	Oratio Dominica,	93
Opera supererogationis, ibid.		Pro quibus orandum sit,	94
Oracula adventu Christi si- lent,	23	Ordinatio Ministrorum, quæ ab Episcopis fieri debet,	106
Vid. Sibyllina.			

P.

Papa. Vid. Antichristus.	Perfectio in hac vitâ,	80
Peccatum primum. Vid. A- dami lapsus.	Perseverantia Electorum,	70
Peccati primi atrocitas,	Polygamia,	130
Peccata omnia mortalia per se,	Preces pro defunctis,	87
Peccatum in Spiritum S.	Preces Sanctorum, cur Deus non semper audiat,	95
Peregrinatio religionis causâ,	Preces in linguâ populo non intellectâ,	127
84	Providentia,	38
Perjuri, num morte multan- di?	Purgatorius Ignis,	87
141		

R.

R.

Redemptio universalis,	56	Remissio peccatorum fructus baptismi,	147
Reformati provocant ad S. Scripturam, Patres, &	4	Remissio peccatorum post baptismum,	162
generalia Concilia,	107	Renovatio vitæ,	148
Reformatorum primorum vocatio,	108	Resurrectio mortuorum,	168
Regenerationis statu possunt homines excidre,	58	Roma sacrilega, & in sacram Scripturam blasphemica,	22
Regis Officia,	113	Romana Ecclesia non catholica, nec sincera pars Catholica,	101
Rex à nemine mortalium judicandus,	116		
Rex quiq; in suo Regno supremus,	119		

S.

Sacrilegus quis,	133	De S. Librorum Auctoritate,	19
Sabbathum,	126	Scripturæ S. perfectio, perspicuitas,	23
Salus non est nisi per Christum,	9	Scriptura Interpres optimus sui ipsius,	ibid.
Salus non est extra Ecclesiam catholicam,	102	Servi,	142
Salvabilitas Gentilium qui ante Christum vixerunt,	73	Sibyllina oracula,	14
Sacramenta,	146	Status impiorum & piorum post mortem,	169
Sacramenti efficacia non tollitur malitiâ Ministris; elementa non adoranda,	160	Subditorum officia,	114
Sacerdotum officium,	163	Successio Personarum in Ecclesia non valet sine successione doctrinæ,	101
Sacrificium, quâ ratione S. Cæna vocatur,	158	Superbia primum peccatum,	52
Schismaticus, quis sit, & Schismata unde oriuntur,	120	Supremæ potestati non resistendum,	117
Scriptura S.	18		

T.

Templis quæ reverentia debetur,	134	Transubstantiatio,	153
Templa Dei spiritualia,	125	Trinitas S. S.	29
Θεὸς ὁ πῶν & Jesus est,	31	Tyrannus quis,	112
Traditiones,	23	Num à subditis obtruncandus,	116

V.

V.

Vasa misericordiae possunt fieri ex Vasibus contumeliae,	59	Vita Dei donum,	57
Versio Latina vulgata S. Script.	23	Vitam ad bonam & beatam regulæ generales,	96
Victima Jesus factus pro nobis,	6	Vota; & de Votis monasticis,	129

U.

Usura,	142
--------	-----

E R R A T A.

Pag.	Lin.	Pro	Leg.	Pag.	Lin.	Pro	Leg.
35.	11.	toto	solo.	75.	3.	æterna	æternæ.
37.	4.	[.]	pone [:]	Ibid.	24.	qui	qua.
43.	7.	tempori	tempora.	81.	20.	quid	quod.
Ibid.	8.	nostræ	nostra.	110.	21.	queis	quos.
Ibid.		natutam	naturam.	124.	10.	æquus	æquas.
44.	22.	qui	quia.	140.	2.	Est	Et
Ibid.	15.	[.]	pone [;]	158.	7.	eloquio	eloquii.
56.	19.	oblatum	oblatam.				







